

ରୋମୀୟମାନଙ୍କ ନିକଟକୁ ପାଉଲଙ୍କ ପତ୍ର **ରମିୟଇଂନେ ଡାଗ୍ରା ପାଉଲ୍‌ନେ** **ଉଲିଆଃ** **ରୋମୀୟ ବଇ ଉଲିଆଃ ବିସୟରେ** **ଉଡ଼ିକ୍ଲିଗ୍ ସାମୁଆଁ**

ରମିୟ ବଇ ପ୍ରେରିତ୍ ପାଉଲ୍ ବାନ୍ ତିଙ୍ଗ୍‌ଲେଃଏ ୫୪ ବାନ୍ ୫୮ କିଷ୍ଟାକ୍ ବିତ୍‌ରେ ଜିସୁ କିସ୍‌ଟ ଜନମ୍ ତିଙ୍ଗ୍‌କ୍ଲେ ଇଡ଼ିଙ୍ଗ୍ ଗୁଆର୍‌ବଗେ । ପାଉଲ୍ ରମନ୍ନିଆ ଝେନେ ସେନ୍‌ଗ୍ ମ୍ବାୟା ଦଲ୍ ଜିଉଦି ବାରି ଅଣଜିଉଦି କିସ୍‌ଟାନ୍ ରେମୁଆଁଇଂକେ ଆଦେସ୍ ବିନ୍‌ସା ଆକେନ୍ ଉଲିଆ ଗୁଆର୍ ବଗେ । ଗୁଲେ ଜାତି ତିତିରକମ୍ ଜିସୁ କିସ୍‌ଟକେ ବିସ୍‌ବାସ୍ ତିଙ୍ଗ୍‌ମ୍ୟାଆର୍‌କେ ୧୬:୨୭ ଆଦେନ୍‌ସା ମେଁ କରିନ୍ତି ସହର୍‌ନ୍ନିଆ ଲେଃକ୍ଲେବେଲା ରମିୟ କ୍ରିଷ୍ଟାନ୍‌ଇଂନେ ଆଦେସ୍ ବିନ୍‌ସା ଆକେନ୍ ଉଲିଆ ଗୁଆର୍‌ବଗେ ।

ସାପା ଜାଗାନ୍ନିଆ କାଲାଆଃ କିସ୍‌ଟାନ୍ ରେମୁଆଁଇଂ ଆଡ଼ଲା ରମିୟ ବଇ ମୁଇଂ ମୁଲ୍ ବଇ । ମେଁ ଡାଗ୍ରାଲ୍ ନେ ତିତିରକମ୍ ଜିସୁ କିସ୍‌ଟନେ ବାନ୍ ମୁକ୍ତି ନେବାଏ ପାଉଲ୍ ପୁରାପୁରି ନିମାଣ୍ଡା ବାବରେ ଆବୁଜେତିଙ୍ଗ୍‌କେ । ପାଉଲ୍ ବାଝିର୍‌ନେ ନିୟମ୍‌କେ ତିଗ୍ ଜିସୁ କିସ୍‌ଟନେ ବ୍ଲାଇର୍ ଏଡେ ଆମିସୁତିଙ୍ଗ୍‌କେ । ୧:୧୭ ବ୍ଲାଲିର୍‌କେ ତୁଙ୍ଗ୍‌ଝେତେ ଗୁଲେ ପଣ୍ଡିତ୍‌ଇଂ ମେଇଂମେଇଂ ବାଲିର୍‌ବାତାତେ ବାସଙ୍ଗ୍ ମ୍ୟାଃଆର୍‌କେ ଜେ ଆକେନ୍ ମ୍ବାଃ ମଜେନେ ଟିକା ରକମ୍ । ଜା ସାପା ଆକ୍‌ଅରିଆ ବାସଙ୍ଗ୍‌ତିଙ୍ଗ୍‌କେ “ନେଙ୍ଗ୍ ମାପୁରୁ ବ୍ଲାଇର୍ ସା ଗିଆସ୍ ତିଙ୍ଗ୍‌ନାତିଙ୍ଗ୍‌କେ ମେଃଡାଗ୍‌ଲା ଜାଣ୍ଡେଇଂ ବିସ୍‌ବାସ୍ ତିଙ୍ଗ୍‌ଆର୍‌ତିଙ୍ଗ୍‌କେ ସାପାରେ ଆଡ଼ଲା ଆକେନ୍ ଇସ୍‌ପର୍‌ନେ ବପୁ । ପର୍‌ତୁମ୍ ଜିଉଦି ଇଡ଼ିଙ୍ଗ୍ ଅଣଜିଉଦି ରେମୁଆଁଇଂ ନ୍‌ସା ତିଗ୍ ।”

ପର୍‌ତୁମ୍ ବଇ ୧:୧୭ ବାର୍‌ମୁଇଂ ବାଗ୍ ୧୩; ୧୫ କିସ୍‌ଟାନ୍ ରେମୁଆଁଇଂନେ ଜିବନ୍ ଗୁଲେ ବେବଆର୍ ତିଙ୍ଗ୍‌ବକ୍ଲେ ଆଦେସ୍

ଲେଖକେ ।

ସାସ୍ତ୍ର ବିତ୍ତେ ଲେଖକେ ସାମୁଆଁଇଂ

- ୧. ପାଉଲ୍ ସାଦାସିଦା ବାବରେ ନିଜକେ ଆଃସ୍ତାମୁଆଁରେ ଆଜାକେ ଉଲିଆ ଗୁଆର୍ ତିଜ୍ଜକେ ଆତେନ୍ ମେଁ ବାଲିରତେ ଉଲିଆ ଆରାମ୍ ତିଜ୍ଜମ୍ୟାକେ । ୧:୧-୧୫
- ୨. ରେମୁଆଁ ଜାତିନେ ରାଇଜ୍ ବାରି ଜିସୁ କିସ୍ତ ବାନ୍ ମୁକ୍ତି ବାନେ । ୧:୧୬; ୧୧:୩୭
- ୩. କିସ୍ତାନ୍ ରେମୁଆଁ ସୁଗୁଆ ବୁଆ ତିକେଃନସା ପାଉଲ୍ନେ ଗୁଲେ ବେବଆର୍ ତିଜ୍ଜବକ୍ଲେ ଆଦେସ୍ । ୧୨:୧; ୧୫:୧୩
- ୪. ମେଁ ରମିୟ ମଣ୍ଡଲିନେ ରେମୁଆଁଇଂକେ ସାର୍ଲ ଆଃମ୍ୟାତେ ଗୁଆର୍ ଆଃତାବକେ । ୧୬:୧-୨୭

୧ ଜିସୁ କିସ୍ତନେ ଦାସ ବାରି ଇସ୍ପର୍ବାନ୍ ପାଙ୍ଗଲେଖକେ ନିମାଣ୍ଡା କବର୍ ବାସଙ୍ଗ୍ ଅଲେଙ୍ଗନେସା ପ୍ରେରିଡ୍ ସିସ୍ ରକମ୍ ତିଜ୍ଜତେ ପାଙ୍ଗଲେଖକେ ପାଉଲ୍ ଉଲିଆ ।

୨ ଦର୍ମସାସ୍ତ୍ରନ୍ନିଆ ଗୁଆର୍ବକ୍ଲେ ଇସାବରେ ଆକେନ୍ ନିମାଣ୍ଡା କବର୍ ବିସୟରେ ଇସ୍ପର୍ ଅସେବାନ୍ ମେଃନେ ବାବବାଦିଇଂନେ ବାନ୍ ବାଲିରବଗେ ।

୩ ଆକ୍ଲେନେ ମୁଲ୍ ତିଜ୍ଜତିଜ୍ଜକେ; ଇସ୍ପର୍ନେ ଉଜ୍ଜତେ ନେନେ ମାପ୍ତୁ ଜିସୁ କିସ୍ତ । ରେମୁଆଁ ରକମ୍ ମେଁ ଦାଉଦ୍ନେ ବସ୍ତକୁଲ୍ ।

୪ ମାତର୍ ମେଁନେ ଆଡାତ୍ରା ପବିତ୍ରତା ଲେଖଗେସା ମେଁ ଇସ୍ପର୍ନେ ଉଂତେ ତାଗରେ ଆସୁଏକେ । ଗୁଏକ୍ଲେ ବାନ୍ ମେଁ ତଡିଆକ୍ଲେ ଆକେନ୍ ବାରି ମ୍ୟାଆରକେ ।

୫ କିସ୍ତନେ ନସାଃ ଇସ୍ପର୍ ଆନିଂକେ ପ୍ରେରିଡ୍ ସିସ୍ ରକମ୍ ସିଚେଃ ସାପା ଜାତିନେ ରେମୁଆଁଇଂନେ ତାଗ୍ରା ବାସଙ୍ଗ୍ନେ ନସାଃ ସୁଜଗ୍ ବିଃବକେ, ତିରକମ୍ ମେଇଂ କିସ୍ତ ଯାଶୁନେ ତାଗ୍ରା ବିସ୍ବାସ୍ ତିଂଚେଃ ମେଁନେ ସାମୁଆଁ ମାନେଃଆର୍ଏ ।

୬ ରମିନେ ଆଦିବାସି ! ଯେ ତିଗ୍ ଜିସୁ କିସ୍ତନେ ପ୍ଲା ଖେନ୍ସା ପାଙ୍ଗପେଲେଖକେ ।

୭ ମନେ ତିଜ୍ଜପା ରୋମନେ ମୁଡି ରେମୁଆଁଇଂକେ ଇସ୍ପର୍ ବଲ୍ ବାଡିଜ୍ଜକେ ବାରି ମେଁନେ ନିଜର୍ ରେମୁଆଁ ତିଜ୍ଜନେସା ଖାବକେ ।

ଆତେନ୍ ସାପାରେକେ ନେଙ୍ଗ୍ ଆକେନ୍ ଉଲିଆ ଗୁଆର୍ଣ୍ଣିଙ୍ଗ୍‌କେ ।
 ନେନେ ଆବା ଇସ୍‌ପର୍ ବାରି ମାପ୍‌ରୁ ଜିସୁ କିସ୍‌ଟ ଆପେକେ ଦୟା
 ବାରି ସାନ୍‌ତି ବିଲେ ।

ଦନ୍ୟବାଦ୍‌ନେ ପାର୍‌ତନା

୮ ପେ ଇସ୍‌ପର୍‌କେ ବିସ୍‌ବାସ୍‌ ତିଙ୍ଗ୍‌ପେମ୍ୟାକେ ତାଗ୍‌ଟେ
 ଦରତନ୍‌ନିଆ ସାପାରେ ମ୍ୟାଃଲେଆର୍‌କେ । ଆତେନ୍‌ସା ପେ
 ସାପାରେ ନ୍‌ସା ମାପ୍‌ରୁ ଜିସୁ କିସ୍‌ଟନେ ମ୍ନିରେ ନେଙ୍ଗ୍ ଇସ୍‌ପର୍‌କେ
 ଦନ୍ୟବାଦ୍‌ ବିଣ୍ଣିଙ୍ଗ୍ ।

୯ ଆମ୍ବାନ୍‌ନିଆ ନେଙ୍ଗ୍ ମୁଡ୍‌ତି ଇସ୍‌ପର୍‌କେ ସେବା ତିଙ୍ଗ୍‌ଣ୍ଣିଙ୍ଗ୍‌କେ
 ବାରି ମୁଡ୍‌ତି ଇସ୍‌ପର୍‌ନେ ଉଙ୍ଗ୍‌ଡେନେ ବିସ୍‌ୟରେ ନିମାଣ୍ଡା ବ୍ଲାଲିର୍
 ବାସଙ୍ଗ୍‌ଣ୍ଣିଙ୍ଗ୍‌କେ ଆତେନ୍ ଇସ୍‌ପର୍ ନେଙ୍ଗ୍‌ନେ ସାକି । ନେଙ୍ଗ୍
 ମେଃନେ ବାସଙ୍ଗ୍‌ଣ୍ଣିଙ୍ଗ୍‌କେ; ଆତେନ୍ ସଡ୍‌,

୧୦ ପାର୍‌ତନାନ୍‌ନେ ବେଲା ନେଙ୍ଗ୍ କାଲାଆଃ ଆପେକେ ମନେ
 କ୍ଲାଗ୍‌ତିଙ୍ଗ୍‌କେ ବାରି ପେ ତାଗ୍‌ରା ପାଙ୍ଗ୍‌ନେସା ଆନେଙ୍ଗ୍ ସୁଜଗ୍‌ ବିନ୍‌ସା
 ଇସ୍‌ପର୍‌ତାଗ୍‌ରା ନିବେଦନ ତିଙ୍ଗ୍‌ଟେ ପାଙ୍ଗ୍‌ନେଃକେ ।

୧୧ ପେ ତାଗ୍‌ରା ପାଙ୍ଗ୍‌ଟେ ନେଙ୍ଗ୍ ବାନ୍‌ନେଃକେ ଆମ୍ବିକ ଦାନ୍
 ବିସ୍‌ୟରେ ଆପେକେ ଆଃମ୍ୟାନେ ବାନ୍‌ ପେନି ବିସ୍‌ବାସ୍‌କେ ତାଟ୍
 ଶ୍ଟାଡ୍‌ଟିଙ୍ଗ୍‌ଏ ଆକେନ୍ ନେଙ୍ଗ୍‌ନେ ମୁଇଁ ଇକ୍‌ଟା ।

୧୨ ଆକେନ୍ ବାନ୍‌ ନେ ବିଡ୍‌ରେନେ ବିସ୍‌ବାସ୍‌କେ ତାଟ୍ ଆଡ୍‌ଟିଙ୍ଗ୍
 ନେୟାଏ ।

୧୩ ☆ବୟାଁ ତନାଇଁ ପେ ତାଗ୍‌ରା ପାଙ୍ଗ୍‌ନେସା ନେଙ୍ଗ୍ ଗୁଲେତର୍
 ରାଜି ତିଙ୍ଗ୍‌ମ୍‌ଗେ ମାତର୍ କାମ୍‌ ଲେଃଗେସା ଏଜାକ ପାଙ୍ଗ୍‌ ନ୍‌ୟାକେ ଶ୍ଟୁ
 । ବିନ୍‌ବିନ୍‌ ରାଜିନେ ଅଣଜିଉଦିଇଁନେ ବିଡ୍‌ରେ ବାସଙ୍ଗ୍ ଅଲେଙ୍ଗ୍‌ଟେ
 ତିଡ୍‌ରକମ୍ କି ନିମାଣ୍ଡା ରୁ ବାନ୍‌ନେଃକେ ପେ ଏରିଆ ବିଡ୍‌ରେ ତିଗ୍
 ଆତେନ୍ ତିଙ୍ଗ୍‌ନେସା ନେଙ୍ଗ୍‌ନେ ରାଜି ଲେଃକେ ।

୧୪ ତାଗ୍‌ଲା ଗ୍ରାକ୍ କି ବିଦେସି ସିକିଡ୍ କି ଅସିକିଡ୍ ସାପାରେ ତାଗ୍‌ରା
 ନେଙ୍ଗ୍ ରୁନ୍ ତିଙ୍ଗ୍‌ନେଃକେ ।

୧୫ ତେସା ରୋମ୍ ଅରିଆ ବାସା ପେଲେଃକେଣ୍ଡେ ଜେ ପେ ତାଗ୍‌ରା
 ତିଗ୍ ନିମାଣ୍ଡାସାମୁଆଁ ବାସଙ୍ଗ୍ ଅଲେଙ୍ଗ୍‌ନେସା ନେଙ୍ଗ୍ ରାଜି ନେଃକେ ।

☆ ୧:୧୩ ପ୍ରେରିଡ୍ ୧୯:୨୧.

ନିମାଣ୍ଡାସାମୁଆଁନେ ବପୁ

୧୭ ✨ଆତେନ୍ ନିମାଣ୍ଡାସାମୁଆଁ ଆଡାଡା ନେଙ୍ଗନେ ପୁରାପୁରି ରାଜି ଲେଃକେ । ଆତେନ୍ ସିସେ ଜିଉଦି ବାରି ଇଡ଼ିଙ୍ଗ୍ ଅଣଜିଉଦି ବିସ୍ବାସିଇଂନେ ଉଦାର ବାନେସା ଇସ୍ପରନେ ମ୍ବା ବପୁ ରକମ୍ ।

୧୭ ରେମୁଆଁ ଇସ୍ପର ତାଗରା ତିଡ଼ିରକମ୍ ଦାର୍ମିକ୍ ଆସୁଏ ଯାଆରଏ ଆକ୍ଳେନେ ଉପାୟ ଆଡ଼ଅରିଆ ଆନ୍ଦାବକେ । ମୁଲେବାନ୍ ସାରାସାରି ଜାକ ପରିତ୍ରାନ୍ ବାନେ ମୁଇଂ ମାତର୍ ଉପାୟ ତିଙ୍ଗ୍ତିଂକେ ବିସ୍ବାସ୍, ସାସ୍ତ୍ରନେ ହ୍ଲାନିର୍ ଇସାବ୍ରେ, “ଜାଣ୍ଡେ ବିସ୍ବାସ୍ ତିଙ୍ଗ୍ତେ ଇସ୍ପର ତାଗରା ଦାର୍ମିକ୍ ଆସୁଏଃଏ, ମେଁ ବୁଆଏ ।”

ରେମୁଆଁ ଜାତିନେ ପାପ୍

୧୮ ମୁଡ଼ି ପାପି ଦୁରାଚାରି ରେମୁଆଁଇଂ ନିଜେନେ ଦଦ୍ୟା ବେବଆର୍ ବାନ୍ ସଡ଼କେ ଆନ୍ତାର ବିମ୍ୟାକେ ମେଇଂନେ ବିରଦ୍ରେ କିତଂବାନ୍ ଇସ୍ପରନେ ଗିସେ ନ୍ଦାଏ ।

୧୯ ଇସ୍ପର ଆମେଇଂକେ ତଣ୍ଡ ବିଏ ତାଗଲା ଇସ୍ପରନେ ବିସୟରେ ଜା ସାପା ମ୍ୟାନେ ସାମୁଆଁ ମେଇଂ ଆତେନ୍ ମ୍ୟାଃଲେଆରକେ ଇସ୍ପର ନିଜେ ଆତେନ୍ ନିମାଣ୍ଡା ବାବ୍ରେ ବାସଙ୍ଗ୍ବକେ ।

୨୦ ଇସ୍ପର ଦର୍ତନିକେ ଆରେକ୍ଳେ ବେଲାବାନ୍ ମେଃନେ ଆନ୍ଦାକ୍ଳେ ଗୁନ୍‌ଗିଆନ୍‌ଇଂ ବା ମେଃନେ କାବା ରକମ୍ନେ କାମ୍ ସାପା ବାରି କାଲାଆଃ ଲେଃନେ ବପୁ ନିମାଣ୍ଡା ବାବ୍ରେ ମ୍ୟା ଲେଃଆରକେ ମେଁ ଆରେକ୍ଳେ ସାମୁଆଁଇଂ ଅରିଆ ଆତେନ୍ ବା ଯାଡ଼ିଙ୍ଗ୍ଏ । ତେସା ମେଇଂ ମ୍ୟା ଆଲେଃଆରକେ ତାଗ୍ତେ ବାସଙ୍ଗ୍ ଆୟାଆର୍ ଶୁ ।

୨୧ ✨ମେଇଂ ଇସ୍ପରନେ ପରିଚୟ ବାଚେ ତିଗ୍ ଆମେଇଂକେ ସନ୍‌ମାନ୍ ଆବିଃଆରକେ କି ଆମେଇଂକେ ମେଃଡ଼ିଗ୍ ବିସୟ୍ ସା ଦନ୍‌ୟାଦ୍ ଆବିକେ ଶୁ । ମାତର୍ ମେଇଂନେ ଚିନ୍ତା ସାପା ଜାବର୍ ବାରି ମେଇଂନେ ଆଲାଜୁ ମନ୍ ତାଙ୍ଗ୍‌କିଗ୍ ଅରିଆ ଲେଃକେ ।

୨୨ ମେଇଂ ନିଜ୍‌କେ ଜ୍ଞାନି ତାଗ୍ତେ ଆସୁଏମ୍ୟାଃକେ ମାତର୍ ସଡ଼ରେ ମେଇଂ ମୁରକ ।

✨ ୧:୧୭ ମାରକ ୮:୩୮. ✨ ୧:୨୧ ପିଲିପିୟ ୪:୧୭-୧୮.

୨୩ କାଲାଆଃ ଇସ୍ପରକେ ପୁଜା ମାଡ଼ିଙ୍ଗ୍ରେ ଫେଇଁ ନେଙ୍ଗ୍ନେ ରେମୁଆଁ ପସୁ ଦ୍ଵିଗ୍ ବାରି ବୁବ ରକମ୍ନେ ମୁର୍ଡ଼ି ଆରେଚେ ଆଡେନଇଁକେ ପୁଜା ଡିଙ୍ଗ୍ଆର୍ଡ଼ିକେ ।

୨୪ ତେସା ଇସ୍ପର ଆମେଇଁକେ ଆନ୍ତାର୍ ବିବକେ ବାରି ଫେଇଁ ନିଜେ ନିଜେନେ ଗାଗ୍ଡେ ନ୍ଵାଃ କାଲାଆଃ ଡିଡିଙ୍ଗ୍ନେ ସ୍ଵେନ୍ନିଆ ଚାକ୍ଲାଣ୍ଡା ଲେଃଡିଙ୍ଗ୍ଆର୍କେ ଫେଇଁ ଫେଇଁଫେଇଁ ଏତେ ଗିଆସ ରକମ୍ନେ ସମ୍ପକ୍ ବମ୍ୟାଃଆର୍କେ ।

୨୫ ଫେଇଁ ଇସ୍ପରନେ ବିସୟରେ ସଡ୍ ବାଦୁଲ୍ରେ ମିର୍ ସାମୁଆଁ ଦ୍ଵିଗ୍ ଆର୍କେ ବାରି କାଲାଆଃ ପ୍ରସଂସା ବାନେ ଆରେବକ୍ସେ ମାପରୁକେ ପାରତନା ମାଡ଼ିଙ୍ଗ୍ରେ ଫେଇଁ ଆରେ ବକ୍ସେ ଜିନିସ୍ଇଁକେ ପୁଜା ଡିଙ୍ଗ୍ମ୍ୟାଆର୍କେ ।

୨୬ ଫେଇଙ୍ଗ୍ ଗିଆସ ରକମ୍ନେ ପାପ୍ କାମ୍ରେ ଲାଗେଡ଼ିଆ ଲେଃଲା ଇସ୍ପର ଆମେଇଁକେ ଆନ୍ତାର୍ ବିବକେ ଫେଇଁନେ କୁନ୍-ଏଃଡେଇଁ ଏତେ ତୁଲେଗ୍ ଆନ୍ତାର୍ରେ ବିନ୍ ସେଲାମ୍ପୁ ଏତେ ତୁଲେଗ୍ବୁଏ କାମ୍ ସାପା ଡିଙ୍ଗ୍ଆର୍ଡ଼ିକେ ।

୨୭ ଙ୍ଗିର୍ବଏଇଁ ଡିଗ୍ ନିଜର୍ କୁନେଃଡେ ଏତେ ମାଡୁଲେଗ୍ରେ ଫେଇଁଫେଇଁ ବିଡ୍ରେ ଦଦ୍ୟା କାମ୍ଅରିଆ ଲଃ ଡିଁଆର୍କେ, ଙ୍ଗିରେଇଁ ଫେଇଁଫେଇଁ ଏତେ ଦଦ୍ୟା କାମ୍ ଡିଙ୍ଗ୍ଆର୍ଡ଼ିକେ ବାରି ଇଡିଙ୍ଗ୍ ଦଦ୍ୟା କାମ୍ ନ୍ଵା ଡଣ୍ ବାଆର୍ଡ଼ିକେ ।

୨୮ ଆକେନ୍ ରେମୁଆଁଇଁ ଇସ୍ପରନେ ବିସୟରେ ଚିକ୍ ଦାର୍ନାରେ ବୁଆନ୍ସା ଇକ୍ଚା ଆଡିଙ୍ଗ୍ଲା ଇସ୍ପର ଆମେଇଁକେ ଆନ୍ତାର୍ ବିବକେ ବାରି ଫେଇଁ ମ୍ପାର୍ମନ୍ ଡିଙ୍ଗ୍ରେ ରେମୁଆଁ ରକମ୍ ବେବଆର୍ ଆଡିଙ୍ଗ୍ଆର୍କେ ଶୁ ।

୨୯ ଫେଇଁ ଦୁସ୍, ଦଦ୍ୟା, ଲବ୍‌ରା ବାରି ସରାଃ ଲେଃଆର୍କେ । ଫେଇଁ ଗିସେ ଡିଁଆର୍କେ, ରେମୁଆଁ ବାଗୁଏରେ, ଝିଙ୍ଗ୍ଆଃରିଁଆଃକେ ବଲ୍ ବାଣ୍ଡେ, ମିରୁଆ ବାରି ଦଦ୍ୟାରେ ଲେଃଆର୍କେ ।

୩୦ ଫେଇଁ ଇସ୍ପର ଡାଗ୍‌ରା ଗୁର୍ନା; ରିସା ଆଁକାର୍ ବାରି ବଡ୍‌ପନ୍; ଦଦ୍ୟା କାମ୍ ଡିଙ୍ଗ୍ନେ ବିନ୍‌ବିନ୍ ରକମ୍ନେ ଉପାୟ୍ ଫେଇଁ ଡିଁମ୍ୟାଃଆର୍କେ; ଫେଇଁ ଆବା ଇୟାଙ୍ଗ୍ନେ ସାମୁଆଁ ଦ୍ଵିଗ୍ ଆମ୍ୟାଃଆର୍କେ ଶୁ ।

୩୧ ବୁଦ୍ଧି ମାଲେଣ୍ଡେ ନିଜେନେ ମାନତ୍ ତିଙ୍ଗବକ୍ଲେ ରକ୍ୟା ଆଡିଙ୍ଗଆର୍ ଶୁ ଶୁ ବିନ୍ରେ ରକମ୍ ମେଇଁନେ ଲେଃଲ୍ଲା ଡିଗ୍ ଲିବିସଃ ଶୁ ଶୁ ।

୩୨ ମେଇଁ ମ୍ୟା ଲେଃଆର୍କେ ଜେ ଇସ୍ପରନେ ନିୟମ୍ ଇସାବରେ ଦେକ୍‌ରକମ୍ ରେମୁଆଁଇଁ ଗୁଏନେ ଡ଼୍ ବାନ୍‌ସା ଦର୍‌କାର୍ ଆକେନ୍ ମ୍ୟାଚେ ଡିଗ୍ ମେଇଁ ଦେଡ୍‌ରକମ୍ ଦଦ୍ୟା କାମ୍ ତିଙ୍ଗମ୍ୟାଆର୍କେ ବାରି ଆଡେନ୍ ତିଙ୍ଗମ୍ୟାକ୍ଲେ ରେମୁଆଁଇଁକେ ଆମ୍ଲେଡ୍ୟା ମ୍ୟାଆର୍କେ ।

୨

ଇସ୍ପରନେ ନିଆୟ ବିଚାର୍

୧ ✨ ଅ ବୟାଁ ତନାଇଁ ଯେ ମେଃନେ ବିନ୍ରେନେ ବିଚାର୍ ତିଙ୍ଗପେଡିଙ୍ଗ୍ ? ଯେ ମୁଡି ରେମୁଆଁ ତିଙ୍ଗଲେଲ୍ଲା ଡିଗ୍ ଆକେନ୍ ତିଙ୍ଗନେ ଯେ ଇସାବରେ ବଲ୍ ଶୁ । ବିନ୍ରେନେ ଦସ୍ ସାଚେ ଯେ ଜଦି ଆଡେନ୍ ନିଜେ ତିଙ୍ଗପେଡିଙ୍ଗ୍ ଆଡ୍‌ବା ଯେ ନିଜେକେ ଦସି ଆଡିଙ୍ଗପେଡିଙ୍ଗ୍ ।

୨ ନେ ମ୍ୟାଃନେଲେଃକେ, ଇସ୍ପର ଦେକ୍‌ରକମ୍ କାମ୍ ତିଂମ୍ୟାକ୍ଲେ ରେମୁଆଁଇଁନେ ଚିକ୍ ବିଚାର୍ ତିଙ୍ଗ୍ ।

୩ ଅ ବୟାଁ ତନା ଆଣ୍ଡିନେ ଦଦ୍ୟା କାମ୍ ନସା ଯେ ବିନ୍ରେକେ ଦସି ଆଡିଙ୍ଗପେଡିଙ୍ଗ୍ ଆଡେନ୍ ଜଦି ଯେ ନିଜେ ତିଙ୍ଗପେଡିଙ୍ଗ୍ ତେଲ୍ଲା ଯେ ଇସ୍ପରନେ ବିଚାର୍ ଅରିଆ ତୁଆଁ ଯେୟା ଶୁ ଡାଗ୍‌ଚେ ମେଃନେ ବାବେପେଡିଙ୍ଗ୍ ?

୪ ତିଙ୍ଗ୍ ଡ ଯେ ଇସ୍ପରନେ ଗୁଲେ ଲିବିସଃ ବର୍‌କସ୍ ସାମ୍ବାଲେନେକେ ଅମାନି ତିଙ୍ଗପେଡିଙ୍ଗ୍ । ଯେ ସଡେଆ ମ୍ୟାଃ ପେଲେଃକେ ଜେ ଯେ ମନ୍‌ଅରିଆ ନେଗାନ୍‌ସା ଇସ୍ପର ଅଃକେନ୍ ଲିବିସଃ ତିଙ୍ଗବକେ ।

୫ ମାଡର୍ ଯେନେ ଜିବନ୍ ଡାଆଁ ବାରି ଡାଗ୍ ରେମୁଆଁ । ତେସା ଜୁଗ୍ ଡାନେ ଦିନା ବିଚାର୍ ତିଙ୍ଗନେ ବେଲ୍ଲା ଯେ ଇସ୍ପରନେ ରିସା ତିଂନେବାନ୍ ଜବର୍ କସ୍‌ନେ ଡ଼୍ ଯେବାଏ ।

☆ ୨:୧ ମାଡିଉ ୭:୧; ଲୁକ୍ ୭:୩୭.

୬ ତାଗ୍‌ଲା ଇସ୍‌ପର୍ ସାପାରେକେ ମେଠନେ ସ୍ନେ ଇସାବ୍‌ରେ ପୁରୁସ୍‌କାର ବିଏ ।

୭ ଉଡ଼ିରୁଆ ମଇମା ସନ୍‌ମାନ୍ ବାରି ଅଞ୍ଜନାଡ଼ିଗ୍ ମାଗୁଏନେ ଜିବନ୍ ବାନେ ଆସାରେ ବରକସ୍ ଏଡେ ସଡ଼କାମ୍ ତିଙ୍ଗ୍‌ଡେ ଝେଡ଼ିଆରକେ ଆମେଇଂକେ ଇସ୍‌ପର୍ ଅଞ୍ଜନା ମାଡାନେ ଜିବନ୍ ବିଏ ।

୮ ବିନ୍‌ରେ ନିଜେ ଆହ୍ଲା ବାବେ ମ୍ୟାଆରକେ ସଡ଼ ଗାଲିକେ ଆଡ଼ାଡ଼େ ଦଦ୍ୟା ଗାଲି ଝେମ୍ୟାଆରକେ । ମେଇଂ ଆଡ଼ାଡ଼ା ଇସ୍‌ପର୍‌ନେ ରିସା ବଏଙ୍କାର୍ ତିଙ୍ଗ୍‌ଏ ।

୯ ପରୁଡୁମ୍ ଜିଉଦି ଆରି ଗ୍ରାକ୍ ସାପାରେ ଦଦ୍ୟା କାମ୍ ତିଂନେ ରେମୁଆଁନେ ପାରାନ୍ ଆଡ଼ାଡ଼ା ଦୁକ୍ ଆରି କସ୍ ଗଟେଏ ।

୧୦ ମାତର୍ ଜାଣ୍ଟେଇଂ ସଡ଼କାମ୍ ତିଙ୍ଗ୍‌ଲେଞ୍ଚଆରଏ ମେଇଂ ଜିଉଦି ତିଙ୍ଗ୍‌ଲେ ଅଣଜିଉଦିଇଂ ତିଙ୍ଗ୍‌ଲେ ଆମେଇଂକେ ଇସ୍‌ପର୍ ସନ୍‌ମାନ୍ ମଇମା ବାରି ସାନ୍‌ଡି ବିଏ ।

୧୧ ତାଗ୍‌ଲା ଇସ୍‌ପର୍ ମୁଇଂ କିଜିଗୁଣ୍ଡୁଆ ସମାନ୍ ବାବ୍‌ରେ ସାପାରେନେ ବିଚାର୍ ତିଙ୍ଗ୍‌ଏ ।

୧୨ ଅଣଜିଉଦିଇଂ ମୋଶା ଗୁଆର୍ ବକ୍‌କେ ନିୟମ୍ ବା ଆଲେ ଆରଗେ । ନିୟମ୍ ମାବାଟେ ପାପ୍ ତିଙ୍ଗ୍‌ଆରକେ । ମେଇଂ ନିୟମ୍ ମାଲେଞ୍ଚୁଟା ନସ୍ ତିଙ୍ଗ୍ ଆରଏ । ବିନ୍ ପାକା ଜିଉଦିଇଂ ନିୟମ୍ ମ୍ୟାଞ୍ଚଲେଆରଗେ ଏଲେଡିଗ୍ ମେଇଂ ପାପ୍ ତିଙ୍ଗ୍ ଆରକେ ଆଡେନ୍ ନିୟମ୍ ଇସାବ୍‌ରେ ମେଇଂ ତଣ୍ଟ ବାଆରଏ ।

୧୩ ମାତର୍ କେବଲ୍ ନିୟମ୍ ଦ୍ରିଗ୍‌ନେ ବାନ୍ ରେମୁଆଁ ଇସ୍‌ପର୍‌ନେ ସାମ୍‌ନାରେ ଦାର୍‌ମିକ୍ ଆସୁଏ ଆୟାଆର୍ ଶୁ ମ୍ମାତର୍ ନିୟମ୍ ପାଲେନେ ବାନ୍ ଦାର୍‌ମିକ୍ ଆସୁଏ ଆରଏ ।

୧୪ ଅଣଜିଉଦିଇଂନେ ନିୟମ୍ ଶୁ ମାତର୍ ଜଦି ମେଇଂନେ ନିଜର୍ ଇକ୍‌ଚାରେ ନିୟମ୍‌ନେ ନିତି ନିୟମ୍ ପାଲେ ମ୍ୟାଞ୍ଚ ଆରକେ ଆଡେନ୍‌ନ୍ନିଆ ମେଇଂନେ ନିୟମ୍ ରକମ୍ ।

୧୫ ମେଇଂନେ କାମ୍‌ଦାମ୍‌କେ କେଟେ ସଡ଼ ଜାନାପଡ଼େଡ଼ିଂକେ ଜେ ନିୟମ୍‌ନେ ନିୟମ୍ ସାପା ମେଇଂନେ ଉଦେନ୍‌ନ୍ନିଆ ଗୁଆରଡେ ବଆରକେ । ଆକେନ୍ ସାମୁଆନେ ସଡ଼ ମେଇଂନେ ବୁଦିବାନ୍ ତିଗ୍ ପାରାମାନ୍ ତିଙ୍ଗ୍‌ବ ଆରକେ ସଡ଼ ଚିନ୍ତା ତିଙ୍ଗ୍‌ନେ ବେଲା ବୁଦି ଆମେଇଂକେ

ସାଇନ୍ୟ ଡିଙ୍ଗଫ୍ୟାସକେ ଅସତ୍ ଚିନ୍ତା କେଲା ଦସ୍ ସା ମ୍ୟାସକେ ।

୧୭ ମୁଡ଼ି ଦିନା ଇସ୍ପର ଜିସୁ କିସ୍ତବାନ୍ ରେମୁଆଁନେ ବୁଡ଼ିଲେଃକେ ବିସୟ ଆଣ୍ଡେଙ୍ଗ ବିଚାର୍ ଡିଙ୍ଗ୍ ଏ ଆତେନ୍ ଦିନା ନେଙ୍ଗ୍ ବାସଙ୍ଗ୍ ଅଲେଙ୍ଗ୍ ଶ୍ରିଙ୍ଗ୍ କେ ବ୍ଲାଲିର୍ ଇସାବ୍ରେ ଆକେନ୍ ସାପା ଗଟେଏ ।

ଜିଉଦି ଆରି ନିଅମ୍

୧୭ ଯେ ନିଜେକେ ଜିଉଦି ଡାଗ୍ରେ ବାସଙ୍ଗ୍ ଯେଡିଙ୍ଗ୍ ନିୟମ୍ ଆଡାଡା ଆସା ବରେ ବାରି ଇସ୍ପର ଏତେ ନିଜେନେ ସମ୍ପର୍କରେ ତୁଂଖେରେ ଗରବ୍ ଡିଙ୍ଗ୍ ଯେଡିଙ୍ଗ୍;

୧୮ ଯେ ଆଡ଼ଲା ଇସ୍ପରନେ ମେଃନେ ଇକ୍ତା ଆତେନ୍ ମ୍ୟାସକେଲେଃକେ ବାରି ନିୟମ୍ବାନ୍ ସତ୍ ବାରି ସତ୍ ଶ୍ରିବୁନେ ଗିଆନ୍ ବାପେଲେଃକେ:

୧୯ ସତ୍ରେ ଯେ ମ୍ୟାସକେଲେଃକେ, ଜେ ଯେ କାନାରେକେ ଗାଲି ଆସୁଏଣ୍ଡେ ଡାଙ୍ଗ୍ କିରନ୍ନିଆ ଲେଃଡିଙ୍ଗ୍ କେ ରେମୁଆଁଇଁ ଆଡ଼ଲା ଡାରିକିର୍ ରକମ୍ ।

୨୦ ମୁରକ୍ ରେମୁଆଁଇଁକେ ବଲ୍ ସାମୁଆଁ ବାସଙ୍ଗ୍ ମ୍ୟାସକେ ଗିଆନ୍ ଶ୍ରିବୁନେ ରେମୁଆଁଇଁକେ ଆଃସିକେନେ ଗୁରୁ ଡିଙ୍ଗ୍ ଯେଲେଃକେ । ଯେନେ ବିସବାସ୍ ଜେ ନିୟମ୍ବାନ୍ ଯେ ପୁରାପୁରି ସତ୍ ବାରି ଗିଆନ୍ ବା ପେଲେଃକେ ।

୨୧ ଯେ ବିନ୍ରେକେ ବୁଦି ବିପେଡିଙ୍ଗ୍ ମାତର୍ ନିଜେ ମେଁସା ବୁଦି ବା ପେଡିଙ୍ଗ୍ କେ ? “ଆଡ଼ଙ୍ଗାଗେ” ଡାଗ୍ରେ ବୁଦି ବିଚେ ନିଜେ ଡଙ୍ଗା ଯେଡିଙ୍ଗ୍ କେ କି ?

୨୨ “ଅଡାରେଗ୍ ଆଡିଙ୍ଗ୍ ଗେପା” ଡାଗ୍ରେ ବାସଙ୍ଗ୍ରେ ନିଜେ ଅଡାରେଗ୍ ଡିଙ୍ଗ୍ ଯେଡିଙ୍ଗ୍ କେ କି ? ଯେ ମୁରଡି ପୁଜାକେ ଗୁରୁନା ଡିଙ୍ଗ୍ରେ ମନ୍ଦିର୍ ବିଡ୍ରେ ଲେଃକେ ଜିନିସକେ ଡଙ୍ଗା ଯେଡିଙ୍ଗ୍ କେ କି ?

୨୩ ଯେ ଇସ୍ପରନେ ନିୟମ୍ ବାପେଲେଃକେ ଡାଗ୍ରେ ଗରବ୍ ଡିଙ୍ଗ୍ ଯେଡିଙ୍ଗ୍ ମାତର୍ ଆମେକେ ଅମାନ୍ୟ ଡିଙ୍ଗ୍ରେ ଇସ୍ପରକେ ନିନ୍ଦା ଆଡିଙ୍ଗ୍ ଯେଡିଙ୍ଗ୍ କେ କି ?

୨୪ ସାସ୍ତ୍ରନ୍ନିଆ ଗୁଆରବକେ “ପେନ୍ସା ଅଣଜିଉଦି ରେମୁଆଁଇଁ ବିଡ୍ରେ ଇସ୍ପର ନିନ୍ଦା ବାଡିଙ୍ଗ୍ କେ ।”

୨୫ ଜଦି ନିୟମ୍ ପାଲେ ପେଡ଼ିଂକେ, ପେନେ ପବିତ୍ର ନିୟମ୍‌ନେ ମୁଲ୍ୟ ଲେଖକେ । ମାତର୍ ଜଦି ନିୟମ୍ ପେମାନେଃ ଶୁଧେ ପବିତ୍ର ତିଜ୍‌ଆଲେକ୍‌ନେ ରେମୁଆଁଇଂ ଏତେ ସମାନ୍ ।

୨୬ ଜଦି ପବିତ୍ର ତିଜ୍‌ଆଲେକ୍‌ନେ ମୁଇଂ ଅଣଜିଉଦି ନିୟମ୍‌ନେ ନିୟମ୍ ସାପା ପାଲନ୍ ତିଜ୍‌ଲେଖ୍ୟ ଇସ୍‌ପର୍ ଆମେକେ ପବିତ୍ର ତାଗରେ ଗ୍ରଅନ୍ ଆଡିଜ୍‌ କି ?

୨୭ ତେସା ଗାଗଡ଼େନ୍ନିଆ ପବିତ୍ର ତିଜ୍‌ ଆଲେକ୍‌ନେ ମୁଡ଼ି ଅଣଜିଉଦି ରେମୁଆଁଇଂ ନିୟମ୍ ପାଲନ୍ ତିଜ୍‌ମ୍ୟାଃକେ ମେଇଂ ପେନି ବିଚାର୍ ତିଜ୍‌ଆର୍‌ସ୍ୟ ତାଗଲା ପେ ଗାଗଡ଼େନ୍ନିଆ ପବିତ୍ର ତିଜ୍‌ରେ ନିୟମ୍ ବାଲେଃଲା ଡିଗ୍‌ ଆତେନ୍ ଅମାନ୍ୟ ତିଜ୍‌ପେଡିଜ୍‌ ।

୨୮ ମାତର୍ ଗାଗଡ଼େ ଆଡାତ୍ରା ପବିତ୍ର ତିଜ୍‌ରେ ଜିଉଦି ତାଗରେ ଆଃସ୍ମାମୁଆଃମ୍ୟାକ୍‌ନେ ରେମୁଆଁ ସତ୍‌ରେ ମେଁ ଜିଉଦି ଶୁ ।

୨୯ ଜା ମନ୍ ବିତ୍‌ରେ ଜିଉଦି ମେଁ ତିଜ୍‌ଡିଜ୍‌କେ ସତ୍‌ରେ ଜିଉଦି । ବାରି ଗୁଆର୍‌ରେ ଶୁ ମାତର୍ ସତ୍‌ ବାବ୍‌ରେ ଗର୍‌ବେ ବିତ୍‌ରେ ଜାଣେ ପବିତ୍ର ଆତେନ୍ ସତ୍‌ରେ ପବିତ୍ର । ଦେକ୍‌ରକମ୍‌ ରେମୁଆଁ ରେମୁଆଁଇଂ‌ନେ ତାଗ୍ରାବାନ୍ ପ୍ରସଂସା ଆବା ଆର୍ ଶୁ ମାତର୍ ଇସ୍‌ପର୍‌ନେବାନ୍ ବାଏ ।

୩

୧ ତେଲା ଅଣଜିଉଦି ରେମୁଆଁଇଂ‌ନେ ବାନ୍ ଜିଉଦି ରେମୁଆଁଇଂ‌ନେ ଅଦିକ୍ ସୁବିଦା ମେଃନେ ? ପବିତ୍ର ନିୟମ୍‌ନେ ବା ଉପକାର୍ ମେଃନେ ?

୨ ଗୁଲେ ଏତେ ଲେଖକେ । ପର୍‌ତୁମ୍ ଇସ୍‌ପର୍ ମେଃନେ ବ୍ଲାଲିର୍‌ନେ ଦାଇଡ୍ ଜିଉଦି ରେମୁଆଁଇଂ‌ନେ ଆଡାତ୍ରା ବିବକେ ।

୩ ଏଲେଡିଗ୍ ଉଡ଼ିରୁଆ ଅବିସ୍‌ବାସ୍ ତିଜ୍‌ଆର୍‌କେ । ମାତର୍ ଆତେନ୍ ତାଗରେ ମେଃନେ ଇସ୍‌ପର୍‌ନେ ବିସ୍‌ବାସ୍ ସରା ତିଜ୍‌ଏ ?

୪ ଅଃନାଡିଗ୍ ଶୁ । ରେମୁଆଁଇଂ ସାପାରେ ମିର୍ ବାସଜ୍‌ଲା ଡିଗ୍ ଇସ୍‌ପର୍ ସତ୍ । ସାସ୍‌ରନ୍ନିଆ ଗୁଆର୍‌ବକେ:

“ନା ବ୍ଲାଲିର୍‌ନ୍ନିଆ ଦାର୍‌ମିକ୍ ତାଗରେ ମ୍ୟାଃଆର୍‌ସ୍ୟ
ବାରି ବିଚାର୍ ତିଜ୍‌ନେ ବେଲା ପେଜିତେଏ ।”

୫ ଆକଅରିଆ ମୁଇଁ ପ୍ରସନ୍ନ ତିଙ୍ଗ୍‌ଏ ଜେ “ଜଦି ନେ ଅଦାର୍‌ମିକ୍ ଇସ୍‌ପର୍ ଦାର୍‌ମିକ୍ ପାର୍‌ମାନ୍ ତିଙ୍ଗ୍‌ଏ ତେଲା ଇସ୍‌ପର୍ ଆନେକେ ଡଣ୍ଡ ବିରେ ଅନ୍ୟାୟ୍ ତିଙ୍ଗ୍‌ଆର୍‌ତିଙ୍ଗ୍‌କେ ଡାଗ୍‌ରେ ବାସଙ୍ଗ୍ ତିଙ୍ଗ୍ କି ?

୬ ଅଝନା ଶୁ । ଇସ୍‌ପର୍ ଜଦି ନ୍ୟାୟ୍‌ବାନ୍ ଶୁ ମେଁ ତିରକମ୍ ମଞ୍ଚପୁରନେ ନ୍ୟାୟ୍ ବିଚାର୍ ତିଙ୍ଗ୍‌ଏ ?”

୭ ମାତର୍ ଜଦି ନେଙ୍ଗ୍‌ନେ ମିର୍ ବାନ୍ ଇସ୍‌ପର୍‌ନେ ସତ୍ ଜାବର୍ ନିମାଣ୍ଡା ବାବ୍‌ରେ ନ୍ୟାୟ୍ ତିଙ୍ଗ୍‌କେ ବାରି ମେଁ ଗୌରବ୍ ବା ତିଙ୍ଗ୍‌କେ ତେଲା ନେଙ୍ଗ୍ ପାପି ଡାଗ୍‌ରେ ମେଁସା ଡଣ୍ଡ ମ୍‌ଏ ?

୮ ନେ ମେଝନ୍‌ସା ନେବାସଙ୍ଗ୍‌ଏ, “ଏଲାପା ଦଦ୍ୟା କାମ୍ ନେତିଙ୍ଗ୍‌ପା, ଆଡ୍‌ବା ନିମାଣ୍ଡା ରୁରୁ ମିଲେଏ ?” ନେଙ୍ଗ୍ ଟିକ୍ ଦେକ୍‌ରକମ୍ ସାମୁଆଁ ବାସଙ୍ଗ୍‌ଣ୍ଡିକେ ଡାଗ୍‌ରେ ବାଲିରତେ ଉଡ୍‌ରୁଆ ଆନେଙ୍ଗ୍ ନିନ୍ଦା ଆତିଙ୍ଗ୍‌ଆର୍‌ତିଙ୍ଗ୍‌କେ । ମେଇଁ ଆଡେନ୍‌ସା ଆଣ୍ଡିନେ ଡଣ୍ଡ ବାନେ ଦରକାର୍ ତିଲାତିଗ୍ ବାଆର୍‌ଏ ।

ଜାତିଗ୍ ଦରମ୍‌ଣ୍ଡେ ଶୁ

୯ ତେଲା ମେଁନେ ଜିଉଦିଇଁନେ ଅବସ୍ତା ଅଣଜିଉଦି ରେମୁଆଁଇଁନେ ବାନ୍ ଜାବର୍ ବଲ୍ କି ? ବିଲ୍‌କୁଲ୍ ଶୁ ନେଙ୍ଗ୍ ସିସେବାନ୍ ବାଲିରତେ ପାଙ୍ଗ୍‌ଣ୍ଡିକେ ଜେ ମେଇଙ୍ଗ୍ ମ୍‌ୟର୍ ଦଲ୍‌ଜାକ୍ ଜିଉଦି ବାରି ଅଣଜିଉଦି ପାପିରେ ଲେଝଆର୍‌କେ ।

୧୦ ସାସ୍ତ୍ରନ୍‌ନ୍ଦିଆ ଗୁଆର୍ ବକେ:

“ଦାର୍‌ମିକ୍ ଜାତିଗ୍ ଶୁ ମୁଇଁଜା ତିଗ୍ ଶୁ

୧୧ ମୁଇଁଜା ତିଗ୍ ଖାନି ରେମୁଆଁଇଁ ଶୁ ବୁାରି
 ଇସ୍‌ପର୍‌କେ ତୁତୁର୍‌ଣ୍ଡେ ମୁଇଁଜା ତିଗ୍ ଶୁ

୧୨ ମେଇଁ ସାପାରେ ଇସ୍‌ପର୍‌ବାନ୍ ସ୍ତୁ ଝେଲେଝଆର୍‌କେ:
 ସାପାରେ ନସ୍ତୁ ତିଂଝେଲେଆର୍‌କେ ।
 ମୁଇଁଜା ତିଗ୍ ସତ୍ କାମ୍ ତିଂଆତିଂଆର୍‌କେ ।

୧୩ ମେଇଁନେ ବ୍ଲାଲିର୍‌ନ୍ଦିଆ ରଝଲେଝକ୍ ରାଝଟ୍ୟା ସୁଗୁଆ
 ମେଇଁ ନିଜେ ନିଜେନେ ତୁମୁଆଝବାନ୍ ନାଲେ ସାମୁଆଁ ଶୁଆ
 ରକମ୍ ଡାବ୍‌ତିଂକେ
 ମେଇଁନେ ତୁମୁଆଝ ଆଲ୍ ମାଝଲାଝ ବୁବଝନେ ବିସ୍ ରକମ୍ ।

- ୧୪ ମେଇଁନେ ସାମ୍ବୁଆଁଃ କୁଟ୍ ବାରି ଅବିସାପ୍ ବ୍ଲାଇର୍ ନ୍ଲେଃକେ
|
- ୧୫ ମେଇଁ ବଗ୍ନେ ବାରି ବାଗୁଏଃ ନ୍ସା ତରକ୍ ତିଙ୍ଗ୍ଲେଃମ୍ୟାଆରକେ
|
- ୧୬ ମେଇଁ ଆଣ୍ଡିପାକା ୱେଆରଏ ଆଡ୍‌ଅରିଆ ବିନାସ୍ ବାରି
କସ୍‌ଟ୍ ପାଙ୍ଗ୍‌ଏ ।
- ୧୭ ସାନ୍ତିନେ ଗାଲି ମେଇଁ ଆମ୍ୟାଆରକେ ଶ୍ଟୁ
୧୮ କି ଇସ୍‌ପରକେ ମେଇଁ ଇକୁଡା ତିଗ୍ ବୁଟ୍ ଆଡିଙ୍ଗ୍ ଆରକେ
ଶ୍ଟୁ ।”

୧୯ ନେ ମ୍ୟା ନେଲେଃକେ ଜାଣ୍ଡେଇଁ ନିୟ୍‌ମ୍ ବିଡ୍‌ରେ ଲେଃଆରକେ
ମେଁନେ ସାପା ନିୟ୍‌ମ୍ ମେଇଁ ପାଲନ୍ ତିଙ୍ଗ୍‌ନେ ବାଦ୍ୟ । ଇସ୍‌ପର୍
ଉଡିବେଲା ସାପା ମଞ୍ଚପୁରନେ ବିଚାର୍ ତିଙ୍ଗ୍‌ଏ ନିୟ୍‌ମ୍ ମାମାନେଚେ
ଲେଃଆରକେ ରେମୁଆଁଇଙ୍ଗ୍ ମେଃଡିଗ୍ ବାଆନା ଆସୁଏଚେ ନିଜେକେ
ଦସ୍ ଶ୍ଟୁ ତ୍ତାଗ୍‌ଚେ ବାସଙ୍ଗ୍ ଆୟାଆର୍ ଶ୍ଟୁ ।

୨୦ ମାତର୍ ନିୟ୍‌ମ୍‌ରେ କାମ୍‌ଦାମ୍‌କେ ସେବା ତିଂଚେ ଜାଡିଗ୍
ଇସ୍‌ପରନେ ସେଃମ୍ ଦରମ୍ ଆସୁଏ ଆୟାଆର୍ ଶ୍ଟୁ । ନିୟ୍‌ମ୍ ବାନ୍
ରେମୁଆଁ ପାପ୍‌ବାନ୍ ଡଣ୍ଡ ବାଏ ।

ଦରମ୍ ଆସୁଏନେ ଉପାୟ

୨୧ ଇସ୍‌ପର୍ ମେଁ ଏଚେ ରେମୁଆଁନେ ସମ୍‌ରକ୍ ଆଃସୁଏ ନ୍ସା ନିୟ୍‌ମ୍
ଆନ୍ତାର୍‌ଚେ ମେଁ ତିଙ୍ଗ୍‌ବକେ ଆତେନ୍ ଏବେ ନ୍ଲେଃକେ । ଆକେନ୍
ବିସ୍‌ୟ୍‌ରେ ଅଃସେବାନ୍ ଆଃ ମସାନେ ନିୟ୍‌ମ୍ ବାରି ବାବବାଦିଇଁନେ
ଦର୍ମସାସ୍ତର୍ ସାକି ବିବିଆରକେ ।

୨୨ ମାତର୍ ଜିସୁ କିସ୍‌ଟ୍ ଡାଗ୍‌ରା ବିସ୍‌ବାସ୍ ତିଙ୍ଗ୍‌ନେବାନ୍ ରେମୁଆଁଇଁ
ଇସ୍‌ପରନେ ସେଃମ୍ ଦାର୍‌ମିକ୍ ତିଙ୍ଗ୍‌ନେଲେଃକେ । ଇସ୍‌ପର୍
ଆଜାକେ ତିଗ୍ ତାଆଁ ମ୍ଲା ମାବାବେଚେ କିସ୍‌ଟ୍ ଡାଗ୍‌ରା ବିସ୍‌ବାସ୍
ତିଙ୍ଗ୍‌ମ୍ୟାକ୍ ସାପାରେକେ ଆକେନ୍ ସୁଜଗ୍ ବିବକେ ।

୨୩ ସାପାରେ ପାପ୍ ତିଙ୍ଗ୍‌ବ ଆରକେ ବାରି ଇସ୍‌ପରନେ ମଇମାବାନ୍
ବୁଆ ଲେଃଆରକେ ।

୨୪ ମାତର୍ ଇସ୍‌ପର୍ କିସ୍‌ଟ୍ ଜିସୁନେବାନ୍ ବିନା ମୁଲ୍ୟରେ ଅନ୍ତୁଗ୍‌ଅ
ଦାନ୍ ବିବକେ ଆତେନ୍ ଜା ବାଲେଃଆରକେ ଆମେଇଁକେ ମାପୁରୁ

ଜିସୁ ପରିତ୍ରାନ୍ ବିଏ ବାରି ମେଇଂ ଇସ୍‌ପର୍ ତାଗ୍ରା ଦାମ୍‌କ୍
ଡିଙ୍ଗ୍‌ଆର୍‌ଏ ।

୨୫ ଇସ୍‌ପର୍ ଜିସୁକେ ଦାନ୍ ବିକେ ଡିରକମ୍ ମେଁ ଗୁଗୁଏନେ
ମେଁ ତାଗ୍ରା ବିସ୍‌ବାସ୍ ଡିଙ୍ଗ୍‌ମ୍ୟାକ୍‌ରେ ମେନ୍‌ମୁଆଁଲ୍‌ନେ ପାପ୍ କେମା ବା
ୟାଆର୍‌ଏ । ଇସ୍‌ପର୍ ନିଜେ ଡିଙ୍ଗ୍‌ବକ୍‌କେ ଦାମ୍‌କ୍ ସାମୁଆଁ ଆନୁନସା
ଆକେନ୍ ଡିଙ୍ଗ୍‌କେ । ଇସ୍‌ପର୍ ଲିବିସ୍ ଡିଙ୍ଗ୍‌ଚେ ରେମୁଆଁଲ୍ ସିସେ
ଡିଙ୍ଗ୍‌ବକ୍‌କେ ପାପ୍‌କେ ଆସାକେ ଶୁ ।

୨୬ ମାତର୍ ଏବେ ମେଁ ନିଜେନେ ଦାର୍‌ମିକ୍ ସାମୁଆଁ ଆନୁନସା
ପାପ୍ କେମା ବାନ୍ ନିୟମ୍ ଆଡିଙ୍ଗ୍‌ବକେ । ଆଡେନ୍‌ସା ଇସ୍‌ପର୍
ବାସ୍‌କ୍‌ବିବକେ ଜେ ମେଁ ନିଜେ ଦାର୍‌ମିକ୍ ବାରି ଜାଣ୍ଟେଇଁ ଜିସୁ
ତାଗ୍ରା ବିସ୍‌ବାସ୍ ଡିଙ୍ଗ୍‌ଆର୍‌ଏ ମେଁ ସାପାରେକେ ଦାର୍‌ମିକ୍‌ଶ୍ଟେ
ତାଗ୍‌ଚେ ଗ୍ରାନ୍ ଡିଙ୍ଗ୍‌ଏ ।

୨୭ ତେଲା ଆଣ୍ଟିନ୍ ବିସ୍‌ୟରେ ନେ ଗର୍‌ବ ନେଡିଙ୍ଗ୍‌ଏ ? ଶୁ
ଦେଡ୍‌ରକମ୍ ବିସ୍‌ୟ ମେଠଡିଗ୍ ଶୁ । ଗର୍‌ବ ଆସୁଏନ୍‌ସା ନେନେ ମେଠ
ଡିଗ୍ କାରନ୍ ଲେଠଏ ? ମେଁନେ ନିୟମ୍ ପୁରାପୁରି ବାବ୍‌ରେ ପାଲେ
ପେଡିଙ୍ଗ୍‌କେ ତାଗ୍‌ଚେ ? ଲେଠ, ମୁଇଁ ବିସ୍‌ବାସ୍ ଆଠ ନେଠ ଗର୍‌ବ
ଡିଙ୍ଗ୍‌ନେ କାରନ୍ ।

୨୮ ନେ ସର୍‌ରେ ବୁଜେ ଯାନେଡିଙ୍ଗ୍‌କେ ଜେ, ମୁଇଜା ମୁଇଁ ମେଁନେ
ବିସ୍‌ବାସ୍‌ରେ ଇସ୍‌ପର୍ ସାମ୍‌ନା ଦାର୍‌ମିକ୍ ତାଗ୍‌ଚେ ଆସୁଏ ଯାଏ,
ମାତର୍ ନିୟମ୍ ପାଲେନେ ବାନ୍ ଶୁ ।

୨୯ ଇସ୍‌ପର୍ ମେଠନେ ଜିଉଦିଲ୍‌ନେ ଆଠ ଇସ୍‌ପର୍ ? ମେଁ
ମେଠନେ ଅଣଜିଉଦି ରେମୁଆଁଲ୍‌ନେ ଡିଗ୍ ଇସ୍‌ପର୍ ଶୁକ୍ ? ମେଁ
ସର୍‌ଚେରେନେ ଇସ୍‌ପର୍ ।

୩୦ ଇସ୍‌ପର୍ ମୁଇଁ । ଜିଉଦି ବାରି ଅଣଜିଉଦି ରେମୁଆଁଲ୍‌ନେ
ବିସ୍‌ବାସ୍ ଲେଠଗେସା ମେଁ ଆମେଇଁକେ ଦାର୍‌ମିକ୍ ତାଗ୍‌ଚେ ଗ୍ରାନ୍
ଡିଙ୍ଗ୍‌ଏ ।

୩୧ ଆକ୍‌କେନେ ଅର୍‌ତ ମେଠଏରେ, ନେ ବିସ୍‌ବାସ୍ ଏଡେ ନିୟମ୍‌କେ
ଦଂସ ଆଡିଙ୍ଗ୍‌ନେସା ଝେନେଡିଙ୍ଗ୍‌କେ ? ଅଠନା ଶୁ ବିସ୍‌ବାସ୍‌ରେ ନେ
ନିୟମ୍‌ନେ ବୁନ୍‌କେ ତାଗ୍ ଆଡିଙ୍ଗ୍‌ନେଡିଙ୍ଗ୍‌କେ ।

୪

ଅବୁହାମ୍‌ନେ ଗୁନ୍‌ଗିଆନ୍

୧ ଦେତ୍‌ରକମ୍ ଗାଗ୍‌ଡେ ଇସାବ୍‌ରେ ନେନେ ଛା ଝାଃ ଅବୁହାମ୍‌
ମେଃନେ ବାଲେଃକେ ତାଗ୍‌ରେ ନେ ନେବାସଙ୍‌ଖ ?

୨ ତାଗ୍‌ଲା ଅବୁହାମ୍‌ ଜଦି ମେଁନେ ନିଜେନେ କାମ୍‌ ତିଙ୍‌କ୍‌କ୍‌ ବାନ୍
ମେଁ ଇସ୍‌ପର୍‌ ସାମ୍‌ନା ଦାର୍‌ମିକ୍‌ ତାଗ୍‌ରେ ପାରାସୁଏ ତେଲା ଗର୍‌ବ
ତିଙ୍‌କ୍‌ନେସା ମେଃନେ କାରନ୍‌ ଲେଃଗେ । ମାତର୍‌ ଇସ୍‌ପର୍‌ନେ
ସାମ୍‌ନେ ଆଡେନ୍‌ ତିଙ୍‌ ଆଲେଗେ ।

୩ ✱ସାସ୍‌ପୁର୍‌ ଇସାବ୍‌ରେ “ଅବୁହାମ୍‌ ଇସ୍‌ପର୍‌ ତାଗ୍‌ରା ବିସ୍‌ବାସ୍‌
ତିଙ୍‌କ୍‌କେ ବାରି ଆକେନ୍‌ ବିସ୍‌ବାସ୍‌ ବାନ୍ ଇସ୍‌ପର୍‌ ଆମେକେ ଦାର୍‌ମିକ୍‌
ତାଗ୍‌ରେ ଗ୍ରଅନ୍‌ ତିଂକେ ।”

୪ ଜା ସ୍ଳେଏ ମେଁ ତିଲାଡିଗ୍‌ ଆଜ୍‌ରି ବାଏ । ମେଁ ଜାବାନ୍‌ ବା ସରା
ଦାନ୍‌ ରକମ୍‌ ଆବା ଶୁ ।

୫ ମାତର୍‌ ଜା ନିଜର୍‌ ଆଡାଡା ବିସ୍‌ବାସ୍‌ ମାବରେ ଇସ୍‌ପର୍‌
ତାଗ୍‌ରା ବିସ୍‌ବାସ୍‌ ବଏ ମେଁନେ ବିସ୍‌ବାସ୍‌ ନ୍‌ସା ଅପରାଦିକେ ଦସ୍‌
ତିଙ୍‌କ୍‌ବକ୍‌କେବାନ୍‌ ଆଡାଡାଡିକ୍‌କ୍‌ ଇସ୍‌ପର୍‌ ଆମେକେ ଦାର୍‌ମିକ୍‌
ତାଗ୍‌ରେ ଗ୍ରଅନ୍‌ ତିଙ୍‌ଏ ।

୬ ମୁଡ୍‌ତି ରେମୁଆଁନେ ସ୍ଳେଗ୍‌ର ଆଡାଡା ମାକେଚେ ଇସ୍‌ପର୍‌
ଆମେକେ ଦାର୍‌ମିକ୍‌ ତାଗ୍‌ରେ ଗ୍ରଅନ୍‌ ତିଙ୍‌ଏ ଆମେକେ ପ୍ରସଂଶା
ତିଙ୍‌କ୍‌ରେ ଦାଉଦ୍‌ ବାସଙ୍‌ବକେ:

୭ “ଜାନେ ଦସ୍‌ କେମା ତିଙ୍‌ବକେ, ମେଁ ଉଡ୍‌ତି ବାଗ୍ୟବାନ୍‌ ରେମୁଆଁ;
ଜା ପାପ୍‌ କେମା ବାଲେଃକେ, ମେଁ ଉଡ୍‌ତି ବାଗ୍ୟବାନ୍‌ ରେମୁଆଁ ।
୮ ମାପ୍‌ରୁ ଜାନେ ପାପ୍‌ ଆଏଜାକେ ମେଁ ଉଡ୍‌ତି ବାଗ୍ୟବାନ୍‌ ରେମୁଆଁ !”

୯ ଆକ୍‌ଅରିଆ ଦାଉଦ୍‌ ଜାଣ୍ଡେଇଂକେ ସୁକ୍‌ ରେମୁଆଁ ତାଗ୍‌ରେ
ବାସଙ୍‌ବକେ ମେଇଂ ମେଃନେ ପବିତ୍ର ରେମୁଆଁ ଲେଃଆରଗେ
? ଶୁ ଅପବିତ୍ର ରେମୁଆଁଇଂ ତିଗ୍‌ ଦନ୍‌ଏ ତିଙ୍‌କ୍‌ୟାଆରଏ । ନେ
ବାସଙ୍‌ନେତିଙ୍‌ ଅବୁହାମ୍‌ ବିସ୍‌ବାସ୍‌ବାନ୍‌ ଦାମ୍‌ କ୍‌ ତିଙ୍‌କ୍‌କେ

✱ ୪:୩ ଗାଲାତିୟ ୩:୭.

୧୦ ଆକେନ୍ ଉଡ଼ିବେଲା ଗଟେଲେଃଗେ ? ଅବ୍ରହାମ୍ ପବିତ୍ର ଡିଙ୍ଗ୍‌କ୍ଲେ ଇଡ଼ିଙ୍ଗ୍ ଲେଃ ସିସେବାନ୍ ? ପବିତ୍ର ଅବସ୍ଥାରେ ଶୁଣାତର୍ ଅପବିତ୍ର ଅବସ୍ଥାରେ ।

୧୧ ପବିତ୍ର ଡିଙ୍ଗ୍‌ନେ ସିସେ ଆଃ ଅବ୍ରହାମ୍ ବିସ୍‌ବାସ୍ ଡିଙ୍ଗ୍‌ବ ସା ଇସ୍‌ପର୍ ଆମେକେ ଦାର୍‌ମିକ୍ ତାଗ୍‌ରେ ଗ୍ରଥନ୍ ଡିଙ୍ଗ୍‌ବଗେ । ଆକେନ୍ ଆମ୍ୟାନେସା ମୁଇଁ ତିନା ରକମ୍ ଅବ୍ରହାମ୍ ଆକେନ୍ ପବିତ୍ର ନିଅମ୍ ପାଲନ୍ ଡିଙ୍ଗ୍‌ବଗେ । ଜାଣ୍ଟେଇଁ ପବିତ୍ର ମାଡିଙ୍ଗ୍‌ରେ ଡିଗ୍ ଇସ୍‌ପର୍‌ବାନ୍ ଦାର୍‌ମିକ୍ ତାଗ୍‌ରେ ଗ୍ରଥନ୍ ଡିଙ୍ଗ୍‌ବକେ ଆଦ୍ୟାମିକ୍ ବାବ୍‌ରେ ଅବ୍ରହାମ୍ ମେଇଁନେ ଆବା ।

୧୨ ଆବା ଅବ୍ରହାମ୍ ପବିତ୍ର ଡିଙ୍ଗ୍‌ନେ ସିସେ ଆଃ ବିସ୍‌ବାସ୍‌ରେ ଆଃସାମୁଆଃବଗେ ଜଦି ପବିତ୍ର ଡିଙ୍ଗ୍‌ଆଲେକ୍ଲେ ରେମୁଆଁଇଁ ନିଜେନେ ଜିବନ୍‌ରେ ଦେଡ଼ରକମ୍‌ନେ ବିସ୍‌ବାସ୍ ଆଃକେ ଯାଆର୍‌ଏ ଅବ୍ରହାମ୍ ଡିଗ୍ ମେଇଁନେ ଆବା ଡିଙ୍ଗ୍‌ଏ ।

ବିସ୍‌ବାସ୍‌ରେକେ ଇସ୍‌ପର୍‌ନେ ଆଦେସ୍

୧୩ *ଅବ୍ରହାମ୍ ନିୟମ୍ ପାଲେ ବଗେ ତାଗ୍‌ରେ ଶୁଣୁ । ମାତର୍ ମେଁନେ ବିସ୍‌ବାସ୍ ନସା ଇସ୍‌ପର୍‌ନେବାନ୍ ଦାର୍‌ମିକ୍ ତାଗ୍‌ରେ ଗ୍ରଥନ୍ ଡିଙ୍ଗ୍‌ଲେଃଗେ ବାରି ଆଡେନ୍‌ସା ମେଁ ମେଁନେ କୁଲ୍‌ଇଁ ମଞ୍ଜୁପୁରନେ ଅଦିକାର୍ ଡିଙ୍ଗ୍‌ଆର୍‌ଏ ତାଗ୍‌ରେ ଇସ୍‌ପର୍ ପାର୍‌ମାନ୍ ତିଁବଗେ ।

୧୪ *ଜାଣ୍ଟେଇଁ ନିୟମ୍ ପାଲେ ଡିଙ୍ଗ୍‌କେ ମାତର୍ ମେଇଁ ଆଃ ଜଦି ଇସ୍‌ପର୍‌ନେ ଦାନ୍ ବାଆର୍‌ଏ ତେଲା ରେମୁଆଁନେ ବିସ୍‌ବାସ୍ ସରାଃ ଡିଙ୍ଗ୍‌ଝେଏ ଇସ୍‌ପର୍ ପାର୍‌ମାନ୍ ଡିଙ୍ଗ୍‌ବକ୍ଲେ ମେଃଡିଗ୍ ମୁଲ୍ୟ ଶୁଣୁ ।

୧୫ ନିୟମ୍ ପାଲନ୍ ଡିଙ୍ଗ୍‌ନେବାନ୍ ରେମୁଆଁ ଇସ୍‌ପର୍ ଆଡାଡା ରିସା ତୁଁପାଙ୍ଗମ୍ୟାକେ । ମାତର୍ ଆଣ୍ଡିଅରିଆ ନିୟମ୍ ଶୁଆଡ଼ଅରିଆ ନିୟମ୍ ପାଲନ୍ ଡିଙ୍ଗ୍‌ନେ ପ୍ରସନ୍ ଡିଗ୍ ଆଡ଼ିଆ ଶୁଣୁ ।

୧୬ *ତେସା ଆକେନ୍ ଦାମ୍‌କ୍ ବିସ୍‌ବାସ୍ ନସା ମିଲେଏ ଡିରକମ୍ ଆଡେନ୍ ଅନୁଗ୍ରଥ ଅନୁସାରେ ତିଁଏ ଆରି ତେନ୍‌ବାନ୍ ସର୍‌ଡେ ବଂସ ପାକା ମୁଇଁ ନିୟମ୍ ମାନେଃନେ ବଂସ ପାକା ଶୁଣୁ । ମାତର୍ ଅବ୍ରହାମ୍

☆ ୪:୧୩ ଗାଲାତିୟ ୩:୨୯. ☆ ୪:୧୪ ଗାଲାତିୟ ୩:୧୮. ☆ ୪:୧୬ ଗାଲାତିୟ ୩:୭.

ରକମ୍ ବିସ୍‌ବାସ୍ ତିଂଆରତିଂକ୍ଲେ ବଂସ ପାକା ତିଗ୍ ଆତେନ୍ ପାର୍‌ମାନ୍ ସାମୁଆଁ କାଲାଆଃ ଲେଃଏ ।

୧୭ ଆକେନ୍ ବିସ୍‌ୟରେ ସାସ୍ତ୍ରନ୍ନିଆ ଗୁଆର୍‌ବକେ “ଆନାକେ ନେ ଗୁଲେ ଜାତିନେ ଆବା ଆଡିଙ୍‌ନେବକେ ।” ଇସ୍‌ପର୍ ତାଗ୍ରା ଆକେନ୍ ଆଦେସ୍ ଟିକ୍ ଲେଃଗେ ମାତର୍ ମୁଡି ଇସ୍‌ପର୍‌କେ ଅବୁହାମ୍ ବିସ୍‌ବାସ୍ ତିଙ୍‌ଡିଙ୍‌ଲେ ଇସ୍‌ପର୍‌ନେ ହାଲିର୍ ଗୁଏକ୍ଲେ ବାନ୍ ଆତଡିଆଏ ବାରି ସୁନ୍‌ସବାନ୍ ସାପା ଜିନିସ୍ ଆଃରେଏ ।

୧୮ ଆସା ତିଙ୍‌ନେସା ମେଃଡିଗ୍ କାରନ୍ ମାଲେଚେ ତିଗ୍ ଅବୁହାମ୍ ବିସ୍‌ବାସ୍ ତିଙ୍‌ଚେ ଆସାଇ ତିଙ୍‌କେ । ତେସା ମେଁ ଗୁଲେ ଜାତିନେ ଆବା ତିଙ୍‌କେ ମାତର୍ ସାସ୍ତ୍ର ଇସାବରେ ଆମେକେ ଆଦେସ୍ ମିଲେଲେଃଗେ: “ନାନେ କୁଲ୍‌ଇଂ କିତଙ୍‌ଇନିନେ ଚାକୁଆ ରକମ୍ ତିଙ୍‌ଆର୍‌ଏ ।”

୧୯ ଆମେକେ ଅଃତେନ୍ ବେଲା ମୁଇଂ ସହ ମୁଆଁ ତିଙ୍‌ଲେଃଗେ । ମାତର୍ ମେଁ ତକ୍ରା ତିଙ୍‌ଝେଗେ ତାଗ୍‌ଚେ ଆତେନ୍ ସାମୁଆଁ ବାବେଚେ ସାରା ବାରି ଗରିସିଆଃ କେଆୟା ତାଗ୍‌ଚେ ଆକେନ୍ ସାମୁଆଁ ମ୍ୟାଚେ ମେଁନେ ବିସ୍‌ବାସ୍ ସାତାଲୁ ତିଙ୍‌ ଆଲେଗେ ।

୨୦ ମେଁ ମେଁନେ ବିସ୍‌ବାସ୍‌ବାନ୍ ଆଗୁଚେକେ ଶୁ କି ଇସ୍‌ପର୍‌ନେ ଆଦେସ୍‌କେ ସନ୍ଦେଅ ତିଙ୍‌ଏ ଲେଃ ଶୁ ତାଗ୍‌ଚେ ଆବାବେକେ ଶୁ । ବିସ୍‌ବାସ୍ ଆମେକେ ବପୁ ଆଡିଙ୍‌କେ ବାରି ମେଁ ଇସ୍‌ପର୍‌ନେ ପ୍ରସଂସା ଅସ୍‌ମାର୍ ସାରକେ ।

୨୧ ଇସ୍‌ପର୍ ମୁଡି ପାର୍‌ମାନ୍ ତିଙ୍‌ବଗେ, ମେଁ ଆତେନ୍ ପାଲନ୍ ତିଙ୍‌ଏ ତାଗ୍‌ଚେ ମେଁନେ ଜବର୍ ବିସ୍‌ବାସ୍ ଲେଃଗେ ।

୨୨ ଆତେନ୍‌ସା ମେଁନେ ବିସ୍‌ବାସ୍ ଲେଃଗେସା ଅବୁହାମ୍ ଇସ୍‌ପର୍‌ନେ ବାନ୍ ଦାମ୍‌କ୍ ଆସୁଏକେ ।

୨୩ “ଦାମ୍‌କ୍ ତାଗ୍‌ଚେ ଆସୁଏନେ” ସାସ୍ତ୍ରନ୍ନେ ସାମୁଆଁ ଅବୁହାମ୍ ବାନ୍ ଜେ ଗୁଆର୍ ବକେ ଆତେନ୍ ଶୁ ।

୨୪ ନେ ତିଗ୍ ଇସ୍‌ପର୍ ତାଗ୍‌ରା ବିସ୍‌ବାସ୍ ତିଙ୍‌ନେବାନ୍ ଦାମ୍‌କ୍ ନେଡିଙ୍‌ଏ । ଇସ୍‌ପର୍ ମାପ୍‌ରୁ ଜିସୁକେ ଗୁଏକ୍ଲେବାନ୍ ଆତଡ଼୍ୟାବକେ ।

୨୫ ତେନ୍ ମାପ୍‌ରୁ ଜିସୁ ନେନେ ପାପ୍ ନସା ଗୁଏଃଲେଃକେ ବାରି

ଇସ୍ପର୍ ଭାଗରା ଆନେକେ ଦାମ୍‌କ୍ ଆଡ଼ିଙ୍ଗନେସା ତଃଡ଼୍ୟାକେ ।

୫

ଇସ୍ପର୍ ଏତେ ମିସୁନେ

୧ ଏବେ ବିସ୍ବାସରେ ନେ ଇସ୍ପର୍ ଭାଗ୍ରା ଦାମ୍‌କ୍ ଡିଙ୍ଗନେଲେଃକେ ବାରି ମାପରୁ ଜିସୁ କିସ୍‌ବାନ୍ ଇସ୍ପର୍ ଏତେ ନେ ସାନ୍ତିରେ ମିସୁ ନେଲେଃକେ ।

୨ ଆତେନ୍ ଜିସୁ ନେନେ ବିସ୍ବାସ ନ୍‌ସା ଏବେ ନେ ଜିବନ୍‌ଅରିଆ ଇସ୍ପର୍‌ନେ ଅନୁଗ୍ରା ବିବକେ । ତେସା ଇସ୍ପର୍‌ନେ ଗୌରବ୍‌ନେ ଆସା ଆନେକେ ଆମ୍ଲେଡ଼୍ୟାଃତେ ବକେ ।

୩ ସାପା ରକମ୍‌ନେ ଦୁକ୍ କସ୍‌କେ ତିଗ୍ ନେ ସାର୍‌ଦା ଡିଙ୍ଗନେଡିଙ୍ଗକେ ମାତର୍ ତେରେପେତେ ମାଡିଙ୍ଗ୍‌ତେ କସ୍‌ଟ ବାନେବାନ୍ ମନ୍ ବିଡ଼ରେ ବରକସ୍ ପାଙ୍‌ଏ ।

୪ ବରକସ୍‌ବାନ୍ ତାଟ୍ ଚରିତ୍ର ପାଙ୍‌ଏ ବାରି ତାଟ୍ ଚରିତ୍ର ବାନ୍ ଆସା ପାଙ୍‌ଏ ।

୫ ଆସା ଆନେକେ ନିରାସ୍ ଆଡିଙ୍ଗନେସା ଆବି ଶ୍ରୁ ମ୍‌ମାତର୍ ଇସ୍ପର୍ ଆନେକେ ପବିତ୍ର ଆମ୍‌ ବିତେ ନେଃନେ ରୁଦ୍‌ୟ୍‌ନିଆ ମୈନେ ଆଲାଦ୍ ବିବକେ ।

୬ ନେ ଅବସ୍ତାରେ ଲେଃକେଲା ଇସ୍ପର୍ ସମାନ୍ ବେଲା କିସ୍‌ଟ ପାପି ରେମୁଆଁଇଁ ନ୍‌ସା ଗୁଏଃକେ ।

୭ ଦାର୍‌ମିକ୍ ରେମୁଆଁ ଆଡ଼ଲା ବିନ୍‌ରେ ନିଜର୍ ଜିବନ୍ ବିନ୍‌ସା ଉଡ଼ିରୁଆ ଆନା ଆର୍‌ଶ୍ରୁ ମାତର୍ ଡିଙ୍ଗ୍‌ଏ ତ ନିମାଣ୍ଡା ରେମୁଆଁ ଆଡ଼ଲା ଜା ତିଗ୍ ଗୁଏନ୍‌ସା ତିଆର୍ ଡିଙ୍ଗ୍‌ୟାଏ ।

୮ ମାତର୍ ନେ ପାପି ଲେଃକେଲା ଜିସୁ କିସ୍‌ଟ ନେଃ ଆଡ଼ଲା ନିଜେନେ ଜିବନ୍‌କେ ବିକେ । ଆତେନ୍‌ସା ଇସ୍ପର୍ ଆନେକେ ଉଡ଼ି ଆଲାଦ୍ ତିଂତିଂକେ ଆତେନ୍ ମୈ ବାସଙ୍‌ବକେ ।

୯ କିସ୍‌ଟ ଜିବନ୍ ବିଃକ୍ଲେ ବାନ୍ ଇସ୍ପର୍ ଆନେକେ ଦାମ୍‌କ୍ ଭାଗରେ ଗ୍ରାଅନ୍ ଡିଙ୍ଗ୍‌ବକେ । ତେଲା ଇସ୍ପର୍‌ନେ ଗିସେଃବାନ୍ ଆନେକେ ତିଲାଡିଗ୍ କିସ୍‌ଟ ରକ୍ୟା ଆଃଡିଙ୍ଗ୍‌ଏ ।

୧୦ ନେ ଇସ୍ପର୍‌ନେ ସତ୍ତ୍ୱ ଲେଃବେଲା ମୈନେ ଉଙ୍ଗ୍‌ତେ ନେ ଆଡ଼ଲା ଜିବନ୍ ବିକେ ମୈବାନ୍ ଇସ୍ପର୍ ଏତେ ନେନେ

ବାରମୁଇଁତର କୁଡ଼େଃଆରକେ । ଇସପର ଏତେ ବାରମୁଇଁତର କୁଡ଼େକ୍ଲେ ଇଡ଼ିଙ୍ଗ୍ ଏବେ କିସଟନେ ଜିବନ୍ ବାନ୍ ପରିତ୍ରାନ୍ ବାନ୍‌ସା ନେ ଉଡ଼ି ଅଦିକ୍ ସୁଜଗ୍ ବା ନେୟା ?

୧୧ ମାତର ଆୟତନ୍ନିଆ ଶୁମ୍‌ମାପରୁ ଜିସୁ କିସଟବାନ୍ ଇସପର ଆଣ୍ଡିନେ ସାପା କାମ୍ ତିଙ୍ଗ୍ ବକେ, ଆତେନ୍‌ସା ନେନେ ରୁଦୟ ଜାବର ସାର୍ଦା ତିଂଲେଃକେ । ଆତେନ୍ ଜିସୁ ଇସପର ଏତେ ଆନେକେ ବାରମୁଇଁତର ଆମିସୁବକେ ।

ଆଦମ୍ ଆରି କିସଟ

୧୨ ମୁଇଂଜା ବାନ୍ ମଞ୍ଚପୁର ପାପ୍ ଗାକେ ବାରି ପାପ୍‌ବାନ୍ ଗୁଏ ପାଙ୍ଗକେ । ସାପାରେ ପାପ୍ ତିଙ୍ଗ୍‌ନେବଗେସା ଗୁଏନେ ସର୍ତେ ରେମୁଆଁ ଜାତି ଆଡ଼ାତ୍ରା ପାଙ୍ଗକେ ।

୧୩ ନିୟମ୍ ପାଙ୍ଗନେ ସେନ୍‌ଗୁଗ୍‌ଆ ମଞ୍ଚପୁରନ୍ନିଆ ପାପ୍ ଲେଃଗେ: ମାତର ନିୟମ୍ ଆଲେ କେଲା ପାପ୍‌ନେ ଇସାବ୍ ଆବଗେ ଶୁମ୍ ।

୧୪ ଆଦମନେ ବେଲାବାନ୍ ମୋଶାନେ ବେଲା ଜାକ ଜା ତିଗ୍ ଆଦମ ରକମ୍ ଆଦେସ୍ ଅମାନି ତିଙ୍ଗ୍‌ରେ ପାପ୍ ତିଙ୍ଗ୍‌ଆବଲା ତିଗ୍ ସାପାରେ ଗୁଏ ଆରକେ । ଜା ପାଙ୍ଗନେ ଲେଃଗେ ଆଦମ ମେଁନେ ମୁରତି ରକମ୍ ।

୧୫ ମାତର ଆକେନ୍ ମ୍ବାୟା ବିଡ଼ରେ ଜାବର ବିନ୍ ବିନ୍ ସାମୁଆଁ ଲେଃକେ । ଆଦାମ୍‌ନେ ପାପ୍ ବାରି ଇସପରନେ ଅମୁଲ୍ୟ ଦାନନେ ବପୁ ସମାନ୍ ଶୁମ୍ । ମୁଇଂ ରେମୁଆଁନେ ପାପ୍ ସା ଗୁଲେରୁଆ ଗୁଏ ଆରକେ । ମାତର ଇସପର ମେଁ ମ୍ବା ଅନୁଗ୍‌ଅରେ ବାରି ମୁଇଂ ରେମୁଆଁ ମାପରୁ ଜିସୁ କିସଟବାନ୍ ରେମୁଆଁଇଂ ନ୍‌ସା ମୁଡ଼ି ଦାନ୍ ବିନେ ନିୟମ୍ ଆଡ଼ିଙ୍ଗ୍‌କେ ଆତେନ୍ ଜାବର ବପୁ ତିଙ୍ଗ୍‌କେ ।

୧୬ ମୁଇଂ ରେମୁଆଁନେ ପାପ୍ ନ୍‌ସା ରେମୁଆଁ ବିଚାରନାନ୍ନିଆ ତୁଆଁରେ ଦସ୍ ବାକେ; ମାତର ଗୁଲେରେନେ ଜାବର ପାପ୍ ଲେଲା ତିଗ୍ ବାରି କେମା ବାନ୍‌ସା ମେଃଡ଼ିଗ୍ ଦରକାର୍ ମାଲେଚେ ତିଗ୍ ଇସପରନେ ଆତେନ୍ ଦାନ୍ ବିବକ୍ଲେ ଏବେ ରେମୁଆଁ ଦସି ଶୁଡ଼ାଗ୍‌ଚେ ମ୍ୟାଃଆରୁଏ ।

୧୭ ସଡ଼ରେ ମୁଇଂ ରେମୁଆଁନେ ପାପ୍ ନ୍‌ସା ଗୁଏକେ ସାସନ୍ ତିଙ୍ଗ୍‌ଶ୍ଟେ ତାରକେ: ମାତର ବିନ୍‌ରେ ବା ଜିସୁ କିସଟ ମେଁ ତିଙ୍ଗ୍‌ବକେ ଆତେନ୍

ଉଡ଼ି ମ୍ନା ବିସୟ । ସାପାରେ ଇସ୍ପର୍ରେ ଜବର ଅନୁଗ୍ରଥବାନ୍ ବିନା ମୁଲ୍ୟରେ ଇସ୍ପର୍ ତାଗ୍ରା ଦାମ୍ କ୍ ତାଗ୍ରତେ ଆଃସୁଏଃଆର୍ଏ ମେଇଁ କିସ୍ତ ଏତେ ଜିତେନେ ଜିବନ୍ ଜାପନ୍ ଡିଙ୍ଗ୍ ଆର୍ଏ ।

୧୮ ମୁଇଁଜାନେ ପାପ୍ ଡିଡିରକମ୍ ସାପା ରେମୁଆଁ ଜାତିକେ ଡଣ୍ଡ୍ ଆଡିଙ୍ଗ୍ କେ ଦେଡ୍ ରକମ୍ ମୁଇଁଜାନେ ଦାମ୍ କ୍ ସାମୁଆଁ ସାପା ରେମୁଆଁ ଜାତି ଆଡ୍ ଲା ମୁକ୍ତି ବାରି ଜିବନ୍ କାଟେନେ ସୁଜଗ୍ ଡୁଙ୍ଗ୍ ପାଙ୍ଗ୍ ବିବକେ ।

୧୯ ମୁଇଁଜାନେ ଅମାନି ସା ଡିଡିରକମ୍ ସାପାରେ ପାପି ଡିଙ୍ଗ୍ ଆର୍ କେ ଦେଡ୍ ରକମ୍ ମୁଇଁଜାନେ ଆଦେସ୍ ପାଲେ ବାନ୍ ସା ସାପାରେ ଇସ୍ପର୍ ତାଗ୍ରା ଦାମ୍ କ୍ ଡିଙ୍ଗ୍ ଆର୍ଏ ।

୨୦ ନିୟମ୍ ତାର୍ କ୍ ବାନ୍ ଦଦ୍ୟା କାମ୍ ଜାବର ଡିଙ୍ଗ୍ କେ । ମାତର୍ ପାପ୍ ମ୍ନା ନେ ସାଙ୍ଗେ ସାଙ୍ଗେ ଇସ୍ପର୍ରେ ଅନୁଗ୍ରଥ ଡିଗ୍ ଜାବର ଜବର ଡିଙ୍ଗ୍ କେ ।

୨୧ ପାପ୍ ଡିଡିରକମ୍ ଗୁଏନେ ବାନ୍ ନିଜେନେ ଡ୍ରା ଞ୍ଜା ଆରେବକେ ଦେଡ୍ ରକମ୍ ଇସ୍ପର୍ରେ ଅନୁଗ୍ରଥ ମାପରୁ ଜିସୁ କିସ୍ତ ନେ ଦୟା ଦରମ୍ରେ ଆନେକେ ଦରମ୍ରେ ଡାଗ୍ରେ ଏଜାଟେ ମାତାନେ ଜିବନ୍ ବିଏ ।



ପାପ୍ ତାଗ୍ରା ମରନ୍; ମାତର୍ କିସ୍ତ ଏତେ କୁଡ୍ରେଟେ ଲେଃଲା ଜିବନ୍ ବା ଡିଙ୍ଗ୍ଏ

୧ ତେଲା ନେ ମେଃ ନେଡିଏ ? ଇସ୍ପର୍ରେ ଦୟା ବାରି ଜବର ଡିଙ୍ଗ୍ଏ ଡାଗ୍ରେ ନେ ମେଃରେ ବାରି ପାପ୍ରେ ନେଃକୁଆ ନେଡ୍ କେଃଏ ?

୨ ଅଃନା ଶୁୁ ପାପ୍ ବାନ୍ ନେ ଗୁଏଃ ନେଲେଃକେ, ନେ ଆଡ୍ ଅରିଆ ଡିଡିରକମ୍ ଜିବନ୍ ନେକାଟେଏ ?

୩ ପେ ମ୍ୟାଃପେଲେଃକେ ଶୁଆନ୍ନିଆ ଦିକ୍ୟା ବାନେବାନ୍ କିସ୍ତ ଜିସୁ ଏତେ ନେ ମିସୁ ନେଲେଃକେ ବାରି ମେଁ ଗୁଏକ୍ ଅରିଆ ଡିଗ୍ ନେ ମିସୁ ନେଲେଃକେ ।

୪ ଶ୍ରୀଆନ୍ନିଆ ଦିକ୍ୟା ବାନେ ବାନ୍ ନେ ମେଁ ଗୁଏକ୍ଲେ ଡାଗରା ମିସୁତେ ମେଁ ଏତେ ନେ ଗୁଏ ନେଲେଃକେ । ମେଁ ତିଡିରକମ୍ କିସ୍ତ ଆବାନେ ମ୍ବାବପୁରେ ତଡିଆକେ, ନେ ଡିଗ୍ ମେଁ ନସା ମି ବାବରେ ନେବୁଆ ନେଡକେଃଏ ।

୫ ଡାଗଲା ନେ ଗୁଏଃନିଆ କୁଡେତେ ମେଁ ଏଃତେ ମୁଇଁ ଡିଙ୍ଗନେଲେଃକେ ମେଁ ତଡିଆକ୍ଲେ କେଲା ଡିଗ୍ ମେଁ ଏତେ ସାଃଡିଙ୍ଗତେ ବାରମୁଇଁତର୍ ଜିବନ୍ ନେବାଏ ।

୬ ନେ ମ୍ୟାଃନେଲେଃକେ କିସ୍ତ ଏତେ କୁରୁସ୍ ଆଡାଡା ନେନେ ବାଝିର୍ ଚାଲିଚଲନ୍ ଗୁଏ ଲେଃକେ । ଆଡବା ନେନେ ପାପ୍ ଡିଙ୍ଗନେ ପକ୍ତୁଡି ସାପା ନସ୍ ଡିଙ୍ଗଲେଃକେ ବାରି ନେ ପାପ୍ କାମ୍ବାନ୍ ମୁକ୍ତି ବାନେଲେଃକେ ।

୭ ଡାଗଲା ରେମୁଆଁ ଗୁଏ ଝେଲା ପାପ୍ ଡିଙ୍ଗନେବାନ୍ ଉଦାର୍ ବାଏ ।

୮ ନେ ଜିସୁ କିସ୍ତନେ ଏତେ ଗୁଏ ନେଲେଃଗସା ମେଁ ଏତେ ଡିଗ୍ ଜିବନ୍ ନେବାଏ ଡାଗତେ ବିସ୍ବାସ୍ ଡିଙ୍ଗନେଡିଙ୍ଗ୍ ।

୯ ନେ ମିଆଁ ନେଲେଃକେ କିସ୍ତ ଗୁଏକ୍ଲେ ବାନ୍ ବାରି ମୁଇଁତର୍ ତଃଡ୍ୟା ଲେଃଗେସା ମେଁ ବାରି ଅଃନା ଆଗୁଏଃ ଶୁ । ମେଁ ଆଡାଡା ଗୁଏଃନେ ବାରି ଅଦିକାର୍ ଡିଙ୍ଗାୟା ଶୁ ।

୧୦ ମେଁ ତିଡି ରକମ୍ ଗୁଏକେ ଆଡବା ପାପ୍ନେ ବପୁବାନ୍ ମୁଇଁ ମାଣ୍ଡକେ ମୁକ୍ତି ଆଡିଙ୍ଗବିକେ । ମେଁ ଏବେ ତିଡିରକମ୍ ବୁଆଡିକେଃ ଡିଂକେ, ଆତେନ୍ ଇସ୍ପର୍ ଏତେ କୁଡେତେ ଲେଃନେ ଜିବନ୍ ।

୧୧ ଦେଡୁରକମ୍ ଯେ ଡିଗ୍ ପାପ୍ବାନ୍ ଗୁଏ ପେଲେଃକେ ଡାଗତେ ମନେ ବାବେପା । ଯେ ଏବେ କିସ୍ତ ଜିସୁବାନ୍ ଜିବନ୍ରେ ଇସ୍ପର୍ ଏତେ କୁଡେ ପେଲେଃକେ ।

୧୨ ପେନେ ନାସେଝେଲେକ୍ଲେ ଗାଗଡେ ଆଡାଡା ପାପ୍ ବାରି ସାସନ୍ ଆଡିଙ୍ଗ ଲେଃ । ଯେ ବାରି ମେଁ ରକମ୍ ଡିଗ୍ ଗାଗଡେକେ କେତେ ମେଁ ଡାଗା ଚଗ୍ଡାଙ୍ଗ୍ ଆଲେଗପା ।

୧୩ ଯେ ନିଜ୍ଜକେ ମେଃଡିଗ୍ ବାବରେ ପାପ୍ ଡାଗରା ସର୍ପେ ବିଚେ ଦଦ୍ୟା କାମ୍ନେ ଜିନିସ୍ ରକମ୍ ବେବଆର୍ ଆଡିଂଗେପା । ଶୁଲ୍ଲା ଗୁଏକ୍ଲେବାନ୍ ରକ୍ୟା ବାଚେ ଜିବନ୍ ବାଲେଗେସା ଯେ ସଡକାମ୍

ଡିଙ୍ଗନେସା ନିଜେ ନିଜେକେ ପୁରାପୁରି ବାବରେ ଇସ୍ପର୍ ଦାଗରା ସର୍ପେ ବିଃପା ।

୧୪ ପାପ ଯେ ଆଡାଡା ସାସନ ଆଡିଙ୍ଗଲେ । ଯେ ବାରି ନିୟମରେ ଯେଲେଃକେ ଶୁ ମାତର୍ ଇସ୍ପର୍ନେ ଦୟାରେ ମୁଁ ଯେଲେଃକେ ।

ଦରମ୍ ରାକର୍

୧୫ ତେଲା ନେ ନିୟମନେ ଆଲ ମାଲେଃତେ ଇସ୍ପର୍ନେ ଆସିର୍ବାଦ୍ ବାନେଲେଃକେ ତାଗ୍ତେ ମେଃନେ ବାରି ପାପ୍ ଡିଙ୍ଗ ନେଲେଃ ? ଅଃନାଡିଗ୍ ଶୁ ।

୧୬ ଯେ ମିଆଁ ଯେଲେଃକେ ଜଦି ଯେ ଜାନେ ସାମୁଆଁ ମାନେତେ ମେଃନେ ପୁରାପୁରି ବାବରେ ଆଦେସ୍ ମାନେଃଏ ତେଲା ଯେ ମେଃନେ ରାକର୍ । ଜଦି ପାପନେ ରାକର୍ ଯେଡିଙ୍ଗ୍ ଆକ୍ସେନେ ଅବସ୍ତା ଡିଙ୍ଗ୍ ଗୁଏନେ: ଜଦି ଦରମ୍ରେ ଯେଅଲେଙ୍ଗ୍ ତେଲା ଜିବନ୍ ଯେବାଏ ।

୧୭ ମାତର୍ ଇସ୍ପର୍କେ ଦନ୍ୟବାଦ୍ ବିଶ୍ତିଂକେ ଜଦି ଡିଙ୍ଗ୍ ମୁଇଁ ଦିନା ଯେ ପାପନେ ରାକର୍ ଯେଲେଃକେ ଯେ ଏବେ ମାପୁର ସାମୁଆଁବାନ୍ ବୁଦି ବାଲେକ୍ସେ ସଡ୍ ଆଣ୍ଡେଙ୍ଗ୍ କାଲାଆଃ ପାଲନ୍ ଡିଙ୍ଗ୍ପେଡିଙ୍ଗ୍ ।

୧୮ ଯେ ପାପ୍ବାନ୍ ମୁକ୍ତି ବାତେ ଦରମ୍ନେ ରାକର୍ ଡିଙ୍ଗ୍ପେଲେଃକେ ।

୧୯ ଯେନେ ନିଜର୍ ଅଲ୍ସୁଆ ନ୍ସା ଆକେନ୍ ସାପା ସାମୁଆଁ ! ନେଙ୍ଗ୍ ଚଲେନେ ସାମୁଆଁରେ ବାଲିର୍ ଶ୍ତିଂ । ମୁଇଁଦିନା ଯେ ଅସୁଚିତା ବାରି ଅଦର୍ମ କାମ୍ନିଆ ନିଜେ ନିଜେକେ ଚଗଡାଙ୍ଗ୍ ଯେଲେଃଏ । ଦେଡ୍ରେକମ୍ ଏବେ ପବିତ୍ର ଡିଙ୍ଗନେସା ଦାର୍ମିକ୍ ସାମୁଆଁ ତାଗରା ନିଜକେ ପୁରାପୁରି ବାବରେ ଅପେଃବିପା ।

୨୦ ଯେଇଁ ପାପନେ ରାକର୍ ଲେଃକେଲା ଦାର୍ମିକ୍ ସାମୁଆଁବାନ୍ ସୁ ଯେଲେଃଗେ ।

୨୧ ଏବେ ଆପେକେ ଆଣ୍ଡିନେ ସାପା କାମ୍ ଡିଙ୍ଗନେସା ଗିଆସ ଲାଗେଡିଙ୍ଗ୍କେ ଆତେନ୍ବେଲା ତେନ୍ ସାପା କାମ୍ ଡିଙ୍ଗ୍ପେଡିଂଗେ । ଆଡ୍ବା ମେଁ ଲାବ୍ ଯେବାକେ ? ଆତେନ୍ ସାପା କାମ୍ନେ ଡ଼ିଙ୍ଗ୍ଡିଂକେ ଗୁଏନେ ।

୨୨ ମାତର୍ ଏବେ ଯେ ପାପ୍ବାନ୍ ମୁକ୍ତି ବାତେ ଇସ୍ପର୍ନେ ରାକର୍ ଡିଙ୍ଗ୍ପେଲେଃକେ । ଆକ୍ସେନେ ଲାବ୍ ଡିଙ୍ଗ୍ଡିଙ୍ଗ୍କେ ଇସ୍ପର୍

ଡାଗରା ପୁରାପୁରି ବାବରେ ଆମ୍ଭଙ୍କେ ଅପେକ୍ଷକିନେ ବାରି ଆତ୍ମନେ
 ରୁଚୁ ତିଜ୍ଞତଂକେ ଅକ୍ଷନା ମାତାନେ ଜିବନ୍ ।

^{୨୩} ପାପନେ ତଣ୍ଡ ତିଜ୍ଞତିଜ୍ଞକେ ଗୁଏନେ ମାତର ଇସ୍‌ପର୍ ବିବକ୍ତେ
 ଦାନ୍ ତିଜ୍ଞତିଜ୍ଞକେ ମାପରୁ ଜିସୁ କିସ୍‌ଟ ଏତେ କୁଡ଼େନେ ବାନ୍ ଆଃ
 ମାତାନେ ଜିବନ୍ ।



ବିଏ ତିଜ୍ଞନେ ବ୍ଲାଲିର୍

^୧ ଅ ବୟାଁ ତନାଇଁ, ରେମୁଆଁ ଉଡ଼ିପର୍ ଜାକ ମ୍ୱଲେଃଏ
 ଅତେନ୍‌ପର୍ ଜାକ ନିୟମ୍ ଜେ ମେଁ ଆଡ଼ାତ୍ରା ସାସନ୍ ତିଜ୍ଞଏ ଆକେନ୍
 ପେ ପେମ୍ୟାଃକେ ? ନେଙ୍ଗ୍ ତ ନିୟମ୍ ମ୍ୟାଃଲେଣ୍ଡେକେ ବାଲିର୍
 ଶ୍ରିଜ୍ଞକେ ।

^୨ ଆଣ୍ଡାଣ୍ଡେ ଉଡ଼ିପର୍ ଜାକ ମ୍ୱଲେଃଏ ଅକ୍ଷତେନ୍ ପର୍ ଜାକ
 କୁନ୍‌ଏଃଡ଼େ ଆଣ୍ଡାଣ୍ଡେ ଏତେ ନିୟମ୍ ବିଡ଼ରେ ଲେଃଏ ମାତର
 ଆଣ୍ଡାଣ୍ଡେ ଗୁଏ ଝେଲା କୁନ୍‌ଏଃଡ଼େ ଆଣ୍ଡାଣ୍ଡେ ନିୟମ୍‌ବାନ୍ ତାର୍‌ଝେଏ
 ।

^୩ ଜଦି ଆଣ୍ଡାଣ୍ଡେ ମ୍ୱଲେଃ ଜାକ କୁନ୍‌ଏଃଡ଼େ ଜଦି ବିନ୍ ଜିରେ ଏତେ
 ଦଦ୍ୟା କାମ୍ ତିଜ୍ଞଏ, ତେଲା ଆମେକେ ପାଦ୍ରି ଡାଗରେ ବାଲିର୍‌ଆର୍‌ଏ:
 ମାତର ଜଦି ଆଣ୍ଡାଣ୍ଡେ ଗୁଏ ଝେଏ ତେଲା କୁନ୍‌ଏଃଡ଼େ ନିୟମ୍‌ବାନ୍
 ତାର୍‌ଝେଏ, ବାରି ଜଦି ମେଁ ବିନ୍ ଜିରେ ଏତେ ଦଦ୍ୟା କାମ୍ ତିଜ୍ଞଏ,
 ତେଲା ମେଁ ପାଦ୍ରି ଆତିଁ ଶ୍ଟୁ ।

^୪ ତେସା ଏ ନେଙ୍ଗ୍‌ନେ ବୟାଁଇଁ କିସ୍‌ଟନେ ଗାଗଡ଼େ ଏତେ ପେ ତିଗ୍
 ନିୟମ୍ ଆଡ଼ାତ୍ରାବାନ୍ ଗୁଏ ପେଲେଃକେ ଜେଡ଼ିକି ପେ ବିନ୍‌ରେ ଏତେ
 ପେକୁଡ଼େଏ ବା ନେ ଇସ୍‌ପର୍ ଆତ୍ମା ରୁଚୁ ରୁନ୍‌ସା ଜା ଗୁଏକ୍‌ବାନ୍
 ତଡ଼ିଆଲେଃକେ ମେଁ ଏତେ ମିସୁପା ।

^୫ ଡାଗଲା ଉଡ଼ିବେଲା ନେ ଗାଗଡ଼େକେ ଚଗ୍‌ଡାଙ୍ଗ୍‌ତେ
 ନେଲେଃଗେ, ଆତେନ୍‌ବେଲା ନିୟମ୍‌ବାନ୍ ପାପ କାମ୍ ତିଜ୍ଞନେ
 ନେ ଗାଗଡ଼େନେ ସାପା ଡାଗରା ଗୁଗୁଏ ନ୍‌ସା ରୁଚୁ ରୁନ୍‌ସା କାମ୍
 ଆତିଜ୍ଞତିଜ୍ଞଗେ ।

^୬ ମାତର ଜାବାନ୍ କି ନେ ଗାଗଡ଼େ ନେଲେଃକେ ଆଡ଼ ବା ଗୁଏତେ
 ନେ ଏବେ ନିୟମ୍‌ବାନ୍ ତାର୍ ନେଲେଃକେ; ତେସା ନେ ଗୁଆର୍‌ବକ୍ତେ

ବାଞ୍ଚିରକ୍ଷେ ରକମ୍ ଚାକର ମାଗ୍ନେରେ ଆମ୍ଭାରେ ମି ରକମ୍ ଚାକର ସୁଗୁଆ କାମ୍ ତିଙ୍ଗ୍ନେତିଙ୍ଗ୍ନେକେ ।

ନିୟମ୍ ବାରି ପାପ୍

୭ ତେସା ନେ ମେଁ ନେବାସଙ୍ଗ୍ ? ନିୟମ୍ ମେଠନେ ପାପ୍ ? ଆତେନ୍ ଅଞନାତିଗ୍ ଆତିଙ୍ଗ୍ଲେ । ମାତର୍ ପାପ୍ ମେଠନେ ଆତେନ୍ ନିୟମ୍ ମାଲେଠଲ୍ଲା ନେଙ୍ଗ୍ ନ୍ନାମ୍ୟା ପାତିଙ୍ଗ୍; ମେଁ ଡାଗ୍ଲା କଚିଙ୍ଗ୍ ଆତିଙ୍ଗ୍ପା ନିୟମ୍ ଆକେନ୍ ବାସଙ୍ଗ୍ ଆବଲ୍ଲା ଲବ୍ତିଙ୍ଗ୍ନେ ମେଠନେ ଆତେନ୍ ନେଙ୍ଗ୍ ନ୍ନାମ୍ୟା ପାତିଙ୍ଗ୍ ।

୮ ମାତର୍ ପାପ୍ନେ ସୁଜଗ୍ ବାତେ ଆଦେସ୍ବାନ୍ ନେଙ୍ଗ୍ଅରିଆ ସାପା ରକମ୍ନେ ଲବ୍ ତିଙ୍ଗ୍ନେ ଆଠସିକେ; ଡାଗ୍ଲା ନିୟମ୍ ଆଲେଠଲ୍ଲା ପାପ୍ ଗୁଏଠଏ ।

୯ ବାରି ନେଙ୍ଗ୍ ମୁଇଁ ଦିନା ନିୟମ୍କେ ଆନ୍ତାର୍ତେ ମ୍ପ_କ୍ଲେଠଗେ ମାତର୍ ଆଦେସ୍ ପାଙ୍ଗ୍ଲିଆ ଆତେନ୍ ବେଲ୍ଲା ପାପ୍ ମ୍ପ_କେ

୧୦ ବାରି ନେଙ୍ଗ୍ ଙ୍ଗୁଏକେ; ଆଡ୍ଅରିଆ ଜିବନ୍ ଲେଠକ୍ଲେ ମୁଡ୍ଡି ଆଦେସ୍ ଆତେନ୍ ନେଙ୍ଗ୍ ଆଡ୍ଡା ଗୁଏନେ ଡାଗ୍ତେ ମ୍ୟାଠକେ ।

୧୧ ମେଁ ଡାଗ୍ଲା ପାପ୍ ସୁଜଗ୍ ବାତେ ଆଦେସ୍ ଏତେ ଆନେଙ୍ଗ୍କେ ନାଲେକେ ବାରି ମେଁବାନ୍ ଆନେଙ୍ଗ୍କେ ବାଗୁଏକେ ।

୧୨ ତେସା ନିୟମ୍ ପବିତ୍ର ବାରି ମେଁନେ ଆଦେସ୍ ସାପା ପବିତ୍ର ନିୟମ୍ ବାବ୍ରେ ବାରି ନିମାଣ୍ଡା ।

୧୩ ତେଲ୍ଲା ଆଣ୍ଡିନେ ନିମାଣ୍ଡା ଆତେନ୍ କି ନେଙ୍ଗ୍ ପାକା ଗୁଏନେ ତିଙ୍ଗ୍କେ ? ଆତେନ୍ ଅଞନାତିଗ୍ ଆତିଙ୍ଗ୍ଲେ । ମାତର୍ ପାପ୍ ବାନ୍ ଗୁଏତିଙ୍ଗ୍, ତିତିରକମ୍ କି ଆଣ୍ଡିନେ ନିମାଣ୍ଡା, ଆତେନ୍ ବିତେ ନେଙ୍ଗ୍ ଡାଗ୍ଗା ଗୁଏଠନେ ବାନ୍ ପାପ୍, ପାପ୍ ଡାଗ୍ତେ ନ୍ଏ, ବାରି ତିତିରକମ୍ କି ଆଦେସ୍ବାନ୍ ପାପ୍ ଜାବର୍ ପାପ୍ ତିଙ୍ଗ୍ଏ ।

ରେମୁଆଁନେ ମନ୍ ବିତ୍ରେ ଡାଉଟ୍

୧୪ ତେସା ନିୟମ୍ ଜେ ଆମିକ୍ ଆକେନ୍ ନେ ମ୍ୟାଠନେଲେଠକେ: ମାତର୍ ନେଙ୍ଗ୍ନେ ଗାଗ୍ଡେ ପାପ୍ନେ ଚାମ୍ତା ।

୧୫ ଡାଗ୍ଲା ନେଙ୍ଗ୍ ମେଁ ଶ୍ରିଏ, ଆତେନ୍ ନେଙ୍ଗ୍ ନ୍ନାମ୍ୟାକେ ଶ୍ରିଏ, ତେସା ନେଙ୍ଗ୍ ମେଠନେ ଇକ୍ତା ଶ୍ରିଏ, ଆତେନ୍ ତିଁନାତିଙ୍ଗ୍କେ,

ମାତର୍ ମେଝନେ ନେଙ୍ଗ୍ ଗୁରନା ତିଙ୍ଗ୍‌ଣିଂକେ ଆତେନ୍‌ଆ ତିଙ୍ଗ୍‌ଣିଂକେ ।

୧୭ ମାତର୍ ମେଁନେ ନେଙ୍ଗ୍ ଇକ୍‌ଚା ତିଙ୍ଗ୍‌ନାତିଙ୍ଗ୍‌କେ ଆତେନ୍‌ ଜଦି ଇକ୍‌ଚା ଶ୍ରିଙ୍ଗ୍‌ଏ ତେଲା ନିୟମ୍ ଜେ ନିମାଣ୍ଡା ଆତେନ୍‌ ନେଙ୍ଗ୍ ମାନେଝଣିଂକେ ।

୧୮ ତେସା ନେଙ୍ଗ୍ ବାରି ଆତେନ୍‌ ତିଙ୍ଗ୍‌ ନାତିଙ୍ଗ୍‌କେ ଶ୍ରି ମୁାତର୍ ନେଙ୍ଗ୍ ତାଗ୍‌ରା ଲେଝତିଙ୍ଗ୍‌କ୍ଲେ ପାପ୍ ଆତେନ୍‌ ତିତିଙ୍ଗ୍‌ତିଙ୍ଗ୍‌କେ ।

୧୯ ମେଁ ତାଗ୍‌ଲା ନେଙ୍ଗ୍‌ଅରିଆ ବା ନେଙ୍ଗ୍ ଗାଗ୍‌ଡେ ବିଡ୍‌ରେ ମେଝତିଗ୍‌ ନିମାଣ୍ଡା ବିସୟ୍ ଆବାସା ଆକେନ୍‌ ନେଙ୍ଗ୍ ମ୍ୟାଝ ନ୍ଲେଝକେ ତାଗ୍‌ଲା ନେଙ୍ଗ୍ ଇକ୍‌ଚା ତିଙ୍ଗ୍‌ଣିଙ୍ଗ୍‌କେ ମାତର୍ ଆଣ୍ଡିନେ ନିମାଣ୍ଡା ଆତେନ୍‌ ତିଙ୍ଗ୍‌ନେସା ନେଙ୍ଗ୍‌ନେ ସାଆସ୍ ଶ୍ରି ।

୨୦ ତାଗ୍‌ଲା ଆଣ୍ଡିନେ ନିମାଣ୍ଡା କାମ୍ ତିଙ୍ଗ୍‌ନେସା ନେଙ୍ଗ୍ ଇକ୍‌ଚା ତିଙ୍ଗ୍‌ଣିଂକେ ଆତେନ୍‌ ତିଙ୍ଗ୍‌ନାତିଙ୍ଗ୍‌କେ ମାତର୍ ଆଣ୍ଡିନେ ଦଦ୍ୟା କାମ୍ ତିଙ୍ଗ୍‌ନେସା ନେଙ୍ଗ୍ ରାଜି ତିଙ୍ଗ୍‌ନାତିଙ୍ଗ୍‌କେ ଆତେନ୍‌ ତିଙ୍ଗ୍‌ଣିଙ୍ଗ୍‌କେ ।

୨୧ ମାତର୍ ଆଣ୍ଡିନେ ନେଙ୍ଗ୍ ରାଜି ତିଙ୍ଗ୍‌ନାତିଙ୍ଗ୍‌କେ ଆତେନ୍‌ ଜଦି ଶ୍ରିଙ୍ଗ୍‌ଏ ତେଲା ନେଙ୍ଗ୍ ନିଜେ ଆରି ଆତେନ୍‌ ତିଙ୍ଗ୍‌ ନାତିଙ୍ଗ୍‌କେ । ମାତର୍ ନେଙ୍ଗ୍ ତାଗ୍‌ରା ବାସା ଲେଝକ୍ଲେ ପାପ୍ ଆତେନ୍‌ ତିଙ୍ଗ୍‌ତିଙ୍ଗ୍‌କେ ।

୨୨ ତେଲାତିଗ୍‌ ନିମାଣ୍ଡା କାମ୍ ତିଙ୍ଗ୍‌ ନ୍‌ସା ଇକ୍‌ଚା ଲେଲାତିଗ୍‌ ନେଙ୍ଗ୍ ତାଗ୍‌ରା ଦଦ୍ୟା କାମ୍ ତିଙ୍ଗ୍‌ନେସା ପାଙ୍ଗ୍‌ତିଙ୍ଗ୍‌କେ ଆକେନ୍‌ ନିୟମ୍ ନେଙ୍ଗ୍ କେଣ୍ଡିଙ୍ଗ୍‌କେ ।

୨୩ ଇସ୍‌ପର୍‌ନେ ନିୟମ୍ ପାଲନ୍‌ ତିଙ୍ଗ୍‌ନେସା ନେଙ୍ଗ୍‌ନେ ଇକ୍‌ଚା

୨୪ ମାତର୍ ନେଙ୍ଗ୍ ଗାଗ୍‌ଡେଇଂନ୍ନିଆ ମୁଇଂ ବିନ୍‌ ନିୟମ୍ କେତିଙ୍ଗ୍‌କେ ଆତେନ୍‌ ନେଙ୍ଗ୍‌ନେ ମନ୍‌ ବିଡ୍‌ରେନେ ନିୟମ୍ ବିରୁଦ୍‌ରେ ଜୁଦ୍‌ ତିଙ୍ଗ୍‌ତିଙ୍ଗ୍‌ ଆରି ନେଙ୍ଗ୍‌ନେ ଗାଗ୍‌ଡେଇଂନ୍ନିଆ ମୁଡ୍‌ ପାପ୍‌ନେ ନିୟମ୍ ଲେଝକେ ଆନେଙ୍ଗ୍ ଆଡ୍‌ଅରିଆ ବନ୍‌ ଆତିଙ୍ଗ୍‌ ବିଝ ତିଙ୍ଗ୍‌କେ ।

୨୫ ଉଡ୍‌ ଦୁରବାଗ୍ୟ ରେମୁଆଁ ଜେ ନେଙ୍ଗ୍ ଆନେଙ୍ଗ୍ ଆକେନ୍‌ ଗୁଏକ୍ଲେ ଗାଗ୍‌ଡେବାନ୍‌ ଜା ଆମ୍‌ଏ ?

୨୬ ନେନେ ମାପୁ ଜିସୁ କ୍ରିଷ୍ଟ୍‌ନେ ବାନ୍‌ ଇସ୍‌ପର୍‌ନେ ଦନ୍‌ଏବାଦ୍‌ ତିଂଲେଝ । ତାଗ୍‌ଲା, ନିଂ ନିଜେ ମନ୍‌ ବାନ୍‌ ଇସ୍‌ପର୍‌ନେ ନିୟମ୍‌ନେ ଚାକର୍, ମାତର୍ ଗାଗ୍‌ଡେ ବାନ୍‌ ପାପ୍ ନିୟମ୍‌ନେ ଚାକର୍ ତିଂଲେଝକେ ।

୮

ଆମ୍ଭା ବିଚେ ଜିବନ୍

^୧ ଜାଣ୍ଠେଇଁ ମାପରୁ ଜିସୁ କିସଟ ଡାଗରା ଲେଖକେ ମେଇଁନେ ଆଡାଡା ଏବେ ମେଃଡିଗ୍ ଡଣ୍ଡ ଆପାଙ୍ ଶୁୁ

^୨ ମାତର ଜିବନ୍ ବିଃଣ୍ଠେ ଆମ୍ଭାନେ ନିୟମ୍ କିସଟ ଜିସୁନେ କୁଡେମାଡେ ଡାଗରା ଆପେକେ ପାପ୍ ବାରି ଗୁଏନେ ନିୟମ୍ବାନ୍ ଆମ୍ଭ ବକେ ।

^୩ ଡାଗ୍ଲା ଗାଗଡେ ଲେଃଗେସାଃ ଦୁରବଲ୍ ଡିଙ୍ଗା ନିୟମ୍ ଆଣ୍ଠିନେ ଦାଦନ୍ ଡିଙ୍ଗା ଆୟାକେ ଶୁୁ ଆତେନ୍ ଇସପର ନିଜର୍ ଡଙ୍ଗକେ ପାପ୍ ଡିଙ୍ଗବକ୍ସେ ଗାଗଡେରକମ୍ ସରସ୍ୟା ପାପ୍ ନସ୍ ଡିଙ୍ଗନେସା ବେଚେ ଗାଗଡେଅରିଆ ପାପ୍କେ ଡଣ୍ଡ ଆଦେସ୍ ଆଡିଙ୍ଗନେସା ଡିଙ୍ଗକେ ।

^୪ ଡିଡିରକମ୍ ଗାଗଡେନେ ବାବନା ଇସାବରେ ବେବଆର୍ ମାଡିଙ୍ଗରେ ଆମ୍ଭିକ ବାବନା ଇସାବରେ ବେବଆର୍ ଡିଙ୍ଗନେବଏ ଜେ ନେନେ ଡାଗରା ନିୟମ୍ନେ ସଡ୍ ଦାବି ପୁରନ୍ ଡିଙ୍ଗନେବକେ ।

^୫ ଡାଗ୍ଲା ଜାଣ୍ଠେଇଁ ଗାଗଡେନେ ଇସାବରେ ମନ୍ ଡିଆରଡିଂକେ ମେଇଁ ଗାଗଡେନେ ବିସୟରେ ଦ୍ରିଗ୍ଆରଏ ମାତର ଜାଣ୍ଠେଇଁ ଆମ୍ଭିକ ବାବରେ ମନା ମେଇଁ ଆମ୍ଭିକ ଇସାବରେ ଦ୍ରିଗ୍ଆରଏ ।

^୬ ଡାଗ୍ଲା ଗାଗଡେନେ ବାବନା ଗୁଏଡିଙ୍ଗଏ ମାତର ଆମ୍ଭିକ୍ ଚିନ୍ତା ଜିବନ୍ ବାରି ସାନ୍ତିରେ ଲେଃଡିଙ୍ଗଏ:

^୭ ଡାଗ୍ଲା ଗାଗଡେନେ ବାବନା ଇସପରନେ ବିରଦରେ ସଡ୍ଡୁ ଡିଙ୍ଗଏ; ଡାଗ୍ଲା ଆତେନ୍ ଇସପରନେ ନିୟମ୍ନିଆ ଆଲେକେ ଶୁୁ ବାରି ଲେଃନେ ଅସମ୍ଭବ;

^୮ ଜାଣ୍ଠେଇଁ ଗାଗଡେ କାମ୍ରେ ଲେଃଆରକେ ମେଇଁ ଇସପରନେ ସାରଦାନେ ଡଙ୍ଗଡେ ଡିଙ୍ଗା ଆୟାଆର୍ ଶୁୁ

^୯ ମାତର ଇସପରନେ ଆମ୍ଭା ଜଦି ପେ ଡାଗରା ଲେଃକେ ଡେଲା ପେ ଗାଗଡେନେ ଲାଲ୍ସାରେ ଶୁୁ ମାତର ଆମ୍ଭାନେ ଲାଲ୍ସାରେ ପେଲେଃକେ । ଜଦି ଜାଡିଗ୍ କିସଟନେ ଆମ୍ଭା ବା ଆଲେ ଡେଲା ମେଁ ମେଁନେ ଶୁୁ

^{୧୦} ମାତର ଜଦି କିସଟ ପେ ଡାଗରା ପାଲେଃ ଡେଲା ଗାଗଡେ ପାପ୍ ନ୍ୟା ଗୁଏନେ ମାତର ଆମ୍ଭା ଦାରମିକ୍ ସାମୁଆଁ ସା ଜିବନ୍ ବାଏ ।

୧୧ ☆ ବାରି ଜା ଗୁଏକ୍ଲେଣ୍ଡେବାନ୍ ଜିସୁକେ ଆତଡ଼ିଆକେ ମେଁନେ ଆମ୍ବା ଜଦି ପେ ଡାଗରା ଲେଃଏ ତେଲା ଜେ ଗୁଏକ୍ଲେବାନ୍ କିସ୍ତ ଜିସୁକେ ଆତଡ଼ିଆକେ ମେଁ ପେ ଡାଗରା ବାସା ଡିଙ୍ଗ୍‌କ୍ଲେ ପେ ଆମ୍ବାନେବାନ୍ ପେନେ ଗୁଏକ୍ଲେ ଗାଗ୍‌ଡେକେ ଡିଗ୍ ଜିବନ୍ ଆଡିଙ୍‌ଏ ।

୧୨ ତେଲା ଅ ବୟାଁ ତନାଇଁ ନେ ରୁନ୍ ଡିଙ୍ଗ୍‌ନେଲେଃକେ ମାତର୍ ଗାଗ୍‌ଡେ ବାବ୍‌ନା ଇସାବ୍‌ରେ ବୁଆଡିକେ ନ୍‌ସା ଗାଗ୍‌ଡେ ଡାଗରା ଶୁ ।

୧୩ ଡାଗଲା ଜଦି ପେ ଗାଗ୍‌ଡେନେ ଚିନ୍ତା ଇସାବ୍‌ରେ ବୁଆଡିକେ ପେଡିଙ୍‌ଏ ତେଲା ପେଗୁଏଃଏ, ମାତର୍ ଜଦି ଆମ୍ବାନେ ବାନ୍ ପେ ଗାଗ୍‌ଡେନେ କାମ୍ ସାପାକେ ନସ୍ ପେରାଡିଙ୍‌ଏ ତେଲା ଜିବନ୍ ପେବାଏ ।

୧୪ ତେସା ଉଡ଼ିରୁଆ ଇସ୍‌ପର୍‌ନେ ଆମ୍ବା ଏଡେ ଅଲେଙ୍ଗ୍ ଡିଙ୍ଗ୍‌କେ ମେଇଁ ଇସ୍‌ପର୍‌ନେ ଉଂଡେ ।

୧୫ ☆ଡ଼ାଗଲା ପେ ବାରମୁଇଁତର୍ ବୁଟ୍ ପେଡିଙ୍ଗ୍‌ସା ଗତିରେନେ ଆମ୍ବା ପେବାକେ ମାତର୍ ଉଂଡେନେ ଆମ୍ବା ବାପେଲେଃକେ; ଜା ବାନ୍ କି ନେ “ଆବା” ଆବା ଡାଗ୍‌ରେ ଖାନେମ୍ୟାକେ ।

୧୬ ନେ ଇସ୍‌ପର୍‌ନେ ଉଂଡେ ଡାଗ୍‌ରେ ଆଡେନ୍ ଆମ୍ବା ନିଜେ ନେନେ ଆମ୍ବା ଏଡେ ସାକି ବିଡିଙ୍ଗ୍‌କେ ।

୧୭ ବାରି ଜଦି ଗଗିସିଆଃ ତେଲା ମେଁନେ ଉଂଡେ ବା ଜଦି କିସ୍ତ ଏଡେ ଗୌରବ୍ ବ୍‌ବା ନ୍‌ସା ନେ ମେଁ ଏଡେ ଦୁକ୍ ବଗେ ନେଡିଙ୍ଗ୍‌କେ ତେଲା ଇସ୍‌ପର୍‌ନେ ଉଂଡେ ବାରି କିସ୍ତନେ ଉଂଡେ ଡିଙ୍ଗ୍‌ଡିଙ୍‌ଏ ।

ଗୌରବ୍‌ନେ ଦିନ୍

୧୮ ଆଣ୍ଡିନେ ଗୌରବ୍ ନେଆଡ଼ତ୍ରା ପାଙ୍ଗ୍‌ଏ ଆଡେନ୍ ତୁଲନାରେ ଏନ୍ ଏବେନେ ଜୁଗ୍‌ନେ ଦୁକ୍ ବଗେନେ ମେଃଡିଗ୍ ଶୁ ।

୧୯ ତେସା ସୂସ୍‌ଟିନେ ମୁଇଁ ଇକ୍‌ଟା ଇସ୍‌ପର୍‌ନେ ଉଂଡେଇଁକେ ଆନ୍ ନ୍‌ସା ଉର୍‌ଡିଙ୍ଗ୍‌କେ ।

୨୦ ମେଁ ଡାଗଲା ସୂସ୍‌ଟି ଜାବର୍ ଅସାରତାନେ ଆଲ ଡିଙ୍ଗ୍‌କେ ମେଃନେ ନିଜେନେ ଇକ୍‌ଟାରେ ଶୁ ମାତର୍ ଜା ଆମେକେ ଆଲ ଆଡିଙ୍ଗ୍‌କେ, ମେଁନେ ଇକ୍‌ଟାବାନ୍ ।

☆ ୮:୧୧ େକରିନ୍‌ଡିୟ ୩:୧୭. ☆ ୮:୧୫ ଗାଲାଡିୟ ୪:୫-୭. ☆ ୮:୧୫ ମାର୍କ ୧୪:୩୬; ଗାଲାଡିୟ ୪:୭.

୨୧ ବାରି ଆତେନ୍ ଆସାରେ ତାଆଁ ଡିଙ୍ଗକେ, ଜାକି ସୁସ୍ତି ନିଜେ ଡିଗ୍ ଇସ୍ପର୍ରେନେ ଉଠେଇଠନେ ଗୌରବ୍‌ମୟ ଅବସ୍ଥା ବିସୟରେ ମୁକ୍ତି ବାନ୍ଧା ବଃଚାଃନେ ଅବସ୍ଥାବାନ୍ ମୁକ୍ତି ତିଂଏ ।

୨୨ ତାଗ୍‌ଲା ସାପା ସୁସ୍ତି ଜେ ଏଃଜାକ ମୁଇଠ ମାଡ଼ରେ ସାର୍‌ଲ ଡିଙ୍ଗ୍‌ଆରକେ ବାରି ଶୁଆକୁମାନେ କସ୍ତୁ ରକମ୍ ତାହା ତିଂତିଂକେ ଆକେନ୍ ନେ ମ୍ୟାଃନେଡିଙ୍ଗକେ ।

୨୩ ✧ବାରି ଆତେନ୍‌ଆ ଶୁମ୍‌ମାତର୍ ସିସେ ରୁରୁ ରକମ୍ ଆମ୍‌କେ ବାନେଲେଃକେ ଜେ ନେ ନିଜେ ନିଜେ ଡିଗ୍ ଉଠେ ଡିଙ୍ଗନେଲେଃକେ । ବା ନିଜେ ନିଜେ ଗାଗ୍‌ଡେନେ ମୁକ୍ତି ବାନ୍ଧା ଉର୍ରେ ନିଜର୍ ଗର୍ରେ ବିଡ଼ରେ ଅଁ ନେଡିଙ୍ଗକେ ।

୨୪ ତାଗ୍‌ଲା ଆସା ବନେବାନ୍ ନେ ପରିତ୍ରାନ୍ ବାନେଲେଃକେ; ମାତର୍ ସ୍ମିଆଃ ସାମନା ବନେ ଆସା ଆତେନ୍ ଆସା ଶୁମ୍‌। ତେସା ମେଃନେ ମୁଇଠଜା କିକେ ଡିଙ୍ଗ୍‌କେ ଆଡ଼ବା ମେଁ ମେଁସା ବାରି ଆସା ଡିଙ୍ଗ୍‌ଏ ?

୨୫ ମାତର୍ ନେ ମେଃନେ କେନେଡିଙ୍ଗକେ ଜଦି ମେଁ ଆଡ଼ଲା ଆସା ନେଡିଙ୍ଗ୍‌ଏ ତେଲା ବର୍‌କସ୍‌ରେ ଆମେକେ ବାନେ ଜାକ ଉର୍ରେ ନେଲେଃ ।

୨୬ ବାରି ଦେଡ଼ରକମ୍ ପବିତ୍ର ଆମ୍‌ ଡିଗ୍ ନେନେ ଦୁର୍ବଲ୍‌ରେ ଲେଃକେଲା ସାଇଜ୍ୟ ଡିଙ୍ଗ୍‌ମ୍ୟାକେ ତାଗ୍‌ଲା ମେଃନେ ପାର୍‌ତନା ଡିଙ୍ଗ୍‌ନେ ଦରକାରୁ ଆତେନ୍ ନେ ନେମ୍ୟାଃକେ ଶୁମ୍‌ମାତର୍ ଆମ୍‌ ନିଜେ ରୁପ୍‌ରାପ୍‌ରେ ମେଁ ପାର୍‌ତନାନ୍‌ଆ ନେ ଆଡ଼ଲା ସାର୍‌ ଡିଙ୍ଗ୍‌କେ;

୨୭ ବାରି ଜା ନେନେ ରୁଦୟକେ ତୁର୍ ଅଲେଙ୍ଗ୍ ଡିଙ୍ଗ୍‌କେ ଆତେନ୍ ଆମ୍‌ନେ ବାବ୍‌ନା ମେଁନେ ଆତେନ୍ ସାପା ମେଁ ମ୍ୟାଃଲେଃକେ ତାଗ୍‌ଲା ମେଁ ଇସ୍ପର୍ରେନେ ଇକ୍‌ଚା ଇସାବ୍‌ରେ ସାଦୁଇଠ ଏଡେ ସାର୍‌ଲମ୍ୟାଃକେ ।

୨୮ ଜାଶ୍ରେଇଠ ଇସ୍ପର୍ରେକେ ଆଲାଦ୍ ତିଂଆର୍‌ଏ ଜାଶ୍ରେଇଠ ମେଇଠନେ ଚିନ୍ତା ଇସାବ୍‌ରେ ପାଙ୍ଗ୍‌ଲେଆରକେ ଇସ୍ପର୍ ଆତେନ୍ ସାପା ବିସୟରେ ମେଇଠନେ ମଙ୍ଗ୍‌ଲ୍ ଆଡ଼ଲା ପୁରନ୍ ଡିଙ୍ଗ୍‌ମ୍ୟାକେ ଆକେନ୍ ନେ ମ୍ୟାଃନେଲେଃକେ ।

✧ ୮:୨୩ ୨ କରିନ୍‌ଡିୟ ୫:୨-୪.

୨୯ ଡାଗ୍‌ଲା ଜାଣ୍ଡେଇଂକେ ମେଁ ସିସେବାନ୍ ମ୍ୟାଃଲେଃରେ ଆମେଇଂକେ ମେଃନେ ଉଂଡେନେ ମୁରତି ରକମ୍ ନ୍‌ନ୍‌ସା ମେଁ ସିସେବାନ୍ ଆର୍‌ମେ ତିର୍ ବଗେ ତିଡିରକମ୍ କି ମେଁ ଗୁଲେ ବୟାଁ ତନାଇଂନେ ବିଡରେ ସେନ୍‌ଗ୍ ଜନମ୍ ତିଙ୍‌ଏ ।

୩୦ ବାରି ଜାଣ୍ଡେଇଂକେ ମେଁ ସିସେବାନ୍ ଆର୍‌ମେ ବଗେ ଆମେଇଂକେ ମେଁ ତିର୍ ଝାକେ ବାରି ଜାଣ୍ଡେଇଂକେ ମେଁ ଝାକେ ଆମେଇଂକେ ମେଁ ତିର୍ ଦାର୍‌ମିକ୍ ଡାଗ୍‌ରେ ବାଲିରକେ ବାରି ଜାଣ୍ଡେଇଂକେ ମେଁ ଦାର୍‌ମିକ୍ ଡାଗ୍‌ରେ ବାଲିରକେ ଆମେଇଂକେ ମେଁ ତିର୍ ଗୌରବ୍ ଆତିଙ୍‌କେ ।

ଇସ୍‌ପର୍‌ନେ ଆଲାଦ୍

୩୧ ତେଲା ଆକେନ୍ ସାପା ସାର୍‌ମୁଆଃନ୍‌ନିଆ ନେ ମେଃନେ ନେବାସଙ୍‌ଏ ? ଜଦି ଇସ୍‌ପର୍‌ ନେନେ ପାକା ତେଲା ନେନେ ପାକା ଜା ?

୩୨ ଜା ନିଜର୍ ଉଂକେ ତିର୍ ରକ୍ୟା ଆତିଙ୍‌କେ ଶୁମାତର୍ ନେଆଡଲା ଆମେକେ ସର୍‌ପେ ବିକେ ମେଁ ତିରକମ୍ ମେଁ ଏଡେ ତିର୍ ସାପା ବିସୟ୍ ଆନେକେ ଦୟାରେ ଦାନ୍ ଆତିଙ୍‌ ଶୁ ?

୩୩ ଇସ୍‌ପର୍‌ ସିବକ୍ଲେ ରେମୁଆଁଇଂନେ ବିରଦରେ ଜା ବଡ୍‌ପନ୍ ଆଃସୁଏଃ ? ଇସ୍‌ପର୍‌ ତ ଆମେଇଂକେ ଦାର୍‌ମିକ୍ ଡାଗ୍‌ରେ ବାସଙ୍‌ବକେ ।

୩୪ ଜାଣ୍ଡେଃ ତଣ୍‌ ବିଏ ? କିସଟ ଜିସୁ ତ ଗୁଏକେ ବାରି ମେଁ ତଡିଆକେ ମେଁ ଇସ୍‌ପର୍‌ନେ ଇଂଚଙ୍‌ଡି ପାକା ଲେଃକେ । ମେଁ ତିର୍ ନେ ଆଡଲା ପାର୍‌ତନା ତିଙ୍‌ଡିଙ୍‌କେ ।

୩୫ କିସଟନେ ଆଲାଦ୍‌ବାନ୍ ଜାଣ୍ଡେ ବିନେ ଆଃତିଙ୍‌ଏ ? କି ଦୁକ୍, କି କସଟ, କି ନିନ୍‌, କି ମୁରତି, କି ନାଙ୍‌ଲା ଆତିଙ୍‌ନେ, କି ବିପଦ୍, କି କାଣ୍ଡା ?

୩୬ ସାସ୍‌ରନିଆ ଗୁଆର୍‌ବକେ

“ପେ ଆଡଲା ନେ ସାପା ଦିନା ଆରେ ନେତିଙ୍‌କେ;
ନେ ବାଗୁଏବକ୍ଲେ ମେଣ୍ଡା ରକମ୍ ନେଲେଃକେ ।”

୩୭ ତେଲାତିର୍ ଜା ଆନେକେ ଆଲାଦ୍ ତିଂଆର୍‌ତିଂକେ ମେଁବାନ୍ ନେ ଆକେନ୍ ସାପା ବିସୟ୍‌ରେ ସାପାଅରିଆ ଜିଡେ ନେତିଙ୍‌ ।

୩୮ ନେଇଁ ତିଲାଡ଼ିଗ ମ୍ୟାଃ କ୍ଲେଃକେ ଜେ ମେଁ ଆଲାଦ୍ ବାନ୍ ନେ ଅଃନା ଅଲ୍ଲଗା ନେଡ଼ିଙ୍ଗ୍ ଶ୍ଟୁ । ଗୁଏଃନେ ଲେଃ ଜିବନ୍ ତିଙ୍ଗ୍ନେ କିତଂ ଦୁଡ୍ ବାରି କିତଙ୍ଗ୍ ରାଜିନେ ମେଃଡ଼ିଗ୍ ନେତା ଲେଃ ବପୁ ଏବେ ଶ୍ଟୁଲ୍ଲା ତାନେବେଲା,

୩୯ ଆଡ଼ାତ୍ରାନେ ବିସୟ୍ ତିଙ୍ଗ୍ଲେ କି ବୁଦେନେ ବିସୟ୍ ତିଙ୍ଗ୍ଲେ କି ବିନ୍ ମେଃଡ଼ିଗ୍ ଆରେକ୍ଳେ ଜିନିସ୍ ନେନେ ମାପୁରୁ କିସ୍ତ ଜିସୁନେବାନ୍ ନାଲେଃକେ ଇସ୍ପରନେ ଆଲାଦ୍ବାନ୍ ଜା ଆନେକେ ଅଲ୍ଲଗା ଆଡ଼ିଙ୍ଗ୍ ଆୟା ଶ୍ଟୁ ।



ଇସ୍ପର ଆରି ମେଁନେ ରେମୁଆଁଇଙ୍ଗ୍

୧ ନିଂ ସଡ୍ ବାସଙ୍ଗ୍ଣିଂକେ, କ୍ରିସ୍ତୁନେ ତିଂକ୍ଲେଃକେସାଃ ନେଙ୍ଗ୍ନେ ଗରବେ ଅରିଆ ଜାବର୍ ଦୁକ୍ ବାରି କାଲାଆଃ ଦୁକା ତିଂଡ଼ିଙ୍ଗ୍କେ,

୨ ଆକେନ୍ ନେଙ୍ଗ୍ କିସ୍ତନେ ସାମ୍ନାଅରିଆ ସଡ୍ ବାଲିରୁଣ୍ଡିଂକେ ମିଡ୍ ବାସଙ୍ଗ୍ ନାଡ଼ିଙ୍ଗ୍କେ ନେଙ୍ଗ୍ନେ ବିବେକ୍ ପବିତ୍ର ଆମ୍ନାନେ ବପୁରେ ନେଙ୍ଗ୍ ଏଡେ ସାକି ବିଡ଼ିଙ୍ଗ୍କେ ।

୩ ଡାଗଲା ଜାଣ୍ଡେଇଂ ଗାଗଡ଼େ ଇସାବରେ ନେଙ୍ଗ୍ନେ ରେମୁଆଁଗଣ୍ଡ ଦେକ୍‌ରକମ୍ ନେଙ୍ଗ୍ନେ ବୟାଈଂ ଆଡ଼ଲା ନେଙ୍ଗ୍ ନିଜେ କିସ୍ତନେ ଡାଗରା ବାନ୍ ଅଲ୍ଲଗା ଲେଃଡେ ଅବିସାପ୍ ବାନ୍‌ସା ଇକ୍‌ଚା ମାଡ଼ିଙ୍ଗ୍ ।

୪ ମେଇଂ ତ ଇସ୍ରାଏଲ୍‌ନେ ଉଂଡେଇଂ ଗୌରବ୍ ନିୟମ୍ ଆଣ୍ଡେଙ୍ଗ୍ ନିୟମ୍ ବିନେ ପାର୍ତନା ତିଙ୍ଗ୍ନେ ବାରି ଆଦେସ୍ ଆଣ୍ଡେଙ୍ଗ୍ ମେଇଂନେ ।

୫ ଟ୍ରାଞ୍ଜାଇଂ ମେଇଂନେ ବାରି ଗାଗଡ଼େନେ ଇସାବରେ ମେଇଂନେବାନ୍ କିସ୍ତ ପାଙ୍ଗ୍ଲେଃକେ; ଆଡେନ୍ ସାପାନେ ଇସ୍ପର ଜୁଗ୍ ଜୁଗ୍ ଦନ୍ୟ ତିଙ୍ଗ୍ଲେ ଆମେନ୍ ।

୬ ମାଡର୍ ଇସ୍ପରନେ ବ୍ଲାଇର୍ ଜେ ସରାଃ ତିଙ୍ଗ୍ଲେଃକେ ଦେକ୍ ରକମ୍ ଶ୍ଟୁ ଡାଗଲା ଜାଣ୍ଡେଇଂ ଇଗ୍ରାୟେଲ୍ ବଂସନ୍ନିଆବାନ୍ ଜନମ୍ ପାଙ୍ଗ୍ଲେଃକେ ମେଇଂ ମେଃନେ ସାପାରେ ଇସ୍ରାଏଲ୍‌ନେ

୭ ବା ଅବ୍ରାହାମ୍‌ନେ ବଂସ ଡାଗଡେ ଜା ସାପାରେ ଗରିସିଆ ଆଡେନ୍ ଶ୍ଟୁ “ମାଡର୍ ଇସାକ୍ ଡାଗରା ନାନେ ବଂସ ଜନମ୍ ପାଙ୍ଗ୍‌ଏ ।”

୮ ଆକ୍ଲେନେ ଅରଡ୍ ତିଙ୍ଗ୍ଡିଙ୍ଗ୍କେ ରେମୁଆଁ ଉଙ୍ଗ୍ଡେ ତିଙ୍ଗ୍ଲେଲା ଇସ୍ପରନେ ଉଙ୍ଗ୍ଡେ ତିଙ୍ଗ୍ ଆୟା ଶ୍ଟୁ । ଇସ୍ପରନେ ପାର୍‌ମାନ୍

ଇସାବରେ ଜନମ୍ ତିଙ୍ଗଲେଃକ୍ସେ ଉଙ୍ଗ୍‌ଡେଇଁ ଇସ୍‌ପର୍ ସାମ୍‌ନାରେ ସତ୍ ଉଙ୍ଗ୍‌ଡେ ତାଗ୍‌ରେ ମ୍ୟାଃଆର୍‌ଏ ।

୯ ଇସ୍‌ପର୍ ଆକେନ୍ ପାର୍‌ମାନ୍ ତିଙ୍ଗ୍‌ବଗେ “ତିକ୍ ଆକେନ୍ ଆର୍‌କେ ନେ ନେଅଲେଙ୍ଗ୍‌ଏ ଆଡେନ୍‌ବେଲା ସାରାକେ ଗଡ଼େଅ ଜନମ୍ ତିଙ୍ଗଲେଃଏ ।”

୧୦ ବାରି ଅଃଡେନ୍ ଆଃ ଶୁ । ରିବିକାନେ ମ୍‌କାଲିଗ୍ ଉଙ୍ଗ୍‌ଡେ ମୁଇଁ ବାଡେ ଇସ୍‌ହାକ୍‌ବାନ୍ ଜନମ୍ ତିଙ୍ଗଲେଃଲା ତିଗ୍ ।

୧୧ ଆକ୍ଲେଇଁନେବାନ୍ ମୁଇଁ ଇସ୍‌ପର୍‌ନେ ଉଦେସ୍ ପୁରନ୍ ଆଃତିଁ ନ୍‌ସା ସ୍ତ୍ରିକେ । ମେଇଁ ଜନମ୍ ତିଙ୍ଗ୍‌କ୍ସେ ସିସେ ଜାଣ୍ଟେ କିଚି ସତ୍ ବା ଅସତ୍ କାମ୍ ତିଙ୍ଗ୍‌ନେ ସେନ୍‌ଗ୍ ଇସ୍‌ପର୍ ଆକେନ୍ ବାସଙ୍‌ବଗେ । ମେଇଁନେ କାମ୍ ତିଙ୍ଗ୍‌କ୍ସେ ରୁଟୁବାନ୍ ଶୁ ଟୁକେବଲ୍ ଇସ୍‌ପର୍ ଖାକ୍‌ବେବାନ୍ ମେଇଁ ମନନିଡ୍ ତିଙ୍ଗ୍‌ଆର୍‌କେ ।

୧୨ ଆଡେନ୍‌ସା ରିବିକାକେ ଇସ୍‌ପର୍ ବାଲିରକେ “ମ୍‌ଲ୍‌ବୟ୍‌ଆଁ ତାଆଁ ବୟ୍‌ନେ ସେବା ତିଙ୍ଗ୍‌ଏ ।”

୧୩ ସାସ୍ତ୍ରନେ ବ୍ଲାଲିର୍ ଇସାବରେ “ଜାକୁବକେ ନେ ଆଲାଦ୍ ନେତିଁକେ ମାତର୍ ଏଷୌକେ ଗୁର୍‌ନା ନେତିଙ୍ଗ୍‌କେ ।”

୧୪ ତେଲା ମେଃନେ ନେବାସଙ୍‌ଏ, “ଇସ୍‌ପର୍ ଅନ୍‌ମାୟ୍ ତିଙ୍ଗ୍‌ତିଙ୍ଗ୍‌କେ କି ?” ଅଃନା ଶୁ ।

୧୫ ମେଃଡାଗ୍‌ଲା ମେଁ ମୋଶାକେ ବାସଙ୍‌ବଗେ “ନେ ଆଜାକେ ଇକ୍‌ଟା ଆମେକେ ଅନ୍‌ଗୁଅ ନେତିଙ୍ଗ୍‌ଏ; ଆଜାକେ ଇକ୍‌ଟା ଆମେକେ ଦୟା ନେତିଙ୍ଗ୍‌ଏ ।”

୧୬ ତେସା ସାପା ବିସୟ୍ ଇସ୍‌ପର୍‌ନେ ଅନ୍‌ଗୁଅ ଆଡାତ୍ରା ଆସା ତିଁଆର୍‌ତିଁକ୍ସେ ରେମୁଆଁନେ ରାଜିରେ ବା କାମ୍ ଆଡାତ୍ରା ଶୁ ।

୧୭ ସାସ୍ତ୍ର ଇସାବରେ ଇସ୍‌ପର୍ ମିସର୍‌ନେ ଇଃସାଙ୍‌କେ ବାଲିରବଗେ “ନା ବାନ୍ ନେନେ ବପୁ ଆକେନ୍‌ସା ବାରି ସାପା ମଞ୍ଚୁପୁର୍‌ନ୍ନିଆ ନେନେ ମ୍‌ ମଇମା ତିଁଏ, ଆକେନ୍‌ସା ନେ ଆନାକେ ଇଃସାଙ୍‌ ଆତିଙ୍ଗ୍‌ନେବ ।”

୧୮ ଆଡେନ୍‌ସା ଇସ୍‌ପର୍‌ନେ ରାଜି ଇସାବରେ ମେଁ ଜା ଆଡାତ୍ରା ଦୟା ଆଃସୁଏଃଏ ବାରି ଆଜାକେ ତାଟ୍ ଆସୁଏନ୍‌ସା ଆନ୍ତାର୍ ବିଏ ।

ଇସ୍‌ପର୍‌ନେ ରିସା ବାରି ଦୟା

୧୯ ଯେ ବିତ୍ତରେବାନ୍ ଜାଣେଡ଼ିଗ୍ ଆନେଙ୍ଗକେ ବାସଙ୍ଗ ଯାଏ
“ଡେଡ଼ଲି ଇସ୍ପର୍ ମେସା ଆଜାକେ ଦସି ଆଡ଼ିଙ୍ଗ ? ଜା ମେଃନେ
ଇସ୍ପର୍ ବିରୁଦ୍ରେ ମେଃଡ଼ିଗ୍ ବାସଙ୍ଗ ଯାଏ ?”

୨୦ ମାତର୍ ବୟାଁଇଁ ଇସ୍ପର୍ନେ ସାମୁଆଁରେ କିରମର ଡ଼ିଙ୍ଗନେସା
ନା ଜାଣେ ? “ଆନେଙ୍ଗ ଦେଡ଼ରକମ୍ ମେସା ନାରାଃରେକେ” ଡାଗ୍ରେ
ମୁତାମୁଇଁ ମୁତା ଆଃରେଣ୍ଡେକେ ସାଲିଆକୁଗ୍ ଆୟା ଶୁ ।

୨୧ ତୁବକେ କୁମ୍ବାର୍ ନିଜର୍ ଇକ୍ତା ଇସାବ୍ରେ ବେବଆର୍ ଡ଼ିଙ୍ଗରେ
ମୁତା ଆରେନ୍ସା ମୁତା ଆରେନେ ପୁରାପୁରି ଅଦିକାର୍ ଲେଃକେ ।
ମୁଇଁ ରକମ୍ ତୁବଃ କିଡ଼ିଲଃବାନ୍ ମେଁ ମ୍ବାର୍ ରକମ୍ କୁଇଁ ଆରେ
ଇୟାଏ ମୁଇଁ ବଲ୍ ଦିନା ଆଣ୍ଡେଙ୍ଗସା ବାର୍ମୁଇଁ ସରାଃଦିନା କାମ୍
ଆଣ୍ଡେଙ୍ଗ୍ ଅରିଆ ବେବଆର୍ ଡ଼ିଙ୍ଗନେସା ।

୨୨ ଇସ୍ପର୍ ଡ଼ିଗ୍ ଟିକ୍ ଦେଡ଼ରକମ୍ ଡ଼ିଙ୍ଗବକେ । ମେଁ ଚାଏଁଡ଼ିଂଗେ,
ମେଁନେ ରିସା ଆସୁଏଃ ନସା ବାରି ଜିଡେନେ ଆସୁଏଃ ନସା । ମାତର୍
ଜାଣେ ମେଁନେ ରିସା ରେମୁଆଁ ଡ଼ିଙ୍ଗରେ ନସୁ ଡ଼ିଙ୍ଗନେ ଡ଼ିଲାଡ଼ିଗ୍
ଲେଃଗେ, ମେଇଁନେ ଆଡ଼ାଡ଼ା ଇସ୍ପର୍ ଜାବର୍ ଦୟାଦରମ୍
ଆଃସୁଏକେ ।

୨୩ ବାରି ମେଁ ମେଃନେ ଅଗ୍ଲେଟଗ୍ଲେ ଗୋରର୍ ଆକେନ୍ସା ଆନେକେ
ବିନ୍ ଅନୁଗ୍ରଅନେ କୁଇଁ ରକମ୍ ସିସେ ବାନ୍ ସିବଗେ ।

୨୪ ଜିହୁଦି ବାରି ବିଜାଡ଼ି ରେମୁଆଁଇଁନେ ବିତ୍ତରେ ମେଁ ଆନେକେ
ଝାବକେ ।

୨୫ ଆକେନ୍ ସମ୍ପର୍କରେ ହୋଶେୟ ବଇନ୍ନିଆ ଇସ୍ପର୍
ବାସଙ୍ଗବକେ:

“ଜାଣ୍ଡେଇଁ ନେନେ ରେମୁଆଁ ଆଲେଗେ;
ଆମେଇଁକେ ନିଜର୍ ରେମୁଆଁ ରକମ୍ ନେଝାଏ ।
ମୁଡ଼ି ଜାଡ଼ିକେ ନେ ଆଲାଦ୍ ଡ଼ିନେଃଡ଼ିଙ୍ଗେ ଶୁ
ଆମେକେ ନେନେ ବୟାଁ ଡାଗ୍ରେ ନେବାସଙ୍ଗଏ ।

୨୬ ଆଣ୍ଡିନେ ଜାଗା ଅରିଆ ଆମେଇଁକେ ବାଲିର୍ନେବଗେ ‘ପେ
ନେନେ ରେମୁଆଁ ଶୁ’
ଆଡ଼ଅରିଆ ମେଇଁ ଜିବନ୍ ଇସ୍ପର୍ନେ ଉଙ୍ଗଡେ ଡାଗ୍ରେ
ବାସଙ୍ଗଆର୍ଏ ।”

୨୭ ବାରି ଇସ୍ରାଏଲ ସମ୍ପର୍କରେ ଯିଶାଇୟ ବାଲିରବଗେ “ଜଦି ତିଜ୍ଞଏ ଇଶ୍ରାୟେଲ୍‌ଇଂ ମ୍ମା କେଣ୍ଡିଆନେ ବାଲି ରକମ୍ ଏଜା ଆତିଜ୍ଞ ଶ୍ମୁ ମେଇଂନେବାନ୍ ଗଣ୍ଡା ଉଡ଼ିରୁଆ ମାତର୍ ପରିତ୍ରାନ୍ ବା ଆର୍ଏ ।

୨୮ ମେଃଡାଗ୍‌ଲା ମାପୁରୁ ଜିଆଜିଆ ମଞ୍ଜୁପୁରନ୍ନିଆ ପୁରାପୁରି ନ୍ୟାୟ ବିଚାର୍ ତିଜ୍ଞଏ ।”

୨୯ ତିତିରକମ୍ ଯିଶାଇୟ ଅଃସେ ବାସଙ୍‌ବଗେ, “ସାପାଟୁ ବପୁରେ ମାପୁରୁ ନେନେ ଉଡ଼ିରୁଆ ବ୍‌ସ୍‌କୁଲ୍‌କେ ରକ୍ୟା ତିଜ୍ଞଆବଗେ ନେନେ ଅବସ୍ତା ସଦୋମ ବାରି ଗମୋରାନେ ରେମୁଆଁଇଂ ରକମ୍ ପାତିଜ୍ଞଆର୍ ।”

ଇଶ୍ରାୟେଲ୍ ନ୍ୟା ପାଉଲ୍‌ନେ ପାର୍‌ତନା

୩୦ ତେସା ବିଜାତି ରେମୁଆଁଇଂନେ ବିସୟରେ ଆକେନ୍ ବାସଙ୍‌ ଯାତିଜ୍ଞଏ ମେଇଂ ଦାର୍‌ମିକ୍ ତିଜ୍ଞସା ଚେସ୍‌ଟା ତିଜ୍ଞ ଆତିଜ୍ଞଆରଗେ ମାତର୍ ମେଇଂନେ ବିସ୍‌ବାସ୍ ନ୍ୟା ଦାର୍‌ମିକ୍ ତିଜ୍ଞ ଯାଆରକେ ।

୩୧ ମାତର୍ ଜିଉଦିଇଂ ନିୟମ୍ ବାନ୍ ଦାର୍‌ମିକ୍ ତିଜ୍ଞନେସା ଚେସ୍‌ଟା ତିଜ୍ଞଚେ ସରା ତିଜ୍ଞଲେଃଆରକେ ।

୩୨ ଆକ୍ଳେନେ କାରନ୍ ତିଜ୍ଞତିଜ୍ଞକେ ମେଇଂ ନିଜର୍ ଚେସ୍‌ଟା ଆଡାଡା ଆସା ତିଜ୍ଞଆରତିଜ୍ଞେ ବିସ୍‌ବାସ୍ ଆଡାଡା ଶ୍ମୁ । ଆତେନ୍‌ସା ମେଇଂ କସ୍‌ଟ ବିତିଜ୍ଞକ୍ଳେ ବ୍ରି ଅରିଆ ଚିନା ବାନାଚେ ଟେପ୍ଲଃ ଲଃଆରକେ ।

୩୩ ସାସ୍‌ପୁରନ୍‌ଆ ତିତିରକମ୍ ଗୁଆରବକେ:

“କେଲାପା ନେ ସିୟନ ଆଡାଡା ମୁଇଂ ବ୍ରି ବାରି ମୁଇଂ ପ୍‌ଡାର୍‌ବିର୍ ଆରେନେବକେ ।

ଆଡ୍‌ଅରିଆ ଚିନା ବାନାଚେ ରେମୁଆଁଇଞ୍ଜ ଟେପ୍ଲଃ ଲଃଆର୍ଏ ।

ମାତର୍ ବିସ୍‌ବାସ୍ ରେମୁଆଁଇଂ ନିରାସ୍ ଆତିଜ୍ଞଆର୍ ଶ୍ମୁ”

୧୦

୧ ଅ ବୟ୍‌ ତନାଇଂ ନେଜ୍ ନିଜର୍ ଜାତିନେ ରେମୁଆଁ ଉଦାର୍ ବାଆରଲେ ଆକେନ୍ ନେଜ୍‌ନେ ଗର୍‌ବେନେ ଇକ୍‌ଟା ବାରି ଇସ୍‌ପର୍ ଡାଗ୍‌ରା ଆକେନ୍ ନେଜ୍‌ନେ ମୁଇଂ ପାର୍‌ତନା ।

୨ ଇସ୍‌ପର୍ ଆଡାଡା ମେଇଂନେ ଜାବର୍ ବକ୍‌ତି ଲେଃକେ ମାତର୍ ଆତେନ୍ ବକ୍‌ତି ସଡ୍ ଗିଆନ୍ ଆଡାଡା ଆରାରେକେ ଶ୍ମୁ ।

୩ ରେମୁଆଁନେ ଦାର୍ମିକ୍ ରକମ୍ ଗ୍ରଥନ୍ ତିଙ୍ଗ୍ନେସା ଇସ୍ପର୍ ଆରେବକ୍ ଉପାୟ୍ ତଙ୍ଗାର୍ ମାରାତିଙ୍ଗ୍ତେ ମେଇଁ ଦାର୍ମିକ୍ ତିଙ୍ଗ୍ନେସା ନିଜେନେ ଗାଲିପାକା ଅଲେଙ୍ଗ୍ ତିଆରକେ । ତେସା ମେଇଁ ଇସ୍ପର୍ନେ ଆତେନ୍ ଗାଲିକେ ଆନ୍ତାର୍ ବିବଆରକେ ।

୪ କିସ୍ତ ଆଃ ନିୟମ୍ନେ ସାପା କିଚି ମୁଇଁ ମେଁଡାଗ୍ରା ବିସ୍ବାସ୍ ତିଙ୍ଗ୍ନେବାନ୍ ରେମୁଆଁ ଇସ୍ପର୍ନେ ଡାଗ୍ରା ଦାର୍ମିକ୍ ଡାଗ୍ତେ ଆଃକେପା ।

ସାପାରେ ନ୍‌ସା ଉଦାର୍

୫ ନିୟମ୍ ପାଲେନେବାନ୍ ଦାର୍ମିକ୍ ତିଙ୍ଗ୍ନେ ବିସ୍ପର୍ରେ ମୋଶା ଗୁଆରବକେ: “ଜାଣ୍ଟେଇଁ ଇସ୍ପର୍ନେ ଆଦେସ୍ ପାଲେ ଆର୍ଡିଙ୍ଗ୍‌କେ ମେଇଁ ବୁଆ ଆରଏ ।”

୬ ମାତର୍ ବିସ୍ବାସ୍ ଏତେ ଦାର୍ମିକ୍ ଆକେନ୍ ବିସ୍ପର୍ରେ ସାସ୍ତ୍ରଅରିଆ ଗୁଆରବକେ “ଜା କିତଂଇନି ତେଃଏ ? କିସ୍ତକେ ଆଲ ରାଙ୍ଗ୍‌ଜାର୍ ନ୍‌ସା ପେ ଆକେନ୍ ପ୍ରସ୍‌ନ୍ ତିଙ୍ଗ୍ନେ ବଲ୍ ଶୁ ।

୭ ବାରି ଜା ପାତାଲ୍‌ପୁର୍ ଝେଏ ? କିସ୍ତକେ ଆଃତଡ଼୍ୟାତେ ତୁଙ୍ଗ୍‌ପାଙ୍ଗ୍ ନ୍‌ସା ଆକେନ୍ ସାମୁଆଁ ତିଗ୍ ପେ ସାଲିଆକୁନେ କିଚି ଦରକାର୍ ଶୁ ।”

୮ ମେଃଡାଗ୍ରା ସାସ୍ତ୍ର ଇସାବ୍‌ରେ “ଇସ୍ପର୍ନେ ବ୍ଲାଇର୍ ନା ଡାଗ୍ରା ନା ତୁମୁଆଃ ବାରି ଉର୍ଦେନ୍ନିଆ ଲେଃକେ ।” ବିସ୍ବାସ୍ ବିସ୍ପର୍ରେ ଆକେନ୍ ବ୍ଲାଇର୍ ଆଃ ନେ ବାସଙ୍ଗ୍‌ନେତିଙ୍ଗ୍‌କେ ।

୯ ଜଦି ଜିସୁକେ ମାପ୍‌ରୁ ଡାଗ୍‌ତେ ତୁମୁଆଃନ୍ନିଆ ପେବାସଙ୍ଗ୍‌ଏ ବାରି ଇସ୍ପର୍ ଆମେକେ ଗୁଏକ୍‌ବାନ୍ ଆଃତଡ଼୍ୟା ବକେ ଡାଗ୍‌ତେ ଉର୍ଦେ ଅରିଆ ବିସ୍ବାସ୍ ତିଙ୍ଗ୍‌ପା ତେଲା ପେ ଉଦାର୍ ପେବାଏ ।

୧୦ ବିସ୍ବାସ୍ ଏତେ ନେ ଇସ୍ପର୍ନେ ସାମ୍‌ନାରେ ଦାର୍ମିକ୍ ଡାଗ୍‌ତେ ଆକେତିଙ୍ଗ୍‌ଏ ବାରି ତୁମୁଆଃନ୍ନିଆ ବାସଙ୍ଗ୍‌ନେବାନ୍ ନେ ଉଦାର୍ ବାନ୍‌ନେୟାଏ ।

୧୧ ସାସ୍ତ୍ର ଇସାବ୍‌ରେ “ମେଁ ଡାଗ୍ରା ବିସ୍ବାସ୍ ତିଙ୍ଗ୍‌ତେ ଜା ତିଗ୍ ଗିଆସ୍ ଆତିଙ୍ଗ୍ ଶୁ ।”

୧୨ ମେଃଡିଗ୍ ବେଦ୍‌ବାବ୍ ମାଲେଃତେ ଆକେନ୍ ସାମୁଆଁ ଜିହୁଦି ଅଣଜିଉଦି ସାପାରେ ନ୍‌ସା ଦରକାର୍ । କେବଲ୍ ଇସ୍ପର୍

ସାପାରେନେ ମାପୁରୁ । ଜାଣ୍ଡେଇଁ ମେଇଁନେ ସାଇଜ୍ୟ ପାର୍ତନା
ଡିଙ୍ଗୁଆରୁଏ ଆମେଇଁକେ ମେଁ ଜାବରୁ ଆସିରବାଦ୍ ଡିଙ୍ଗୁଏ ।

୧୩ “ଜା ଡିଗ୍ ମାପୁରୁ ମୁଁରେ ପାର୍ତନା ଡିଙ୍ଗୁଏ ମେଁ ଉଦାର ବାଏ ।”

୧୪ ମାତରୁ ମେଁ ଡାଗୁରା ବିସ୍‌ବାସ୍ ମାଡିଙ୍ଗୁତେ ମେଇଙ୍ଗୁ ଡିରକମ୍
ଆମେକେ ପାର୍ତନା ଡିଙ୍ଗୁଏ ? ବାରି ମେଁ ବିସ୍‌ୟରେ ମାପୁରୁ ସାମୁଆଁ
ମାଡିଗ୍‌ତେ ମେଇଙ୍ଗୁ ଡିରକମ୍ ବିସ୍‌ବାସ୍ ଡିଙ୍ଗୁଆରୁଏ ? ବାରି ବାସଙ୍ଗୁ
ଆଅଲେଙ୍ଗୁଲା ଆତେନ୍ ବ୍ଲାଲିର୍ ମେଇଁ ଡିରକମ୍ ଅଁ ଆରୁଏ ?

୧୫ ବାରି ବାସଙ୍ଗୁ ଅଲେଙ୍ଗୁନେସା ମୁଇଙ୍ଗୁଡା ବାସଙ୍ଗୁ ଅଲେଙ୍ଗୁଏ
ଡିରକମ୍ ? ଏନ୍ ବିସ୍‌ୟରେ ସାସ୍‌ରନ୍ନିଆ ଗୁଆରୁବକେ: “ମାପୁରୁ
ସାମୁଆଁ ବାସଙ୍ଗୁ ଅଲେଙ୍ଗୁଣ୍ଡେନେ ମାପୁରୁ ଏତେ ଝେନେ ଉଡ଼ି
ମ୍ଲେଡ଼୍ୟାନେ ସାମୁଆଁ !”

୧୬ ମାତରୁ ସାପାରେ ଆତେନ୍ ମାପୁରୁନେ ସାମୁଆଁକେ ଆସା ଆର୍
। ଆତେନ୍‌ସା ଯିଶାଇୟ ଗୁଆରୁବକେ “ମାପୁରୁ ନେ ବ୍ଲାଲିର୍ ଦ୍ରିଗ୍‌ତେ
ଜା ବିସ୍‌ବାସ୍ ଡିଙ୍ଗୁଲେଃକେ ?”

୧୭ ମାପୁରୁ ସାମୁଆଁ ଦ୍ରିଗ୍‌ନେବାନ୍ ବିସ୍‌ବାସ୍ ପାଙ୍ଗୁଏ ବାରି କିସ୍‌ଟନେ
ସାମୁଆଁକେ ବାସଙ୍ଗୁନେ ଆଃ ଆତେନ୍ ନିମାଣ୍ଡାସାମୁଆଁ ।

୧୮ ନେଙ୍ଗୁ ନ୍‌ସେଲ୍ୟାଃକୁଏ:

ମେଇଁ ମେଃନେ ଆତେନ୍ ବ୍ଲାଲିର୍ ଆଅଁଆରୁକେ ? ଡିଲାଡିଗ୍ ଅଁ
ଲେଃଆରୁକେ ମେଃଡାଗୁଲା ସାସ୍‌ରନ୍ନିଆ ଗୁଆରୁବକେ:

“ମେଇଁନେ ସାମୁଆଁ ମଞ୍ଚୁପୁର୍ ସାରା ଉଡ଼ା ଡିଙ୍ଗୁଲେଃକେ
ମେଇଁନେ ସାମୁଆଁ ମଞ୍ଚୁପୁର୍‌ନେ ସାରାସାରି ଜାକ ଅଁ
ଲେଃଆରୁକେ ।”

୧୯ ବାରି ମୁଇଁତରୁ ନେଙ୍ଗୁ ନ୍‌ସାଲିକ୍‌କୁଗ୍‌କେ:

ଇସ୍ରାଏଲ୍ ରେମୁଆଁଇଁ ମେଃନେ ଆତେନ୍ ଆଡ୍ରିଗ୍ ଆରୁକେ ?

ଜାବରୁ ଅଃସେବାନ୍ ମୋଶା ଆକେନ୍‌ନେ ଉତରୁ ବିତେ
ଗୁଆରୁବକେ:

“ନେ ରେମୁଆଁକେ ଗିସେ ଆଡିଙ୍ଗୁନେସା ମୁଇଁ ମାମ୍ୟାଃନେ କୁଟୁମ୍‌କେ
ବେବଆରୁ ନେଡିଙ୍ଗୁଏ ।

ଦେଡ଼ରକମ୍ ମୁଇଁ ମୁରକ କୁଟୁମ୍ ଏତେ ଆମେଇଁକେ ରିସା
ନେରାଃଡିଂଏ ।”

୨୦ ଯିଶାୟାସ୍ ବାରମୁଇଁତର ସାହାସ୍ ଏତେ ବାଲିରବକେ
 “ଆନେକେ ତୁର ଆଅଲେଙ୍ଗ୍ରେ ରେମୁଆଁଇଁ ନେନେ କବର
 ବାଲିରକେ;
 ଜାଣ୍ଡେଇଁ ଆନେକେ ତୁର ଆଅଲେଙ୍ଗ୍ରେକେ ମେଇଁନେ ତାଗ୍ରା
 ନେ ନେରାନ୍ତାକେ ।”

୨୧ ମାତର ଇସ୍ରାଏଲ୍ ରେମୁଆଁଇଁନେ ବିସୟରେ ମେଁ ବାସଙ୍ଗମ୍ୟାକେ:
 “ମୁଇଁ ଅମାନି ଓଁଙ୍ଗ୍ଆ ରିଙ୍ଗ୍ଆ ଜାତିକେ ନେ କାଲାଆଃ ତ୍ରି ଆଲ୍ଲେଚେ
 ଖା ନେଡିଙ୍ଗ୍ରେକେ ।”

୧୧

ଇସ୍ରାଏଲ୍‌ଶ୍ରେଇଁନେ ଆଡ଼ାଡ଼ା ଇସ୍ପରନେ ଦୟା

୧ ନେଙ୍ଗ୍ ବାରି ସାଲ୍ୟାକୁର୍ ଇୟାଏ, “ତେଲା ମେଃନେ ଇସ୍ପର
 ମେଃନେ ନିଜର ରେମୁଆଁଶ୍ରେଇଁକେ ମନା ତିଙ୍ଗ୍ବକେ ? ଅଃନା ଶୁ
 ! ନେଙ୍ଗ୍ ନିଜେ ମୁଇଁ ଇସ୍ରାଏଲ୍‌ନେ ରେମୁଆଁ ଅବ୍ରାହାମ୍‌ନେ କୁଲ୍‌ବିସ୍
 ବାରି ବେଞ୍ଜାମିନ କୁଲ୍‌ବାନ୍ ଜନମ୍ ତିଙ୍ଗ୍ନାଲେଃକେ ।

୨ ଇସ୍ପର ସିସେବାନ୍ ସିବକ୍ରେ ମେଁନେ ରେମୁଆଁଇଁକେ ଅଃନାଡିଗ୍
 ମନା ଆଡିଙ୍ଗ୍ରେକେ ଶୁ । ପେ ସାସ୍ତର ଅରିଆ ଲଃପେଲେଃକେ
 ତିଡିରକମ୍ ଏଲୀୟ ଇସ୍ପର ତାଗ୍ରା ଇସ୍ରାଏଲ୍ ରେମୁଆଁଇଁନେ
 ବିରଦ୍‌ରେ ନିୟା ତିଙ୍ଗ୍ରେ ବାଲିରବଗେ ।”

୩ “ମାପ୍‌ରୁ ମେଇଁ ନାନେ ବାବବାଦି ରେମୁଆଁଇଁକେ ବାଗୁଏ
 ବଆରକେ ବାରି ନାନେ ପୁଜା କୁଣ୍ଡୁଇଁ ପାକ୍ତି ବଆରକେ । ମାତର
 ନେଙ୍ଗ୍‌ଆ ତ ନ୍ଲେଃକେ ଆନେଙ୍ଗ୍ ତିଗ୍ ବାଗୁଏଃ ବିଃନ୍‌ସା ମେଇଁ
 ଚେସ୍‌ଟା ତିଙ୍ଗ୍‌ଆରୁଡିଁକେ ।”

୪ ଇସ୍ପର ଏଲିୟକେ ଉତର ବିଃବଗେ “ବଣ୍ଡ ଦେବ୍‌ତା ବାଲ୍
 ମୁରଡିକେ ପୁଜା ତିଙ୍ଗ୍‌ଆଲେଙ୍ଗ୍ରେ ଗୁ ଅଜାର ରେମୁଆଁଇଁକେ ନେ
 ଆଡିଲା ନେବକେ ।”

୫ ଏବେ ଟିକ୍ ଦେଡିରକମ୍ ଗଟେ ଲେଃକେ । ଇସ୍ପର ଦୟା
 ତିଙ୍ଗ୍ରେ ଜାଣ୍ଡେଇଁକେ ସିବଗେ ମେଇଁନେ ବାନ୍ ଗଣ୍ଡା ଉଡିରୁଆ
 ଲୁଆଁ ଲେଃକେ ।

୬ ଇସ୍ରାଏଲ ଆମେଇଁକେ ସ୍ତ୍ରୀବେ ନିଜେନେ ଦୟା ନୂସା । ଜଦି
 ମେଇଁନେ ସତ୍ କାମ୍ ନୂସା ଇସ୍ରାଏଲ ଆମେଇଁକେ ସ୍ତ୍ରୀପାବ ମେଇଁନେ
 ଦୟା ସତ୍ ଦୟା ଆଡ଼ିଙ୍ଗ୍ ପାଡ଼ିଙ୍ଗ୍ ।

୭ ତେଲା ମେଁ ତିଙ୍ଗ୍‌ଗେ ? ଇସ୍ରାଏଲ୍ ରେମୁଆଁଇଁ ମେଃନେ
 ତୁରଡ଼ିଙ୍ଗ୍‌ଆରୁଗେ ଆଡେନ୍ ଆଅବାଆରୁକେ ଶୁ । ମାତର୍ ଇସ୍ରାଏଲ୍
 ସ୍ତ୍ରୀବେ ମୁଇଁ ଆଃ ତାଆଁ ଦଲ୍ ମେଃନେ କବର୍ ବାକେ । ବିନ୍‌ରେ ଜା
 ଇସ୍ରାଏଲ୍ ଖାକ୍ ଆଡ଼ାବାନ୍ ଆଅଁ ଆରୁକେ ।

୮ ସାସୁରନେ ବ୍ଲାଲିର୍ ଇସ୍ରାଏଲ୍‌ରେ “ସତ୍ ରକମ୍ ଇସ୍ରାଏଲ୍ ମେଇଁନେ
 ମନ୍ ବାରି ରୁଦୟକେ ଆମିସୁବକେ । ଏ ଜାକ ମେଇଁ ମେଃନେ କିକେ
 ତିଆରୁକେ ଲେଃ ଦ୍ରିଗ୍ ଯାଡ଼ିଙ୍ଗ୍‌କେ ।”

୯ ମେଇଁନେ ବିସୟରେ ଦାଉଦ୍ ଗୁଆରୁବକେ:

“ମେଇଁ ଚଙ୍ଗ୍‌ଉଗ୍ ବେଲା ପାୟଅରିଆ ଲଃଆରୁଲେ ।
 ଲଡେଃରେ ତଣ୍ଟ ବାଆରୁଲେ ।

୧୦ ମେଇଁ ମୁଆଁଃ କାନା ତିଙ୍ଗ୍‌ରେ ମେଃଡ଼ିଗ୍ କିକେ ଆୟାଆରୁଲେ ।
 କାଲାଆଃ ଦୁକ୍ କସ୍‌ଟ ବା ବାଚେ ମେଇଁନେ ନୂସାଃ କୁପ୍‌ଡ଼
 ତିଙ୍ଗ୍‌ଲେ ।”

୧୧ ତେଲା ନେଙ୍ଗ୍ ସାଲିଆକୁ ଶ୍ରିଙ୍ଗ୍‌କେ: ଜିଉଦିଇଁ ଟେପୁଃ ଲଃରେ
 ମେଁନେ ନସ୍ ତିଙ୍ଗ୍‌ଆରୁତିକେ ? ଅଃନା ଶୁ । ମେଇଁ ପାୟ ତିଙ୍ଗ୍‌ବଲା
 ଆମେଇଁକେ ଇକ୍‌ଟା ଆଡ଼ିଙ୍ଗ୍ ନୂସା ବିଜାତି ରେମୁଆଁଇଁକେ ଉଦାର୍
 ବାନେ ଅଦିକାରି ବିଆରୁକେ ।

୧୨ ଜିଉଦି ରେମୁଆଁଇଁନେ ପାୟ ମଞ୍ଚପୁରନେ ବିନ୍ ସାପାରେନେ
 ନୂସା ଜାବର୍ ଆସିରବାଦ୍ ତୁଙ୍ଗ୍‌ପାଙ୍ଗ୍‌ବକେ । ଜିଉଦି ରେମୁଆଁଇଁନେ
 ଆଦ୍ୟାମିକରେ ଗରିବ୍ ନୂସା ବିଜାତି ରେମୁଆଁଇଁ ଆସିରବାଦ୍ ବାନେ
 ଗୁଲେ ବାବ୍‌ରେ ଲାବ୍ ତିଙ୍ଗ୍‌ବଆରୁକେ । ଜଦି ସାପା ଜିହୁଦି କୁଟୁମ୍
 ରକ୍ୟା ବାଆରୁଏ ତେଲା ଆଡ଼ବା ବାରି ଉଡ଼ି ଗୁଏ ଆସିରବାଦ୍ ଆମିଲେ
 ?

ଅଣଜିଉଦି ରେମୁଆଁଇଁନେ ଉଦାର୍

୧୩ ବିଜାତି ରେମୁଆଁଇଁକେ ନେଙ୍ଗ୍ ମ୍ବାସଙ୍ଗ୍‌ଏ, ପେ ଆଡ଼ଲା ପ୍ରେରିଡ଼
 ସିସ୍ ରକମ୍ ତିଙ୍ଗ୍‌ନେସା ନେଙ୍ଗ୍ ଗରିବ୍ ମନେ ତିଙ୍ଗ୍‌ଶ୍ରିଙ୍ଗ୍‌କେ ।

୧୪ ଏନ୍ ବାନ୍ ଜଦି ନେଙ୍ଗ କୁରୁମ୍ ରେମୁଆଁଲକେ ଇକ୍ରା ଆଡ଼ିଙ୍ଗ୍ରେ ଫେଇଁନେ ବାନ୍ ଉଡ଼ିରୁଆକେ ରକ୍ୟା ତିଙ୍ଗ୍ ଇୟାଏ ।

୧୫ ଡାଗ୍ଲା ଫେଇଁ ଆନ୍ତାରକ୍ଲେବାନ୍ ଇସ୍ପର୍ ଏତେ ସାପା ରେମୁଆଁ ଜାତିନେ କୁରୁମ୍ ତିଙ୍ଗ୍ଲେଃକେ । ତେଲା ଇସ୍ପର୍ ସାପା ଜିହୁଦି କୁରୁମ୍ କେ ଗ୍ରାଅନ୍ ତିଙ୍ଗ୍ଏ, ମେଁନେ ଆଡାଡା ମେଃନେ ତିଙ୍ଗ୍ଏ ? ଆତେନ୍ ତିଙ୍ଗ୍ଏ ଗୁଏକ୍ଲେ ରେମୁଆଁ ମୁନେ ରକମ୍ ।

୧୬ ଆରି ଜଦି ପରତୁମ୍ ଇସ୍ପର୍ ନସା ଅପେଃକ୍ଲେ ବାଗ୍ ପବିତ୍ର, ତେଡଲା ସାପା ଅଟା ତିଗ୍ ପବିତ୍ର; ବାରି, ଜଦି ଚେର୍ ପବିତ୍ର, ତେଲା କେନ୍ଦା ସାପା ତିଗ୍ ପବିତ୍ର ।

୧୭ ମାତର୍ ଜଦି ଉଡ଼ିକ୍ଲିଗ୍ କେନ୍ଦା ଚିନ୍ ତିଁକେ ଆରି ପେ କଣ୍ଡା ଜନ୍ତୁ ଜିତ ସ୍ଲାଃନେ କେନ୍ଦା ପେଡିଲା ତିଗ୍ ଆତେନ୍ ସାପା ବିତ୍ରେ ଜଡନ୍ ନେଡିକେ, ବାରି ମେଇଁନେ ଏତେ ଜିତ ସ୍ଲାଃ ବୁନ୍ଦନେ ରସ୍ ତିଁକେ ।

୧୮ ତେସା ପେ ଚିନା ଆଡ଼ିଙ୍ଗ୍ବକ୍ଲେ କେନ୍ଦାଲକେ ସରା ଡାଗ୍ରେ ଆବାବେଗ୍ପା । ପେ ମେଁସା ଗର୍ବ୍ ପେଡିଙ୍ଗ୍ଏ ? ପେ ତ ମୁଇଙ୍ଗ୍ କେନ୍ଦା, ସ୍ଲାନେ ଚେର୍କେ ପେ ଜଡନ୍ ତିଙ୍ଗ୍ପେଡିଙ୍ଗ୍କେ ଶ୍ଟୁ ଉଲ୍ଟା ଚେର୍ ଆପେକେ ଗାଗ୍ଡେ ଆଡ଼ିଙ୍ଗ୍ଡିଙ୍ଗ୍କେ ।

୧୯ ପେ ବାସଙ୍ଗ୍ ପେୟାଏ, “ଅଃଅଁ, ମାତର୍ ଆନେଙ୍ଗ୍ ଜାଗା ବିନ୍ସା ତ ଆତେନ୍ କେନ୍ଦାଲକେ ଚିନା ଆଡ଼ିଙ୍ଗ୍ବଗେ !”

୨୦ ଆତେନ୍ ସଡ୍ । ମେଇଁ ବିସ୍ବାସ୍ ଆଡ଼ିଙ୍ଗ୍କେସା ଚିନା ତିଙ୍ଗ୍ଆରକେ ପେ ମାତର୍ ବିସ୍ବାସ୍ରେ ଆତେନ୍ ଜାଗା ଅଦିକାର୍ ତିଙ୍ଗ୍ପେବକେ । ମାତର୍ ଗର୍ବ୍ ମାଡ଼ିଙ୍ଗ୍ରେ ବୁଟପା ।

୨୧ ଜଦି ସ୍ଲାନେ କେନ୍ଦା ରକମ୍ ଜିହୁଦି ରେମୁଆଁଲକେ ଇସ୍ପର୍ ତଣ୍ଡୁ ମାବିଚେ ଆନ୍ତାର୍ ଆବିକେ ଶ୍ଟୁ ଆପେକେ ମେଃନେ ମେଁ ଆନ୍ତାରବିଏ ?

୨୨ ଆକ୍ଅରିଆ କିକେ କେଲାପା ଇସ୍ପର୍ ତିରକମ୍ ଲିବିସଃ ବାରି ଡାଗ୍ ତିଗ୍ । ଜାଣ୍ଡେଇଁନେ ମେଁବାନ୍ ସୁଲ୍ ଝେଲେ ଆକେଁ ମେଇଁନେ ଆଡାଡା ମେଁ ସମାନ୍; ମାତର୍ ପେ ଆଡାଡା ମେଁ ଦୟା ଉଡ଼ିଦିନା ଜାକ ପେ ମେଃନେ ଦୟାରେ ପେଲେଃ । ମେଃନେ ଦୟା ବାନ୍ ସୁପେଝେଗେ ଡାଗ୍ଲା ପେ ତିଗ୍ ଜଡକଡ୍ ତିଙ୍ଗ୍ପେଝେଏ ।

୨୩ ଜିଦି ଜିଉଦିଇଁ ମେଇଁନେ ବିସ୍‌ବାସ୍ ସ୍ତୁ ଆଡ଼ିଙ୍ଗ୍‌ଆରକେ ତେଲା ମେଇଁ ନିଜର୍ ଜାଗାଅରିଆ ଆରେ ଆର୍‌ଏ । ଆକେନ୍ ଆଡ଼ିଙ୍ଗ୍‌ନେସା ଇସ୍‌ପରନେ ରାଜି ଡ଼ିଙ୍ଗ୍‌ଏ ।

୨୪ ବିଜାତି ରେମୁଆଁଇଁ କଣ୍ଡା ସ୍ତାନେ କେନ୍ଦା ରକମ୍ । ଅଃତେନ୍ ତିନତତର୍ ଡ଼ିଙ୍ଗ୍‌ଚେ ଅସୁନ୍‌ର୍ ବାବ୍‌ରେ ତୁଗ୍‌ତିନେ ଜଡ଼ନରେ ଲେଃକ୍‌କେ ଜିତ ସ୍ତା ଏତେ ଆଃମିସୁ ବକେ । ଜିଉଦି ଜାତି ବଗିଚାନେ ଜଡ଼ନରେ ଲେଃକ୍‌କେ ଜିତ ସ୍ତା ରକମ୍ । ଆକେନ୍ ସ୍ତାନେ ତିନ କେନ୍ଦାଇଁକେ ବାବ୍‌ମୁଇଁତର୍ ସ୍ତା ଏତେ ଆକୁଡ଼େ ନ୍‌ସା ଇସ୍‌ପର୍ ବାନ୍ ସଅଜ୍ ।

ସାପାରେ ଆଡ଼ାଡ଼ା ଇସ୍‌ପରନେ ଦୟା

୨୫ ଅ ତନା ବୟାଁଇଁ ଆକେନ୍ ବିସ୍‌ୟରେ ମୁଇଁ ବୁଡ଼ିକ୍‌କେ ସଡ଼ ବାସଙ୍‌ଣ୍‌କେ । ଆତାନ୍ ଅଁଲା ପେ ନିଜେକେ ବାରି ଜାନି ଡାଗ୍‌ଚେ ବାବେ ପେୟା ଶୁ । ଇସ୍ରାଏଲ୍ ରେମୁଆଁଇଁନେ ଅମାନି କାଲାଆଃ ନ୍‌ସା ଆଲେଃ ଶୁ । ବିଜାତି ରେମୁଆଁଇଁ ସାପାରେ ଇସ୍‌ପର୍ ଡାଗ୍‌ଚା ପାଙ୍ଗ୍ ଜାକ ମେଇଁ ଦେଡ଼ରକମ୍ ଲେଃଆର୍‌ଏ ।

୨୬ ତେନ୍ ଇଡ଼ିଙ୍ଗ୍ ଇସ୍ରାଏଲ୍ ରେମୁଆଁଇଁ ସାପାରେ ଆକେନ୍ ସାସ୍‌ପରନେ ଇସାବ୍‌ରେ ରକ୍ୟା ବାଆର୍‌ଏ ।

“ତ୍ରାଣକର୍ତ୍ତା ସିୟନ ଆଡ଼ା ପାଙ୍ଗ୍‌ଏ;

ଜାକୁବ୍ କୁଲ୍ ବଂସଇଁନେବାନ୍ ସାପା ଅଦର୍ମ୍ ସୁଲ୍ ଆଡ଼ିଙ୍ଗ୍‌ଏ ।

୨୭ ମେଇଁନେ ଅଦର୍ମ୍ ସ୍ତୁ ଆଡ଼ିଙ୍ଗ୍‌ନେ ବେଲା

ମେଇଁ ଏତେ ଆକେନ୍ ନିଅମ୍ ନେଡ଼ିଙ୍ଗ୍‌ଏ ।”

୨୮ ପେନେ ନିମାଣ୍ଡା ନ୍‌ସା ଜିଉଦିଇଁ ମାପ୍‌ରୁ ସାମୁଆଁକେ ଆନ୍ତାର୍‌ଚେ ଇସ୍‌ପରନେ ସତୁ ଡ଼ିଙ୍ଗ୍‌ଲେଃଆରକେ । ମାତର୍ ଇସ୍‌ପରନେ ବାନ୍ ନ୍‌ସିକ୍‌କେବାନ୍ ବାରି ମେଇଁନେ ଗ୍ରାଞ୍ଜାଇଁସା ମେଇଁ ଇସ୍‌ପରନେ ସାଙ୍ଗ୍ ଡ଼ିଙ୍ଗ୍‌ଚେ ଲେଃଆରକେ ।

୨୯ ଇସ୍‌ପର୍ ଜାଣ୍ଟେକେ ସିଚେ ଆସିର୍‌ବାଦ୍ ଡ଼ିଙ୍ଗ୍‌ଏ ମେଇଁ ନ୍‌ସା ମେଃନେ ଦାନ୍ ବିନ୍‌ସା ଅଃନା ପର୍‌ଗୁଞ୍ଜା ଆଡ଼ିଙ୍ଗ୍ ଶୁ ।

୩୦ ଅଣଜିଉଦି ରେମୁଆଁଇଁ ସିସେ ଇସ୍‌ପର୍ ଆଡ଼ାଡ଼ା ଅମାନି ଲେଃଆରଗେ; ମାତର୍ ଏକେ ଜିଉଦିଇଁନେ ଅମାନି ଡ଼ିଙ୍ଗ୍‌ଲେଃଗେସା ଅଣଜିଉଦି ରେମୁଆଁଇଁ ଇସ୍‌ପରନେ ଦୟା ବାଲେଃଆରକେ ।

୩୧ ମେଃଡ଼ାଗଲା ଅଣଜିଉଦି ରେମୁଆଁଇଂ ଡିଗ୍ ଦୟା ବାଲେଃଆରୁକେ ଜିଉଦିଇଂ ଏକେ ଇସ୍ପରନେବାନ୍ ସ୍ଥୁ ଝେଲେଃଲା ଡିଗ୍ ମେଁସୁଆ ମେଇଂ ଆଣ୍ଡେ ପାଙ୍ଗ୍ରେ ଦୟା ବାଆରୁଏ ।

୩୨ ଇସ୍ପର ସାପାରେକେ ଅମାନି ଡିଙ୍ଗ୍ନେସା ଆଡ୍ରା ବ୍ରିବକେ; ସାରାସାରି ସାପାରେ ଇସ୍ପରନେ ଦୟାନେ ଉଂଡେ ଡିଙ୍ଗ୍ପେୟାଏ ।

ଇସ୍ପରନେ ଦୟା

୩୩ ଇସ୍ପରନେ ସବା ଉଡ଼ି ଜବର । ମେଁନେ ଜ୍ଞାନ ବାରି ବୁଦି ଉଡ଼ି ଗୁଲେ । ମେଁନେ ନିସ୍ପତି ଡିଙ୍ଗ୍କେ ଜିନିସ୍ ଜା ଆଦ୍ରିଗ୍ସ ? ଜା ମେଁନେ ଚାଲିଚଲନ୍ ମ୍ୟା ଯାଏ ?

୩୪ ସାସ୍ତ୍ର ଇସାବ୍ରେ:

“ଜା ମାପରୁନେ ମନ୍ ଚିନ୍ତା ମ୍ୟାଃ ଯାଏ ?

ଜା ଆମେକେ ଆଦେସ୍ ବିଃନ୍ସାଃ ଯାଏ ?

୩୫ ଜା ମେଃନେ ଇସ୍ପରକେ ଦେକ୍ଚରକମ୍ ମେଃଡ଼ିଗ୍ ବିଃବକେ,

ଜାନେ ଦାନ୍ ବାଦୁଲ୍ ଦାନ୍ ଇସ୍ପରକେ ବିଃନେ ଡିଙ୍ଗ୍ସ ?”

୩୬ ☆ସାପା ବିସୟ ଇସ୍ପରନେ ବାନ୍ ତିଆର୍ ଡିଙ୍ଗ୍ଲେଃକେ; ସାପା ବିସୟ ଆରେବ୍; ମେଁ ଆଡ଼ଲା ବାନ୍ ବାରି ମେଁଡାଗ୍ରା ଲେଃକେ । ଜୁଗ୍ ଜୁଗ୍ ଇସ୍ପରନେ ମଇମା ଡିଙ୍ଗ୍ଲେ ।

୧୨

ଇସ୍ପରନେ ସେବାନ୍ନିଆ ଜିବନ୍

୧ ତେସା ବୟାଁଇଂ, ନେ ଆଡ଼ାଡ୍ରା ଇସ୍ପରନେ ମ୍ନା ଦୟା ନ୍ସା ଆପେକେ ନେଙ୍ଗ୍ ସାରଲ ଶ୍ରିଂକେ, ଇସ୍ପର ଡାଗ୍ରା ନିଜର୍ ପବିତ୍ର ଜିବନ୍କେ ଅପେଃ ବିଃପା । ମେଁନେ ସେବାନ୍ନିଆ ନିଜର୍ ଜିବନ୍ ବିଚେ ମେଁନେ ଦିଆନ୍ରେ ଲାଲାପା । ଆକେନ୍ ଇସ୍ପରନେ ସଡ଼ ପାଚ୍ତନା ।

୨ ଆକେନ୍ ମଞ୍ଚପୁରନେ ମାପେନେ ତୁଡୁ ଇସାବ୍ରେ ବେବଆର୍ ଆଡିଙ୍ଗ୍ଗେପା । ଇସ୍ପର ପେନେ ମନ୍ ବାବ୍ନାକେ ପୁରାପୁରି ଆବଲ୍ଲେଏ ବାରି ପେନେ ଗର୍ବେନେ ମନ୍ ପୁରାପୁରି ବଦଲେଲେ । ତେଲା ଇସ୍ପରନେ ଇକ୍ତା ମେଃନେ ମେଁ ସାମ୍ନୁଆନ୍ନିଆ ମେଃନେ

☆ ୧୧:୩୬ ୧ କରିକ୍ତିୟ ୮:୭.

ସାପା ସାମୁଆଁ ସତ୍ତ୍ୱ ମନ୍କେ ବାକେ ରକମ୍ ବାରି ନିମାଣ୍ଡା ଆକେନ୍ ପେ ମ୍ୟା ପେୟାଏ ।

୩ ଇସପର୍ ଆନେଙ୍ଗ୍ ବିନ୍ ବାବ୍ରେ ଅନୁଗ୍ରଥ ବିବକେସା ଆପେ ସାପାରେକେ ନେଙ୍ଗ୍ ବାସଙ୍ଗ୍ରିଂ ଜା ଡିଗ୍ ନିଜେନେ ପାଟ୍ ଲାଃକ୍ସେବାନ୍ ନିଜକେ ଜାବର୍ ଗର୍ବ ଆଡ଼ିଙ୍ଗେପା । ଇସପର୍ ଆପେକେ ବିବକ୍ସେ ବିସ୍ବାସ୍ ଉଡ଼ିଲେଃକେ ନିଜେ ତ୍ରି ଜଡେତେ ସାଦୁ ଡିଙ୍ଗ୍ତେ ନିଜେନେ ବିସୟରେ ବିଚାର୍ ଡିଙ୍ଗ୍ପା ।

୪ ☆ନେ ଗାଗ୍ଡେଅରିଆ ଗୁଲେ ଞ୍ଚ ତ୍ରି ଆଣ୍ଡେଙ୍ଗ୍ ଲେଃକେ ବାରି ସାପାରେନେ କାମ୍ ବିନ୍ ବିନ୍ ।

୫ ଦେଡ଼ରକମ୍ ନେ ଗୁଲେ ମାତର୍ ସାପାରେ କିସ୍ତ୍ ଏତେ ମିସ୍ତ୍ ନେଲେଃଗେସା ନେ ମୁଇଂ ଗାଗ୍ଡେ ବାରି ଗାଗ୍ଡେନେ ଞ୍ଚ ତ୍ରି ଆଣ୍ଡେଙ୍ଗ୍ ରକମ୍ ନେ ସାପାରେ ଏତେ କୁଡେ ନେଲେଃକେ ।

୬ ☆ତେସା ନେ ଆଡ଼ାଡ଼ା ଇସପର୍ନେ ଦୟା ଦରମ୍ରେ ମେଁବାନ୍ ବାନେଲେଃକେ ବିନ୍ବିନ୍ ବପୁଇଂକେ ନେ ସତ୍ତ୍ୱ ବାବ୍ରେ ବେବଆର୍ ଡିଙ୍ଗ୍ନେ ଦରକାର୍ । ନେ ଜଦି ଇସପର୍ନେ ବ୍ଲାଲିର୍ ବାଲିର୍ ଅଲେଙ୍ଗ୍ନେସା ଇସପର୍ବାନ୍ ପାଙ୍ଗ୍ଲେଃକେ ବପୁ ବାନେଲେଃକେ ନେ ବିସ୍ବାସ୍ନେ ଡାଟ୍ ଇସାବ୍ରେ ଆତେନ୍ କାମ୍ ଆଡାନେ ଦରକାର୍ ।

୭ ଜଦି ସେବା ଡିଙ୍ଗ୍ନେସା ଆତେନ୍ ବପୁ ବାନେଲେଃକେ ନେ ସେବା ଡିଙ୍ଗ୍ନେ ଦରକାର୍; ବୁଦି ବିନେସା ବପୁ ବାଲେଃଲା ବୁଦି ବିନେସା ଦରକାର୍ ।

୮ ବିନ୍ରେକେ ଆମ୍ବେଡ଼ିଆ ଆଡ଼ିଙ୍ଗ୍ନେସା ବପୁ ବାଲେଃଲା ଆତେନ୍ ଡିଙ୍ଗ୍ନେ ଦରକାର୍ । ଦାନ୍ ବିନେସା ବପୁ ବାଲେଃଲା ତେନ୍ ରେମୁଆଁ ଉଦାର୍ ବାବ୍ରେ ଦାନ୍ ଡିଙ୍ଗ୍ଲେ । ବିନ୍ରେନେ କାମ୍ନେ କିକେ ଲେଃନେ ନ୍ସା ଅଦିକାର୍ ବାଲେଃଲା ନିଜେ ସଲେଡେମୁଆଁ ଆଡାର୍ରେ ସ୍ଲେନେ ପଡେଏ । ଦୟା ଡିଙ୍ଗ୍ନେ ରେମୁଆଁ ସାର୍ଦା ମନ୍ରେ ଦୟା ଡିଙ୍ଗ୍ଲେ ।

୯ ଆଲାଦ୍ ମନ୍ ବିଡ଼ରେ ଡିଙ୍ଗ୍ନେ ଦରକାର୍ । ଆଣ୍ଡିନେ ସାପା ସତ୍ତ୍ୱ ଶ୍ଚୁଆତେନ୍ ଗୁରନା ଡିଙ୍ଗ୍ପା ସାପା ସତ୍ତ୍ୱ ବିସୟରେ ଦିଆନ୍ ବିଃପା ।

☆ ୧୨:୪ ୧ କରିନ୍ତିୟ ୧୨:୧୨. ☆ ୧୨:୭ ୧ କରିନ୍ତିୟ ୧୨:୪-୧୧.

୧୦ କିସଟ ବିସ୍‌ବାସି ବୟାଁ ରେମୁଆଁଙ୍କେ ଜିବନ୍ ବିଚେ ବଲ୍ ବାପା ବାରି ମୁଇଁ ମାଡ଼ରେ ସନ୍‌ମାନ୍ ଆକେ ନ୍‌ସା ଇକଟା ଡିଙ୍ଗିପା ।

୧୧ ମନ୍‌ଦିଆନ୍ ବିଚେ ମାପରୁ କାମ୍ ଡିଙ୍ଗିପା ଆମ୍‌ରେ ତୁଆପା । ବକ୍‌ତି ବାବ୍‌ରେ ଉର୍ଦ୍ଦିନ୍ନିଆ ମାପରୁକେ ସେବା ଡିଙ୍ଗିପା ।

୧୨ ଡାବ୍ ଆସା ବଚେ ମ୍ଲେଡ଼୍ୟାପା । ଦୁକ୍ ସୁକ୍ କେଲା ବର୍କସ୍ ଡିଙ୍ଗିପା । କାଲାଆଃ ପାର୍‌ତନାନ୍ନିଆ କୁଡ଼େଃତେ ଲାଲାପା ।

୧୩ କିସଟକେ ବିସ୍‌ବାସିଇଁନେ ଅବାବ୍ ପୁରନ୍ ଆଃଡିଙ୍ଗିପା । କୁଲାରେକେ ସେବା ଡିଙ୍ଗିପା ।

୧୪ ✽ଆପେକେ ଜାଣ୍ଟେଇଁ ନିନ୍‌ଆ ବିଡିଙ୍ଗିକେ ମେଇଁ ଆଡ଼ଲା ଆସିର୍‌ବାଦ୍ ବାନ୍‌ସା ଇସ୍‌ପର ଡାଗ୍‌ରା ପାର୍‌ତନା ଡିଙ୍ଗିପା । ଆମେଇଁକେ ଆସିର୍‌ବାଦ୍ ଡିଙ୍ଗିପା ଅବିସାପ୍ ଆବିଗ୍‌ପା ।

୧୫ ଦୁକ୍‌ସୁକ୍ ରେମୁଆଁଙ୍କ ଏତେ ମ୍ଲେଡ଼୍ୟାପା ଅଃଡିଁକ୍ଲେ ରେମୁଆଁଙ୍କ ଏତେ ଅଃପା ।

୧୬ ସାପାରେକେ ସମାନ୍ ବାବ୍‌ରେ କେଲାପା । ଆଙ୍କାର୍ ଚିନ୍ତା ଆନ୍ତାର୍‌ତେ ଦରମ୍ ବାବ୍‌ରେ ତାଆଁ କାମ୍ ଆଣ୍ଟେଙ୍ଗ୍ ଡିଗ୍ କାମ୍ ଡିଙ୍ଗିପା । ନିକ୍‌କେ ଜ୍ଞାନି ଡାଗ୍‌ତେ ମନେ ଆଡିଙ୍ଗେପା ।

୧୭ ଜା ପେ ଆଡ଼ାତ୍ରା ଅନ୍‌ୟାୟ୍ ଡିଙ୍ଗିଲା ପେ ମେଁ ଆଡ଼ାତ୍ରା ଅନ୍‌ୟାୟ୍ ଆଡିଙ୍ଗେପା । ବିନ୍‌ରେନେ ଡାଗ୍ରା ମେଃନେ ସଡ୍ କାମ୍ ଆଡେନ୍ ଆଃ ଡିଙ୍ଗିପା ।

୧୮ ସାପାରେ ଏତେ ସାନ୍ତିରେ ଚୁଆ ନ୍‌ସା ଜିଆ ଚେସ୍‌ଟା ଡିଙ୍ଗିପା ।

୧୯ ଅ ବୟାଁ ଆରି ତନାଇଁ, ପେ ନିଜେ ଜା ବିରୁଦ୍‌ରେ ଡିଗ୍ ପ୍ରତିସଦ୍ ତୁଙ୍ଗ୍‌ଆଡଗେପା । ଇସ୍‌ପରନେ ଗିସେକ୍ଲେ ଗଡ଼େଅ ଡିଙ୍ଗିନେସା ଆମେକେ ଆନ୍ତାର୍‌ବିପା । ଡାଗ୍‌ଲା ସାସ୍‌ପୁର୍‌ନ୍ନିଆ ଗୁଆର୍‌ବକେ: “ମାପରୁ ବାସଙ୍‌ମ୍ୟାକେ ନେ ପ୍ରତିସଦ୍ ତୁଙ୍ଗିନେଡ଼ଏ । ନେ ମେଁ ଡିଙ୍ଗିବକ୍ଲେ ସ୍ଲୋବାନ୍ ଡଣ୍ଟ ନେବିଏ ।”

୨୦ ବାରି ସାସ୍‌ପୁର୍‌ନେ ଆଦେସ୍ ଇସାବ୍‌ରେ “ନାନେ ସତୁ କେଡ଼େସ୍ ଲେଃଲା ଆମେକେ ଚଙ୍ଗ୍ ନ୍‌ସା ବିଃପା; ଉଗ୍‌ଡିଆ ଡଡିଙ୍ଗିଲା ଆଉଗ୍‌ବିପା । ଆଡ଼ବାନ୍ ମେଁ ଗିଆସଏ ।”

✽ ୧୨:୧୪ ମାଡିଉ ୫:୪୪; ଲୁକ୍ ୭:୨୮.

୨୧ ସତ୍ ଶୁଭୁନବାନ୍ ଆଆରେଗେପା ସାପା ସତ୍ ଶୁଭୁନ ବିସୟକେ ସତ୍ କାମ୍ ତିଙ୍ଗ୍ରେ ଜିତେପା ।

୧୩

ସାସନ୍ ତିଙ୍ଗ୍ରେ ଆଡ଼ାଡ଼ା ଅଦିକାର୍

୧ ସାସନ୍ ତିଙ୍ଗ୍ରେନେ ସାମୁଆଁ ମାନେଝନେ ଅଦିକାର୍ ସାପାରେନେ ଲେଝକେ ମେଝଡାଗ୍ଲା ଇସ୍ପରନେ ଆଦେସ୍ ଶୁଲ୍ଲା ଜା ତିଗ୍ ସାସନ୍ ତିଙ୍ଗ୍ରେ ଅଦିକାର୍ ଆବା ଶୁ ଅଦିକାର୍ରେ ଲେଝକ୍ଲେ ସାସନ୍ ତିଙ୍ଗ୍ରେ ଇସ୍ପରବାନ୍ ପାଙ୍ଗ୍ଲେଝକେ ।

୨ ତେସା ଜା ଅଦିକାର୍ ବାଲାକେଏକ୍ଲେ ସାସନ୍ ତିଙ୍ଗ୍ରେକେ ବିରଦ୍ ତିଙ୍ଗ୍ରେ ମେଁ ଇସ୍ପରବାନ୍ ତିଙ୍ଗ୍ତିଙ୍ଗ୍ରେ ସବାନ୍ନିଆ ବିରଦ୍ ତିଙ୍ଗ୍ରେ । ଜାଶ୍ଟେ ଆକେନ୍ ତିଙ୍ଗ୍ରେ ମେଁ ବିଚାର୍ନାନିଆ ତୁଆଁଏ ।

୩ ଜାଶ୍ଟେଇଁ ସତ୍କାମ୍ ତିଆରତିକେ ମେଇଁନେ ସାସନ୍ ତିଙ୍ଗ୍ରେକେ ବୁଟ ନ୍‌ସା ମେଝଡିଗ୍ କାରନ୍ ଶୁ ବୁଟନେ ସାମୁଆଁ ଦଦ୍ୟା କାମ୍ ତିଙ୍ଗ୍ରେନେ । ସାସନ୍ ତିଙ୍ଗ୍ରେ ଆଡ଼ାଡ଼ା ଆପଟନେ ପେନେ ଇକ୍ଟା କି ? ତେଲା ସତ୍କାମ୍ ତିଙ୍ଗ୍ପା ମେଁ ପେନି ପ୍ରସଂସା ତିଙ୍ଗ୍ରେ ।

୪ ଆପେକେ ଆସିର୍ବାଦ୍ ବିଝନ୍‌ସା ମେଁ ଇସ୍ପରନେ ସେବକ୍ । ମାତର୍ ପେ ଜଦି ଦଦ୍ୟା କାମ୍ ପେତିଙ୍ଗ୍ରେ, ତେଲା ସାସନ୍ ତିଙ୍ଗ୍ରେକେ ବୁଟପା, ଡାଗ୍ଲା ଆପେକେ ତଣ୍ଡ ବିନେସା ପକ୍‌ରୁଡ୍ରେ ମେଁନେ ଅଦିକାର୍ ଲେଝକେ । ମେଁ ଇସ୍ପରବାନ୍ ବାଲେଝକ୍ଲେ ଚାକ୍ରିଆ । ଦଦ୍ୟା କାମ୍ ତିଙ୍ଗ୍ରେକେ ସାସ୍ତି ବିନେସା ମେଁ ଇସ୍ପରନେ ଆଦେସ୍ ପାଲେ ତିଙ୍ଗ୍ରେ ।

୫ ତେସା ପେ ସାସନ୍ ତିଙ୍ଗ୍ରେନେ ମାନେଝନେ ଦର୍କାର୍, ଡାଗ୍ଲା ଇସ୍ପରନେ ତଣ୍ଡକେ ବୁଟରେ ଶୁ ମାତର୍ ନିଜର୍ ବୁଦିନେ ଦଂସ ତିଙ୍ଗ୍ରେବାନ୍ ରକ୍ୟା ଆତିଙ୍ଗ୍ରେସା ।

୬ ଆଡେନ୍‌ସା ପେ ସିସ୍ତୁ ତିଗ୍ ବିପେବଏ ଡାଗ୍ଲା ସାସନ୍ ତିଙ୍ଗ୍ରେନେ କାମ୍ ପାଲନ୍ ତିଙ୍ଗ୍ରେ ବେଲା ଇସ୍ପରନେ ସେବା ତିଙ୍ଗ୍ଆରକେ ।

☆ ୧୩:୭ ମାତିଉ ୨୨:୨୧; ମାରକ ୧୨:୧୭; ଲୁକ୍ ୨୦:୨୫.

୭ ତେସା ମେଇଂନେ ମେଃନେ ବାନେ ଲେଃକେ ଆଡେନ୍ ବିଜଗ୍ଲାର୍‌ଗା । ସିସ୍ତୁ ବାରି କଲକ୍ତର ପେନେ ମେଃନେ ବିନେ ଆଡେନ୍ ବିଃପା ବାରି ଆମେଇଂକେ ଜିଆଜିଆ ଆମ୍ବେଡ଼ିଆଚେ ବାରି ସନ୍‌ମାନ୍ ଆଃକେପା ।

ନେଃ ନେଃ ବିଡ୍ରେ ଆଲାଦ୍

୮ ପେପେ ବିଡ୍ରେ ଆଲାଦ୍ ତିଂନେ ଆନ୍ତାର୍‌ଚେ ବାରି ମେଃଡିଗ୍ ବିସ୍‌ୟରେ ଆଜାକେ ଡିଗ୍ ବାକି ଡିଙ୍ଗ୍‌ଚେ ଆଲେଃଗେପା । ଜାଣ୍ଟେ ବିନ୍‌ରେକେ ଆଲାଦ୍ ତିଂଏ ମେଁ ନିୟମ୍ ପାଲେ ବକେ ।

୯ “ଅଡାରେଗ୍ ଆଡିଙ୍ଗେପା, ରେମୁଆଁ ଆବାଗୁଏଃଗ୍‌ପା, ଆଡଙ୍ଗାଗ୍‌ପା, ବିନ୍‌ରେନେ ଜିନିସ୍‌କେ ଲବ୍ ଆଡିଙ୍ଗେପା,” ବିନ୍ ମେଃମେଃନେ ସାପା ଆଦେସ୍ ମୁଇଂ ଆଦେସ୍‌ନିଆ ଲେଃକେ “ପେ ଡାଗ୍ରା ତୁଆଣ୍ଟେକେ ଜିବନ୍ ରକମ୍ ଆଲାଦ୍ ତିଂପା ।”

୧୦ ପେ ମୁଇଂଜାକେ ଆଲାଦ୍ ପେଡିଙ୍ଗା ମେଁ ଆଡାଡା ଅଃନା ଅନ୍‌ୟାୟ୍ ଆଡିଙ୍ଗେପା । ତେସା ଆଲାଦ୍ ତିଂନେ ବାନ୍ ଆଃ ସାପା ନିୟମ୍ ପାଲନ୍ ଡିଙ୍ଗମ୍ୟାକେ ।

୧୧ ଏବେ ଆକେନ୍ ସାପା ଆପେକେ ଡିଲାଡିଗ୍ ଡିଙ୍ଗେନେ ପଡେଏ ମେଃଡାଗ୍‌ଲା ତୁଲେଗ୍‌କେବାନ୍ ତରକ୍ ଡିଙ୍ଗେନେ ବେଲା ପିଙ୍ଗଟା ଲେଃକେ । ଉଦାର୍ ବାନେ ବେଲା ସିସେନେ ଇଡିଙ୍ଗ୍ ଏବେ ଜାବର୍ ଡାଗ୍ରା ପାଙ୍ଗଲେଃକେ ।

୧୨ ମିଡିଗ୍ ତେଡାକେ ସ୍ତ୍ରି ପିଙ୍ଗଟାକେ । ଏଲାପା ଡାଙ୍ଗକିଗ୍‌ନିଆନେ କାମ୍ ସାପା ଆନ୍ତାର୍‌ଚେ ବାରି ଡାର୍‌କିଗ୍‌ନିଆ ଜୁଦ୍ ଡିଙ୍ଗେନେସା ସଃନେ ସାଜ ନେସଃପା ।

୧୩ ଖାସାର୍‌ଚେ ଖାଡେଙ୍ଗ୍ ନେଖାପା ସାଗ୍ରା ଉଗ୍‌ଚେ ଲିଗିର୍ ମାଲେଃଚେ ନିୟମ୍ ଅମାନ୍‌ୟ ଡିଙ୍ଗେନେ ଦଦ୍ୟା ବେବଆର୍ କୁଟ୍ କିରମର ସାପାନ୍‌ନିଆ କୁଡେ ମାଲେଃଚେ ଏଲାପା ଡାର୍‌କିଗ୍‌ନିଆ ସ୍ତ୍ରେ ଡିଙ୍ଗ୍‌ଆର୍‌କେ ରେମୁଆଁକେନେ ସୁଗୁଆ ଡାଆଁରେ ରକମ୍ ବେବଆର୍ ନେଡିଙ୍ଗପା ।

୧୪ ମାତର୍ ମାପୁର୍ ଜିସୁ କିସ୍‌ଟେନେ ଚରିଡ୍ ଇସାବ୍‌ରେ ବେବଆର୍ ଡିଙ୍ଗପା ପାପ୍ ବାରି ଗାଗ୍‌ଡେନେ ଦଦ୍ୟା କାମ୍‌ନେ ଇଙ୍ଗଟାକେ ପୁରନ୍ ଆଡିଙ୍ଗେନେସା ମନ୍ ଅରିଆ ଆବାବେଗ୍‌ପା ।

୧୪

ବୟାଁନେ ଦସ୍ ଆସାଗେପା

୧ ✨ଅସକ୍ତିଆ ବିସ୍‌ବାସ୍‌କେ ଡିଗ୍‌ ସାପା ମାତର୍‌ ମେଝନେ ନିଜର୍‌ ଇକ୍‌ଟା ବିସ୍‌ୟରେ ଅଡ଼କା ଅଡ଼କି ଆଡ଼ିଙ୍ଗ୍‌ଗେପା ।

୨ ମୁଇଂଜା ବିସ୍‌ବାସ୍‌ ଡିଙ୍ଗ୍‌ଡିଙ୍ଗ୍‌କେ ମେଁ ମେଝଡିଗ୍‌ କାଦି ଚଙ୍ଗ୍‌ ଯାଏ ବାରି ମୁଇଂଜା ଅସକ୍ତିଆ ବିସ୍‌ବାସ୍‌ ମାତର୍‌ ଡାଲି କାଦି ଚଙ୍ଗ୍‌ ।

୩ ମେଝଡିଗ୍‌ କାଦି ଚଙ୍ଗ୍‌ନେ ଜାନେ ଆପତି ଶୁ ମେଁ ଡାଲି ମ୍‌ମାଝକେ ଆଇଙ୍ଗ୍‌ଚେଲେ । ବାରି ଡାଲି ମ୍‌ମାଝ ଚଙ୍ଗ୍‌ଶ୍ରେ ଚିଲି ଚଙ୍ଗ୍‌ଶ୍ରେକେ ଦସି ଆସାଲେ । ଡାଗଲା ଇସ୍‌ପର୍‌ ଆମେକେ ଡିଗ୍‌ ସା ବକେ ।

୪ ବିନ୍‌ରେନେ ଗତିରେକେ ବିଚାର୍‌ ଡିଙ୍ଗ୍‌ନେସା ନା ଜାଣେ ? ମେଁ ମେଁନେ କାମ୍‌ନିଆ ଉଡ଼ି ସ୍‌ ପୁରନ୍‌ ବା ଆରେ ଡିଙ୍ଗ୍‌କେ, ଆତେନ୍‌ ମେଝନେ ସାଉକାର୍‌ ବିଚାର୍‌ ଡିଙ୍ଗ୍‌ । ମେଁ ଡିଲାଡିଗ୍‌ ପୁରନ୍‌ ଡିଙ୍ଗ୍‌ ଡାଗଲା ମାପୁରୁ ମେଁ ଗତିରେକେ ଡିଙ୍ଗ୍‌ବକ୍‌ ସାପା କାମ୍‌ ଆଡ଼ିଙ୍ଗ୍‌ନେସା ରାଜି ।

୫ ମୁଇଂଜାନେ ମତରେ ବିନ୍‌ ଦିନାଇଂବାନ୍‌ ମୁଇଂ ନିମାଣ୍ଡା ଦିନା ଅଦିକ୍‌ ମୁଲ୍ୟବାନ୍‌ । ବାରି ମୁଇଂଜା ବାବେଏ ସାପା ଦିନା ସମାନ୍‌ । ମାତର୍‌ ଜା ଜାନେ ମତରେ ଜିଆ ଜିଆ ବିଚାର୍‌ ଡିଙ୍ଗ୍‌ଚେ ନିଷ୍ପତି ଗ୍ରାଅନ୍‌ ଡିଙ୍ଗ୍‌ଲେ ।

୬ ଜାଣେ ମୁଇଂ ଦିନାକେ ଡାଆଁ ଡାଗ୍‌ଚେ ବାବେଏ କେବଲ୍‌ ମାପୁରୁନେ ଗୌରବ୍‌ ଡିଙ୍ଗ୍‌ନେସା ମେଁ ଆତେନ୍‌ ଡିଙ୍ଗ୍‌ଲେ । ଜାନେ ମେଝଡିଗ୍‌ କାଦି ଚଙ୍ଗ୍‌ନେସା ଆପତି ଶୁ ଇସ୍‌ପର୍‌କେ ଦନ୍‌ସବାଦ୍‌ ବିଚେ ମେଁ ଆତେନ୍‌ ଚଙ୍ଗ୍‌ଲେ; ଆଡ଼ବାନ୍‌ ଇସ୍‌ପର୍‌ ଗୌରବ୍‌ ବାଏ । ମୁଡ଼ି ରେମୁଆଁ ମେଝଡିଗ୍‌ କାଦି ଆଚଙ୍ଗ୍‌ ଶୁ ମେଁ ଆକେନ୍‌ ଇସ୍‌ପର୍‌ନେ ଆସିବାଦ୍‌ ନ୍‌ସା ଡିଙ୍ଗ୍‌ଲେ ବାରି ଆତେନ୍‌ସା ଇସ୍‌ପର୍‌କେ ଦନ୍‌ସବାଦ୍‌ ବିଲେ ।

୭ ଜା ଡିଗ୍‌ ନିଜର୍‌ ଆଡ଼ଲା ଆରୁଆ ଶୁ ବୁାରି ନିଜର୍‌ ଆଡ଼ଲା ଆଗୁଏ ଶୁ ।

୮ ମାପୁରୁନେ ଉଦେସ୍‌ ପୁରନ୍‌ ଡିଙ୍ଗ୍‌ନେସା ନେ ବୁଆ ନେଲେଝକେ ବାରି ନେଗୁଏଝଏ । ତେସା ବୁଆନେ ବାରି ଗୁଏନେ ନେ ମାପୁରୁନେ ।

✨ ୧୪:୧ କଲସିୟ ୨:୧୭.

୯ ମେଃଡାଗ୍ଲା କିସ୍ତ ଗୁଏରେ ତଡ଼ିଆଲେଃକେ ବାନ୍ ମ୍ପାବ୍‌ନୁଗ୍ ଜାକ ବୁଆନେ ବାରି ଗୁଗୁଏନେ ସାପାରେ ନସା ମେଁ ମାପରୁ ତିଙ୍ଗ୍‌ଚେ ଲେଃକେ ।

୧୦ ✧ତେଲା ପେ ମେସା ବିନ୍ ବିସ୍‌ବାସି ରେମୁଆଁଲ୍‌ନେ ବିଚାର୍ ତିଙ୍ଗ୍‌ପେତିଙ୍ଗ୍ ? ମେସା ନିଜର୍ ବୟାକେ ଗୁରନା ତିଙ୍ଗ୍‌ପେତିଙ୍ଗ୍ ? ନେ ସାପାରେ ବିଚାର୍ ତିଙ୍ଗ୍‌ନେସା ଇସ୍‌ପର୍ ସାମ୍‌ନାରେ ତୁଆଁ ପଡ଼େଏ ।

୧୧ ମେଃଡାଗ୍ଲା ତିଡ଼ିରକମ୍ ସାସ୍‌ରନ୍ନିଆ ଗୁଆର୍‌ବକେ:

“ମାପରୁ ବାସଙ୍ଗ୍‌ତିଙ୍ଗ୍‌କେ, ଡାଗ୍‌ଲା ନେ ଜିବନ୍ତ ଇସ୍‌ପର୍ ସାପାରେ ନେଙ୍ଗ୍ ସେଃମ୍ ବିଙ୍ଗ୍‌ଆର୍‌ଏ ।
ନେ ଇସ୍‌ପର୍ ଡାଗ୍‌ଚେ ସାପାରେ ବାସଙ୍ଗ୍‌ଆର୍‌ଏ ।”

୧୨ ନେ ସାପାରେ ଇସ୍‌ପର୍ ଡାଗ୍‌ରା ନିଜର୍ ନିଜର୍‌ନେ ଇସାବ୍ ବିନ୍ ପଡ଼େଏ ।

ବୟାକେ ନସ୍ ଆଡ଼ିଙ୍ଗ୍‌ନେସା ଆଚାଏଁଗେପା

୧୩ ତେସା ପେପେ ବିଡ଼ରେ ବିଚାର୍ ଆଡ଼ିଙ୍ଗ୍‌ଗେପା । ଦେକ୍‌ରକମ୍ ତିଗ୍ ମେଃଡିଗ୍ ଆଡ଼ିଙ୍ଗ୍‌ଗେପା ଜାବାନ୍ କି ପେ ବୟା ଟେପ୍‌ଘ୍ ଲଃଚେ ପାପ୍ ତିଙ୍ଗ୍‌ଏ ।

୧୪ ମାପରୁ ଜିସୁନେବାନ୍ ଆଦେସ୍ ବାଚେ ସଡ଼ ବାସଙ୍ଗ୍‌ଣ୍ଡିଙ୍ଗ୍‌କେ ଜେ, ମେଃଡିଗ୍ କାଦି ଅସୁଚି ଶୁ । ମାତର୍ ଜା ତିଗ୍ ଜଦି ମେଃଡିଗ୍ କାଦିକେ ଆରୁଲେ ଡାଗ୍‌ଚେ ବିସ୍‌ବାସ୍ ତିଙ୍ଗ୍‌ଏ, ମେଁ ଆଡ଼ଲା ଆତେନ୍ ଆରୁଲେ ତିଙ୍ଗ୍‌ଏ ।

୧୫ ପେ ମେଃଡିଗ୍ କାଦି ଚଙ୍ଗ୍‌ନେ ବାନ୍ ଜଦି ମୁଇଁ ବୟା ମନ୍ ବିଡ଼ରେ କସ୍ତ ପେବିଏ, ତେଲା ମେଁ ଆଡ଼ାଡ଼ା ନାନେ ଆଲାଦ୍ ତିଁନେ ଆସୁଏ ନାଡ଼ିଙ୍ଗ୍‌କେ । ମୁଡ଼ି ବୟା ନସାଃ କିସ୍ତ ଗୁଏକେ ମୁଇଁ କାଦି ନସା ମେଃନେ ନସ୍ ଆଡ଼ିଙ୍ଗ୍‌ପା ।

୧୬ ପେ ଆଜାକେ ନିମାଣ୍ଡା ଡାଗ୍‌ଚେ ମନେ ବାବେ ପେଡ଼ିଙ୍ଗ୍ ଆଡ଼ବାନ୍ ପେନି ବଦ୍‌ଲାମ୍ ଆଡ଼ିଙ୍ଗ୍‌ଲେ ।

୧୭ ଇସ୍‌ପର୍‌ନେ ରାଜ୍‌ଜନେ ନିମାଣ୍ଡା କାଦି ବା ଉଗ୍‌ନେ ଶୁ । ଆତେନ୍ ପବିତ୍ର ଆମ୍‌ନେବାନ୍ ପାଙ୍ଗ୍‌ଲେଃକେ ଦାର୍‌ମିକ୍ ସାମୁଆଁ ସାନ୍‌ତି ବାରି ସାର୍‌ଦା ।

✧ ୧୪:୧୦ ୨ କରିନ୍‌ତିୟ ୫:୧୦.

୧୮ ଜା ଜଦି ଦେକ୍‌ରକମ୍ ବାବ୍‌ରେ କିସ୍‌ଟନେ ସେବା ଡିଙ୍ଗ୍‌ଏ; ମେଁ
 ଇସ୍‌ପର୍‌କେ ସାର୍‌ଦା ଆଡିଙ୍ଗ୍‌ଏ ରେମୁଆଁଇଂନ୍‌ନିଆ ଡିଗ୍‌ ସନ୍‌ମାନ ବାଏ
 ।

୧୯ ତେସା ପାଙ୍ଗ୍‌ଲାପା ନେନେ ବିଡ୍‌ରେ ସାନ୍ତିରେ ଲେଃନ୍‌ସା ବାରି
 ସାଆସ୍ ଆମ୍‌ମାନସା ଆଣ୍ଡିନେ ସାପା ଦର୍‌କାର୍ ଲେଃକେ ଆଡ୍‌ଅରିଆ
 କିକେ ନେଃଲେଃପା ।

୨୦ ସାମାନ୍ୟ କାଦି ସା ଇସ୍‌ପର୍ ମେଃନେ କାମ୍ ଡିଙ୍ଗ୍‌ବକେ ଆତେନ୍
 ନସ୍ ଆରାଡିଙ୍ଗ୍‌ପା । ଡିଡିନେ କାଦି ଡିଙ୍ଗ୍‌ଲେ ଚଙ୍ଗ୍ ଡିଙ୍ଗ୍‌ଏ । ମାତର୍
 ମେଃଡିଗ୍ କାଦି ଚଙ୍ଗ୍‌ନେ ବାନ୍ ପେ ବିନ୍‌ରେକେ କସ୍‌ ଆରାଡିଙ୍ଗ୍‌ପା
 ତେଲା ଆତେନ୍ କାଦି ଚଙ୍ଗ୍‌ନେ ବଲ୍ ଶୁ ।

୨୧ ପେନେ ଚିଲି ଚଙ୍ଗ୍‌ନେ ସାଗ୍‌ରା ଉଗ୍‌ନେ ବିନ୍ ମେଃମେଃନେ
 ଏତେ ଜଦି ପେବୟାକେ ଦୁର୍‌ବଲ୍ ଆଡିଙ୍ଗ୍‌ଏ ତେଲା ଆତେନ୍
 ସାପାବାନ୍ ସୁଲ ଲେଃନେ ପେନି ନିୟ୍‌ମ୍ ।

୨୨ ଆକେନ୍ ବିସୟରେ ନାନେ ନିଜର୍ ବିସ୍‌ବାସ୍ ମୁଇଙ୍ଗ୍ ଇସ୍‌ପର୍
 ମ୍ୟାଃଲେ । ମୁଡି ରେମୁଆଁ ମ୍‌ଣ୍ଡା ଡାଗ୍‌ତେ ମନେ ବାବେତେ ମେଃଡିଗ୍
 କାମ୍ ଡିଙ୍ଗ୍‌ଏ ବାରି ଆତେନ୍‌ସା ଇଡିଙ୍ଗ୍ ଆମେକେ ଦସି ଡିଙ୍ଗ୍‌ନେସା
 ଆପଡେ ଶୁ ଚୁମ୍ ଦନ୍ୟ ।

୨୩ ମାତର୍ ମେଃଡିଗ୍ କାଦି ଚଙ୍ଗ୍‌ନେ ବଲ୍ କି ଶୁ ମୁନ୍‌ଅରିଆ ଏଡ୍
 ବିରାର୍ ମାଡିଙ୍ଗ୍‌ତେ ଆତେନ୍ ଚଙ୍ଗ୍‌ଏ; ଇସ୍‌ପର୍ ସାମନାରେ ମେଁ ଦସି
 ଡିଙ୍ଗ୍‌ଏ ମେଃଡାଗ୍‌ଲା ଆତେନ୍ ମେଃନେ ବିସ୍‌ବାସ୍ ରକମ୍ କାମ୍ ଶୁ ।
 ବିସ୍‌ବାସ୍ ଆଡାଡା ମେଃନେ ଆଲେଃକେ ଆତେନ୍ ପାପ୍ ।

୧୫

ବିନ୍‌ରେକେ ଆମ୍‌ନେଡିଆପା ନିଜ୍‌କେ ଶୁ

୧ ଜାଣ୍ଡେଇଂ ବିସ୍‌ବାସ୍‌ରେ ଡାଟ୍, ମେଇଂ ଅଲ୍‌ସୁଆ ବିସ୍‌ବାସ୍
 ବୟାନ୍‌ନେ ଦସ୍ ଦୁର୍‌ବଲ୍ ଆଡାଡା ଦୟା ଦରମ୍ ଡିଙ୍ଗ୍‌ପା । ଜାଣ୍ଡେ ଡିଗ୍
 ନିଜ୍‌କେ ସାର୍‌ଦା ଆଡିଙ୍ଗ୍‌ନେସା ଇକ୍‌ଟା ଆଡିଙ୍ଗ୍‌ଲେ ।

୨ ବାରି ବିନ୍‌ରେନେ ନିମାଣ୍ଡା ନ୍‌ସା ବାରି ମେଇଂନେ ବିସ୍‌ବାସ୍‌କେ
 ଡାଟ୍ ଆଡିଙ୍ଗ୍‌ନେସା ଆମେଇଂକେ ସାର୍‌ଦାରେ ବନେ ନେନେ କର୍ତ୍ତବ୍ୟ
 ।

୩ କିସ୍ତ ନିଜେନେ ସୁକ୍ ନସା ମେଁ ତିଙ୍ଗିଆଡ଼ିଙ୍ଗେ ଶୁ । ବାରି ସାସ୍ତରନେ ବ୍ଲାଲିର୍ ଇସାବ୍ରେ: “ମେଇଁ ଆପେକେ ବିଡ଼ିଙ୍ଗିକ୍ଲେ ଅପମାନ୍ ନେଙ୍ଗ୍ ସାମାଲେ ଶ୍ରିଙ୍ଗ୍ ।”

୪ ସାସ୍ତରନେ ସିକ୍ୟା ସାପା ନେନେ ଉପକାର୍ ନସା ଲେ୪କେ । ଆସା ବଚେ ତାଟ୍ ଲେ୪ନସା ସାସ୍ତର୍ ଆନେକେ ସାହାସ୍ ବାରି ନିମାଣ୍ଡା ଲେ୪ନସା ବାସଙ୍ଗିଡ଼ିଙ୍ଗକେ ।

୫ କିସ୍ତ ଜିସୁନେ ଆଦର୍ଶନେ ପ୍ଲା ୱେନେ ସାପାରେନେ ଆତେନ୍ ରକମ୍ ମନ୍ ବାବନା ତିଙ୍ଗିନେସା ସାହାସ୍ ବାରି କାଲାଆ୪ କିଲିଗ୍ଡିଆ ଲେ୪ନସା ଇସ୍ପର୍ ଆପେକେ ବୁଦି ବିଲେ ।

୬ ସାପାରେ କୁଡ଼େମାଡ଼େତେ ମୁଇଁ ସର୍ରେ ମାପ୍ତୁ ଜିସୁ କିସ୍ତ ଆବା ଇସ୍ପର୍ନେ ପ୍ରସଂସା ତିଙ୍ଗିପା ।

ଜିଉଦି ବାରି ଅଣଜିଉଦି ରେମୁଆଁଇଁ ଆଡ଼ଲା ନିମାଣ୍ଡାସାମୁଆଁ

୭ କିସ୍ତ ତିଡ଼ିରକମ୍ ଆପେକେ ଗ୍ରଥନ୍ ତିଙ୍ଗିବକେ, ଇସ୍ପର୍ନେ ବପୁ ନସା ପେ ଦେଡ଼ରକମ୍ ନିଜେ ନିଜେକେ ଗ୍ରଥନ୍ ତିଙ୍ଗିପା ।

୮ ମେ୪ତାଗ୍ଲା କିସ୍ତକେ ସେବା ତିଙ୍ଗିନେ ଜିବନ୍ ଜିଉଦିଇଁନେ ନସା ଦର୍କାର୍ ଲେ୪ଗେ । ଆମେଇଁକେ ମେଁ ଆକେନସା ଚାଏଁଡ଼ିଂଗେ ଜାଣ୍ଡେ ଇସ୍ପର୍କେ ବିସ୍ବାସ୍ ତିଙ୍ଗିବ ଜିହୁଦି ଜାତିନେ ଛା ଜ୍ଞାଇଁକେ ବିବକ୍ଲେ ମେଇଁନେ ପାର୍ମାନ୍ ସାପା ମେଁ ପାଲେଏ ।

୯ ଇସ୍ପର୍ନେ ଅନୁଗ୍ରଥ ନସା ବିଜାତି ରେମୁଆଁଇଁ ତିଗ୍ ମେଇଁନେ ପ୍ରସଂସା ତିଙ୍ଗିଏ । ଆକେନ୍ ବିସୟରେ ସାସ୍ତର୍ନିଆ ଗୁଆର୍ବକେ:

“ବିଜାତି ରେମୁଆଁଇଁନେ ବିଡ଼ରେ ପେନେ ପ୍ରସଂସା ଶ୍ରିଙ୍ଗିଏ

କାଲାଆ୪ ପେନି ପୁଜାପାତି ଶ୍ରିଙ୍ଗିଏ ।”

୧୦ ବାରି ତିଗ୍ ଗୁଆର୍ ବକେ:

“ବିଜାତି ରେମୁଆଁଇଁ ଇସ୍ପର୍ନେ ରେମୁଆଁଇଁ ଏତେ ମ୍ଲେଡ଼୍ୟାଲେ ।”

୧୧ ବାରି ତିଗ୍

“ସାପା ବିଜାତି ରେମୁଆଁଇଁ ମାପ୍ତୁନେ ପ୍ରସଂସା ତିଙ୍ଗିଆର୍ଲେ ।”

୧୨ ବାରି ଯିଶାଇୟ ବାଲିର୍ବକେ:

“ଜେଶିନେ ମୁଇଁ କୁଲ୍ବସ୍ ପାଙ୍ଗିଏ

ମେଁ ବିଜାତି ରେମୁଆଁଇଁକେ ସାସନ୍ ତିଙ୍ଗିଏ ବାରି

ମେଇଂ ମେଁ ତାଗରା ଆସା ବଆରଏ ।”

୧୩ ସାପା ଆସାନେ ମୁଲ୍, ଇସପର ପେନେ ବିସବାସ ନସା ଆପେକେ ସାରଦା ବାରି ସାନ୍ତିରେ ପୁରନ୍ ଆଡ଼ିଙ୍ଗଲେ । ପବିତ୍ର ଆମ୍ବାନେ ବପୁରେ ପେନେ ଆସା ମ୍ବାଲେ ।

ଅଣଜିଉଦିଇଂନେ ତାଗ୍ରା ପାଉଲ୍‌ନେ ନିମାଣ୍ଡାସାମୁଆଁ

୧୪ ବୟାଁ ବାରି ତନାଇଂ ନେଙ୍ଗନେ ବିସବାସ ପେ ସାପାରେ ସଡ଼ ଗୁନ୍ ବାରି ଜ୍ଞାନରେ ପୁରନ୍ ଡିଙ୍ଗପା ବାରି ପେପେ ବିଡ଼ରେ ସିକ୍ୟା ବିଃନ୍‌ସା ତିଆର୍ ଡିଙ୍ଗପା ।

୧୫ ଏଲେଡିଗ୍ ନିଂ ଉଃଡ଼ିକ୍ଲିଗ୍ ସାମୁଆଁ ମନେ ଛାଗନ୍‌ସା ଆନାକେ ଜେ ମାଲେ ସାଆସ୍ ତିଂରେ ଗୁଆରମ୍‌କେ । ଆକେନ୍ ଆତେନ୍ ଅନୁଗ୍ରହ ନସା ତିଂକେ ଆଣ୍ଡିନେ ପରମେସର୍ ଆନିଂକେ ବିଃବକେ ।

୧୬ ମେଃଡାଗଲା କିସଟ ଜିସୁନେ ଚାକର୍ ରକମ୍ ବିଜାତି ରେମୁଆଁଇଂ ନସା କାମ୍ ତିଙ୍ଗନେ ଇସପର ଆନେଙ୍ଗ୍ ସୁଜଗ୍ ବିବ । ଇସପରନେ ନିମାଣ୍ଡା କବର୍ ବାସଙ୍ଗ୍ ଅଲେଙ୍ଗ୍‌ନେସା ନେଙ୍ଗ୍ ମୁଇଂ ଦର୍ମ୍ ଗୁରୁ ରକମ୍ କାମ୍ ତିଙ୍ଗ୍‌ଣିଂକେ । ବିଜାତି ରେମୁଆଁଇଂ ପବିତ୍ର ଆମ୍ବାନେ ବାନ୍ ଅପେଃଃକ୍ଳେ ପୁରୁସକାର୍ ରକମ୍ ଇସପର ତାଗରା ବୁଜେ ଆରଲେଃ ଆକେନ୍ ନେଙ୍ଗ୍‌ନେ ଉଦେସ୍ ।

୧୭ କିସଟ ଜିସୁ ଏଡେ କୁଡେମାଡେଡେ ଇସପର ନସା ଆକେନ୍ ସେବା କାମ୍ ତିଙ୍ଗ୍‌ଣିଂକେସା ନେଙ୍ଗ୍ ଗର୍ବ ମନେ ତିଙ୍ଗ୍‌ଣିଙ୍ଗ୍‌କେ ।

୧୮ ଅବିସବାସି ରେମୁଆଁଇଂକେ ଇସପରନେ ଆଦେସ୍ ମାନେନସା କିସଟ ନେଙ୍ଗ୍ ବାନ୍ ମେଃନେ ସାଦେବକେ ମୁଇଂ ଆକେନ୍ ସାମୁଆଁ ବାସଙ୍ଗ୍‌ନେସା ନେଙ୍ଗ୍ ସାହାସ୍ ତିଙ୍ଗ୍‌କ୍ଳେଃକେ ।

୧୯ ଆକେନ୍ ମେଁ ତିଙ୍ଗ୍‌ବକେ ବ୍ବାଲିର୍ ବାରି କାମ୍ ଏଡେ ବାରି ଇସପରନେ ଆମ୍ବାନେ ବପୁରେ । ତେସା ନେଙ୍ଗ୍ ଯିରୁଶାଲାମ୍‌ବାନ୍ ଇଲିରିକମନ୍ନିଆ ଝେନେ ବେଲା ଗାଲି ମଜେ କିସଟନେ ନିମାଣ୍ଡା କବର୍ ମାବ୍‌ଟକୁଟା ବାସଙ୍ଗ୍‌ମ୍‌କେ ।

୨୦ ମୁଡ଼ି ଜାଗାଇଂନ୍ନିଆ ରେମୁଆଁ କିସଟନେ ବିସୟରେ ଆଅଁ ଆରକେ ଆଡ଼ଅରିଆ ମେଃନେ ବ୍ବାଲିର୍ ବାସଙ୍ଗ୍ ଅଲେଙ୍ଗ୍‌ନେସା ନେଙ୍ଗ୍‌ନେ ଇକଟା ମେଃଡାଗଲା ବିନ୍‌ରେ ଛାଗ୍‌ବକ୍ଳେ ପାଣ୍ଡୁନ୍ ଆଡ଼ାଡ଼ା ତୁଆ ଆରେନେସା ନେଙ୍ଗ୍ ଚାଏଁ ନାଡ଼ିଙ୍ଗ୍‌କେ ଶୁ ।

୨୧ ସାସ୍ତ୍ରରନିଆ ଡିଡିରକମ୍ ଗୁଆରବକେ:
 “ଜାଣ୍ଠେଇଂ ମେଠନେ କବର୍ ଆବାକେ ମେଇଂ କେଆରଏ;
 ଜାଣ୍ଠେଇଂ ଆଅଁ ଆରକେ ମେଇଂ ଦ୍ଵିଗ୍ଆରଏ ।”

ରମ୍ ଝେନ୍ସା ପାଉଲ୍‌ନେ ଇକ୍‌ଚା

୨୨ ✠ଗୁଲେତର୍ ପେ ଡାଗ୍ରା ପାଙ୍‌ନେସା ନେଙ୍‌ନେ ଇକ୍‌ଚା
 ଲେଠଗେ ।

୨୩ ମାତର୍ ଆକେନ୍ ଏରିଆ ନେଙ୍‌ନେ କାମ୍ ଡା ଲେଠକେ ବାରି
 ନେଙ୍‌ନେ ଆସା ଆପେକେ କେନ୍ସା ନେଙ୍‌ନେ ଗୁଲେ ମୁଆଁନେ ଆସା
 ଏବେ ପୁରନ୍ ଡିଙ୍‌ଏ ।

୨୪ ସ୍ଵେନ୍ ଝେନେ ଗାଲିଅରିଆ ଆପେକେ କେଚେ ମାଙ୍‌ଏ ଡାଗଚେ
 ବାବେଲ୍‌ଠକେ । ପେ ଡାଗ୍ରା ଇକ୍‌ଚା ବେଲା ରକମ୍ ଅଲେଙ୍‌ଚେ
 ଇଡିଙ୍‌ ପେନି ସାଇଜ୍ୟରେ ସ୍ଵେନ୍ ଆଣ୍ଠେ ଝିଗ୍‌ଏ ।

୨୫ ✠ଏକେ ଇସ୍‌ପରନେ ରେମୁଆଁଇଂକେ ସେବା ଡିଙ୍‌ନେସା ନେଙ୍‌
 ଯିରୁସାଲାମ୍ ଝେନ୍ସା ଡାର୍‌ଲ୍‌ଠକେ ।

୨୬ ଯିରୁସାଲାମ୍ ଅରିଆ ଇସ୍‌ପରନେ ମୁଡି ରେମୁଆଁଇଂ ଅବାବ୍‌ରେ
 ଲେଠଆରକେ ମେଇଂ ନସା ଉଡିସୁଗୁଆ ଡାବୁ ସାଇଜ୍ୟ ବେନ୍‌ସା
 ମାସିଦୋନିଆ ବାରି ଆଖାୟାନେ ମଣ୍ଡଲିଇଂ ଜଙ୍‌ନା ଡିଙ୍‌ବଆରକେ
 ।

୨୭ ଆକେନ୍ ମେଇଂନେ ନିଜର୍ ଇକ୍‌ଚାରେ ନିସ୍ଵତି: ସଡ୍
 ଦେକ୍‌ରକମ୍ ଡିଙ୍‌ନେ ମେଇଂନେ କାମ୍ । ଜିଉଦିଇଂ ନିଜର୍ ଆମ୍‌କ
 ଆସିର୍ବାଦ୍‌ରେ ବିଜାତି ରେମୁଆଁଇଂକେ ଆକୁଡେବଗ୍‌ସା ଜିଉଦିଇଂକେ
 ନିଜର୍ ଆତ୍‌କ ଆସିର୍ବାଦ୍‌ରେ ଆକୁଡେଚେ ଆମେଇଂକେ ସାଇଜ୍ୟ
 ଡିଙ୍‌ନେ ବିଜାତି ରେମୁଆଁଇଂନେ କାମ୍ ।

୨୮ ଯିରୁସାଲାମ୍‌ନିଆ ଆତେନ୍ ଡାବୁ ଅପେଠ ବିଚେ ନେଙ୍‌ନେ କାମ୍
 ଶ୍ରାଠାକ୍‌ ଇଡିଙ୍‌ ନେଙ୍‌ ସ୍ଵେନ୍ ଝେନ୍ସା ଡ୍ରାଏ ବାରି ଗାଲିବ
 ଆପେକେ କେଚେ ମାଙ୍‌ଏ ।

୨୯ ନେଙ୍‌ ମ୍ୟାଠଲ୍‌ଠକେ କିସ୍‌ ଡାଗ୍ରାବାନ୍ ପୁରାପୁରି ବାବ୍‌ରେ
 ଆସିର୍ବାଦ୍ ଡୁଂଝେଚେ ନେଙ୍‌ ପେ ଡାଗ୍ରା ମାଙ୍‌ଏ ।

✠ ୧୫:୨୨ ରମିୟ ୧:୧୩. ✠ ୧୫:୨୫ ୧ କରିନ୍‌ଡିୟ ୧୨:୧-୪.

୩୦ ଅ ବୟାଁ ତନାଇଁ ମାପରୁ ଜିସୁ କିସ୍ତନେ ମ୍ନିରେ ବାରି ପବିତ୍ର ଆମ୍ବା ବିବକ୍ତେ ଆଲାଦ୍ ଲେଖଗ୍‌ସା ନେଙ୍ଗ୍ ଆପେକେ ସାରଲ ଶ୍ରିଙ୍ଗକେ ନେଙ୍ଗ୍‌ସା ଡାଟ୍ ବାବ୍‌ରେ ପାରତନା ଡିଙ୍ଗ୍‌ପା ।

୩୧ ଅବିସବାସି ରେମୁଆଁଇଁନେ ବାନ୍ ନେଙ୍ଗ୍ ଡିଡିରକମ୍ ନିମାଣ୍ଡା କ୍ଲେ୪ଏ ବାରି ଯିରୁସାଲାମ୍‌ନ୍ନିଆ ନେଙ୍ଗ୍‌ନେ କାମ୍ ଡିଡିରକମ୍ କି ଆଡ୍‌ଅରିଆନେ ଇସ୍‌ପର୍‌ନେ ରେମୁଆଁଇଁ ରାଜି ଡିଙ୍ଗ୍‌ଆର୍‌ଏ ଆଡେନ୍‌ସା ପାରତନା ଡିଙ୍ଗ୍‌ଲାଲାପା ।

୩୨ ଇସ୍‌ପର୍‌ନେ ଇକ୍‌ଟା ଡିଙ୍ଗ୍‌ଲା ନେଙ୍ଗ୍ ପେ ଡାଗ୍‌ରା ସାର୍‌ଦାରେ ମାଙ୍ଗ୍‌ଏ ବାରି ପେ ଏଡେ ଉଡିସି କଟେଟେ ନେଙ୍ଗ୍ ମନ୍‌ଅରିଆ ମ୍ନେଡ୍‌ପାଏ ।

୩୩ ସାପାନେ ସାନ୍ତିଦାତା ଇସ୍‌ପର୍‌ ପେ ଏଡେ ଲେଖଲେ । ଆମେନ୍ ।



ପାଉଲ୍‌ନେ ସାରାସାରି ସାରଲ

୧ କେକ୍‌କ୍‌ ଅରିଆ ଲେଖକ୍‌କ୍‌ ମଣ୍ଡଲିନେ ମୁଇଁ ସେବାଡିଙ୍ଗ୍‌ଶ୍ଟ୍ରେ ତନାଡେ ଫିବେକକେ ଗୁଆରେ ଶ୍ରିଂକେ ।

୨ ମାପରୁ ମ୍ନିରେ ଆମେକେ ଗ୍ରାଅନ୍ ଡିଙ୍ଗ୍‌ଟେ ଇସ୍‌ପର୍‌ନେ ରେମୁଆଁ ସୁଗୁଆ ଆଚରନ୍ ଡିଙ୍ଗ୍‌ପା । ମେଇଁନେ ଦର୍‌କାର୍ ଲେଖକ୍‌କ୍‌ ଇସାବ୍‌ରେ ସାଇଜ ବି୪ପା । ନେଙ୍ଗ୍‌ନେ ବାରି ଗୁଲେରେନେ ମେଁ ମୁଇଁ ସାଇଜ ଡିଙ୍ଗ୍‌ଶ୍ଟ୍ରେ ବନ୍ଦୁ ।

୩ *କିସ୍‌ଟ ଜିସୁନେ ସେବାନ୍ନିଆ ନେଙ୍ଗ୍ ଏଡେ କୁଡେଟେ କାମ୍ ଡିଂମ୍ୟାକ୍‌କ୍‌ ପ୍ରିସ୍‌କା ବାରି ଆକ୍‌ଲାକେ ନେଙ୍ଗ୍‌ନେ ନମସ୍କାର୍ ପେରା୪ମ୍ୟା୪ଏ ।

୪ ମେଇଁ ନେଙ୍ଗ୍‌ସା ନିଜର୍ ଜିବନ୍‌କେ ବିବଆରକେ । ମାତର୍ ନେଙ୍ଗ୍ ଆ୪ ଶ୍ଟ୍ରେ ସ୍ତାପା ବିଜାତି ମଣ୍ଡଲି ମେଁଡାଗ୍‌ରା ଲେଖଆରକେ ।

୫ ମେଇଁନେ ଡୁଆ ଅରିଆ ମୁଇଁନ୍‌ଗ୍ ରିସିଙ୍ଗ୍‌ଟେ ପାରତନା ମଣ୍ଡଲିକେ ଡିଗ୍ ନେଙ୍ଗ୍‌ନେ ନମସ୍କାର୍ ଆମ୍ୟାଣ୍ଡିଙ୍ଗ୍‌କେ । ନେଙ୍ଗ୍‌ନେ ନିଜର୍ କୁଟୁମ୍ ଏପାଇନେତକେ ନେଙ୍ଗ୍‌ନେ ସାର୍ଲ ପେରା୪ମ୍ୟା୪ଏ ।

☆ ୧୭:୩ ପ୍ରେରିଡ୍ ୧୮:୨.

ଆସିଆ ପ୍ରଦେସନ୍ନିଆ ମେଁ ତିତିଜ୍ଜତିଜ୍ଜକେ ପରତୁମ୍ କିସ୍ତ ବିସ୍ତବାସି ।

୧୬ ପେନେ ନିମାଣ୍ଡା ନସା ମାଲେ ସ୍ତେ ତିଜ୍ଜବକ୍ତେ ମରିୟମ୍‌କେ ନେଜ୍ଜନେ ସାର୍ଲ ଆଃମ୍ୟାବିପା ।

୧୭ ଆହ୍ମୋନିକସ୍ ବାରି ମୁନିୟାକେ ନେଜ୍ଜନେ ନମସ୍ତାର୍ । ଆକେନ୍ ମ୍ୟାୟା ଜିହୁଦି ନେଜ୍ଜ ଏତେ କଏଦ୍ ତୁଆନ୍ନିଆ ଲେଃଆରଗେ । ନେଜ୍ଜ ସିସେ ମେଇଁ କିସ୍ତ ଦର୍ମ ଗ୍ରାଅନ୍ ତିଜ୍ଜବଗେ ବାରି ପ୍ରେରିତ୍ ସିସ୍‌ଇଁନେ ବିତ୍‌ରେ ମେଇଁ ଚିନାଣ୍ଡେ ।

୧୮ ନେଜ୍ଜ ଏତେ ମାପ୍‌ରୁନେ ସାର୍‌ଦା ବାତିଜ୍ଜକ୍ତେ ନେଜ୍ଜନେ ନିଜର୍ ସାଜ୍ ଆମ୍‌ଲ୍‌ୟାତକେ ନେଜ୍ଜନେ ନମସ୍ତାର୍ ।

୧୯ କିସ୍ତନେ ସେବାରେ ନେଜ୍ଜ ଏତେ କୁଡେତେ କାମ୍ ତିଂମ୍ୟାକ୍ତେ ଉର୍ବାନ ବାରି ନେଜ୍ଜନେ ନିଜର୍ ସାଜ୍ ସ୍ତାଖାୟକେ ତିଗ୍ ନେଜ୍ଜନେ ସାର୍ଲ ଆମ୍ୟାଣ୍ଡିଜ୍‌କେ ।

୨୦ କିସ୍ତନେ ବିସ୍ତବାସ୍ ସେବକ୍ ଆପେଲା ବାରି ଆରିସ୍ତୁଲନେ ତୁଆଣ୍ଡେନେ ସାପାରେକେ ନେଜ୍ଜନେ ସାମୁଆଁ ପେରାଃମ୍ୟାଃଏ ।

୨୧ ନେଜ୍ଜନେ ନିଜର୍ ଜାତିନେ ହେରୋଦିୟନ୍ ବାରି ନାର୍‌ସିସ୍‌ନେ ତୁଆଣ୍ଡେ ବିତ୍ରେ ଜାଣ୍ଡେଃଇଁ ମାପ୍‌ରୁନେ ଆଲ ଲେଃଆରକେ, ଆତେନ୍ କିସ୍ତ ବୟ୍‌ଇଁକେ ତିଗ୍ ନେଜ୍ଜ ସାର୍ଲ ଣ୍ଡିକେ ।

୨୨ ମାପ୍‌ରୁନେ ସେବାରେ ଜିବନ୍ ବିତେ ଲେଃକ୍ତେ ତ୍ରିଫେନା ବାରି ତ୍ରିଫୋସାକେ ବାରି ମାପ୍‌ରୁ ନସା ମାଲେ ସ୍ତେବକ୍ତେ ନିଜର୍ ପର୍‌ସ୍‌କେ ନେଜ୍ଜନେ ନମସ୍ତାର୍ ।

୨୩ ମାପ୍‌ରୁନେ ମ୍ଲା ସିସ୍ ରୁଫସ୍ ବାରି ନେୟାଜ୍ ରକମ୍ ମେଃନେ ଇୟାଜ୍‌ଡେକେ ତିଗ୍ ନେଜ୍ଜନେ ନମସ୍ତାର୍ ।

୨୪ ଆସୁଜ୍‌ଡ, ଫ୍ଲେଗୋନ୍, ହର୍ମୀସ୍, ପାତ୍ରବା, ହର୍ମାସ୍ ବାରି ମେଇଁ ଏତେ ଲେଃତିଜ୍ଜକ୍ତେ ବୟ୍‌ଇଁକେ

୨୫ ଫିଲଲୋଗ ବାରି ମୁଲିୟା ନୀରୁସ୍ ବାରି ମେଃନେ ତନା ବାରି ଅଲୁଫୀ ବାରି ମେଇଁ ଏତେ ଲେଃତିଜ୍ଜକ୍ତେ ସାପା ସାଦୁକେ ନେଜ୍ଜନେ ସାମୁଆଁ ପେରାଃମ୍ୟାଃଏ ।

୨୬ ନେନେ ବୟ୍‌ ରକମ୍ ବାବେତେ ପବିତ୍ର ବାବ୍‌ରେ ବୈନ୍ତାତେ ଆଲାଦ୍ ତିଂପା । କିସ୍ତନେ ସାପା ମଣ୍ଡୁଲି ଆପେକେ ସାର୍ଲ

ଆଃମ୍ୟାଡ଼ିଂକେ ।

ସାରସାରି ଆଦେସ୍

୧୭ ବୟାଁ ବାରି ତନାଇଂ ସାରୁଲ ଶ୍ରିଂକେ ପେ ବା ପେଲେଃକ୍ଲେ ବୁଦିନେ ବିରଦ୍ ତିଙ୍ଗ୍ରେ ଜାଣ୍ଟେଇଂ ପେ ବିଡ୍ରେବନ୍ କିରମର ଆଡ଼ିଙ୍ଗ୍ନେସା ଚେସ୍ଟା ତିଙ୍ଗ୍ମ୍ୟାକେ ମେଇଂନେବନ୍ ସୁଲ ଲାଲାପା ।

୧୮ ଜାଣ୍ଟେଇଂ ଦେକ୍‌ରକମ୍ କାମ୍‌ନିଆ ମିସୁଲେଆରକେ ମେଇଂ ମାପରୁ ଜିସୁ କିସ୍‌ଟନେ ସେବା ତିଙ୍ଗ୍ ଆଡ଼ିଙ୍ଗ୍‌ଆରକେ ଶ୍ରି । ମେଇଂ ମୁଇଂ ନିଜର୍ ଦଦ୍ୟା ବୁଦିକେ ନସୁ ଆଡ଼ିଙ୍ଗ୍‌ନେସା ତିଆର୍ ଲେଃଆରଏ । ବାସାନେ ନାଲେ ସାମୁଆଁ ବାରି ଦଦ୍ୟା ସାମୁଆଁବନ୍ ମେଇଂ ଗରିବ୍ ରେମୁଆଁଇଂକେ ଜଟେ ମ୍ୟାଆରକେ ।

୧୯ ମାପରୁ ସାମୁଆଁ ଆଡ଼ା ପେନି ବିସ୍‌ବାସ୍ ତିଙ୍ଗ୍‌ନେ ସାପାରେ ଅଁଲେଃଆରକେ ଆଡେନ୍‌ସା ନେଙ୍ଗ୍ ମ୍ଲେଡ଼୍ୟା ଶ୍ରିଂକେ । ନେଙ୍ଗ୍ ଚାଏଁଶ୍ରିଂକେ ପେ ସଡ୍ ବିସ୍‌ୟରେ ଜ୍ଞାନବନ୍ ତିଙ୍ଗ୍‌ପା ବାରି ସଡ୍‌ଶ୍ରିଂକେ ବିସ୍‌ୟରେ ଦିଆନ୍ ଆବିଗେପା ।

୨୦ ତେଲା ସାକ୍ତି ବିଶ୍ରେ ଇସ୍‌ପର ଦାପ୍ରେ ସୟତାନକେ ପେ ଞ୍ଚ ବୁନ୍ଦେ ଆଡ଼ିଙ୍ଗ୍‌ଏ । ନେନେ ମାପରୁ ଜିସୁ କିସ୍‌ଟନେ ଅନୁଗ୍ରଅ ପେ ଆଡ଼ାତ୍ରା ଲେଃଲେ ।

୨୧ ନେଙ୍ଗ୍ ଏତେ କୁଡ଼େରେ କାମ୍ ତିଂମ୍ୟାକ୍ଲେ ତିମତି ବାରି ନେନେ ଜିହୁଦି ବୟାଁଇଂ ଲୁକିୟ ଯାସୋନ୍ ବାରି ସୋସିପାତ୍ର ଆପେକେ ସାର୍ଲ ଆଃମ୍ୟାଡ଼ିଙ୍ଗ୍‌କେ ।

୨୨ ନେଙ୍ଗ୍ ତର୍ଜାୟ ପାଉଲ୍ ଆଲ୍ଲା ଆକେନ୍ ଉଲିଆକେ ଗୁଆରଶ୍ରେ ମାପରୁ ମିରେ ଆପେକେ ସାର୍ଲ ତିଙ୍ଗ୍‌କେ ।

୨୩ ☆ ସାପା ମଣ୍ଡଲି ଆରି ଆନେଙ୍ଗ୍ ଜାଗା ବିଃକ୍ଲେଶ୍ରେ ଗାୟସ୍ ଜା ତୁଆ ଅରିଆ ପୁଜାପାତି ତିଙ୍ଗ୍‌ଶ୍ରେ ରିସିଙ୍ଗ୍ ମ୍ୟାଆରକେ ବାରି ଆକେନ୍ ନଗର୍‌ନେ ଆରାଇ ଏରାଷ୍ଟ୍ ବାରି ବୟାଁ କ୍ଲାର୍ଡ୍ ତିଗ୍ ଆପେକେ ସାର୍ଲ ଆଃମ୍ୟାଡ଼ିଙ୍ଗ୍‌କେ ।

୨୪ ମାପରୁ ଜିସୁ କିସ୍‌ଟନେ ଅନୁଗ୍ରଅ ପେ ସାପାରେ ଅରିଆ ଲେଃଲେ ।

☆ ୧୭:୨୩ ପ୍ରେରିଡ୍ ୧୯:୨୯; ୧ କରିକ୍‌ତିୟ ୧:୧୪; ୨ ତିମତି ୪:୨୦.

ପାର୍ତନା ବାରି ପ୍ରସଂସା ଏତେ ଉଲିଆନେ ସାରାସାରି

^{୨୫} ଏଲାପା ଇସ୍ପରକେ ଗୌରବ୍ ନେଡିଙ୍ଗ୍ପା । ନେଙ୍ଗ୍ ବାସଙ୍ଗ୍ ଅଲେଙ୍ଗ୍ ମ୍ୟାଃକ୍ କିସ୍ତୁ କିସ୍ତନେ ବିସ୍ତରେ ନିମାଣ୍ଡା କବର୍ ବାରି ଜୁଗ୍ ଜୁଗ୍ ସାତେ ବୁଡିଲେଃକ୍ ଚିକିନିକି ସଡ୍ ଆଣ୍ଡେଙ୍ଗ୍ ପେନେ ବିସ୍ବାସ୍ତକେ ତାଟ୍ରେ ବନ୍ଦା ଇସ୍ପରନେ ଇକ୍ତା ।

^{୨୬} ଆଡେନ୍ ସାପା ସଡ୍ ସାପା ବାବବାଦିଇଂନେ ସାସ୍ତ୍ରନ୍ନିଆ ଗୁଆର୍ ବକେ ବାରି ଆଡେନ୍ ଏକେ ଅଃସେବାନ୍ ଲେଃକ୍ ମାପୁରୁ ଇସ୍ପରନେ ବାନ୍ ସାପା ଜାତି ବିଡ୍ରେ ବାସଙ୍ଗ୍ ଅଲେଙ୍ଗ୍ ତିଆରକେ । ଆକେନ୍ ବାନ୍ ସାପାରେ ବିସ୍ବାସ୍ ତିଙ୍ଗ୍ରେ ଇସ୍ପରନେ ସାମୁଆଁ ମାନେଚେ ଲେଃଆର୍ଏ ।

^{୨୭} ମାପୁରୁ କିସ୍ତୁ କିସ୍ତନେ ବାନ୍ ସାପା ମ୍ୟାଃନେ ମୁଇଂ ମାତର୍ ଇସ୍ପର ଜୁଗ୍ ଜୁଗ୍ ମଇମା ବାଲେଃ । ଆମେନ୍ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c